



1623















IN

De

Cap

Cap

Cap

Cap

Cap


Ca

Ca





VITA BEATI AVGVSTINI ORDINIS  
 Predicatorum, ex Zagrabienſi Lucerini Epif-  
 copi, per Ioannem Tomcum Marnavitium, Boſnenſem  
 Episcopum, Lectorem, & Coadiutorem Zagrabien-  
 ſem, fideliter collecta.



**A**ragurium, Civium Romanorum Oppi-  
 dum, ab Iſſeis conditum, *marmore notum* teſte  
 Plinio, Civitas Dalmatiæ nobiliſſima, præſtan-  
 tiſſimorum Virorum perenne Seminarium, Au-  
 guſtinum edidit, circa medium decimumter-  
 tium Chriſtianum Seculum, quo vix vllum aliud  
 à Chriſto nato, novitate, & varietate rerum non minus politica-  
 rum, quam ad pietatem ſpectantium, præſertim Sacrarum Fa-  
 miliarum inſtitutione, feracius extitit. Genus ei patricium, ea  
 tempeſtate, qua Dalmaticæ Civitates, ſub patrociniſ Regum,  
 Hungariæ, libera conditione florebant imprimis. Parens ejus  
 fuit Nicolaus nomine ex Gazothorum gente, quæjam Caſſiotha  
 dicitur, magnæ prudentiæ, & probitatis Vir, inter illius patriæ  
 Senatores. Mater ex Dragoeviorum familia inter Sicenses  
 perpetuò primaria, Dragoslava nomine: multiplici prole, ea-  
 que inſigni fuere. Tempus natale adamuſſim ſicuti & pueri-  
 lis educatio, vitio illius ætatis, in obſcuro deliteſcunt; certum  
 tamen eſt, eum in lucem editum Regnante Sanctiſſimo, & San-



Etissimarum Virginum Margarethæ, & Cunegundæ Genitore,  
 Rege Bela quarto hujus nominis, qui iisdem ferme annis, Reg-  
 no per Tartaros pulsus, ad Dalmatiæ littora confugiens, in Vrbe  
 Traguriensi, adiacentibusque eidem Insulis, tutum perflugium  
 habuerat. Parentum cura liberaliter educatus, pietati, & Reli-  
 gioni mirabiliter adolevit. Vix ad juventutis bivium accesserat,  
 cum Deo vocanti potius, quàm parentibus parendum existi-  
 mans, purissimæ vitæ florem, illi, qui pascitur inter lilia, conse-  
 cravit. Vigebat per ea tempora mirabili vitæ Sanctimonia,  
 Evangelicoque studio animarum Christo lucrandarum, magno  
 divinæ gloriæ incremento, & per orbem Christianum dilataba-  
 tur Sacra Prædicatorum familia, ineunte eodem seculo, à San-  
 ctissimo Viro Dominico, Hispano genere, sed Gotthalamo ori-  
 gine, instituta. Hujus religiosi moribus allectus pius Juvenis,  
 mundo, Parentibusque valedicens, inter ejusdem familiæ tyro-  
 nes adscribi postulavit, & obtinuit. Admissus inter Cœno-  
 biacos, ijs artibus, & rudimentis, quibus illa ætas ad omnimo-  
 dam pietatem informatur, brevi profecit egregiè. Potissi-  
 mum illi studium fuit sæcularium consuetudinum, humanorum-  
 que negotiorum totalis oblivio, cujus assequendæ gratia, post  
 macerationes corporis, novæ menti induendæ, novisq; consi-  
 lijs imbibendis, totum sese addixit; quibus faciliè inde vitæ  
 simplicitas, ardor divina meditandi, abjectio suimet, & proprii  
 judicii abdicatio accessere. Tales virtutes perpetua suarum  
 appetitionum compressio, assiduaque sibi adversandi exercita-  
 tio; denique regularium virtutum Regina decoravit. *coeca*, ut  
 ajunt. *obedientia*, ut Tyro adhuc, ipsis veteranis, nedum commi-  
 litionibus, esset exemplo, & admirationi. Tyrocinio exacto,  
 solemnī Claustralium virorum voto proprio, Prædicatoriæ fa-  
 miliæ insertus, in litteris humanis simul atque divinis magnos  
 fecit progressus. Hinc Sacerdotio conspicuus, ad Cathedras,  
 & Evangelicos suggestus, Superiorum nutu sublimatus, egre-  
 giam Dei Ecclesiæ non minus verbo, quàm exemplo, pluribus

in

H. V. 8. (b)



in locis Christiani orbis navavit operam, semper idem, qui primo religionis ingressu, perseverans. Hinc nec speciosiora munia, nec digniores gradus illum unquam à semel ducta solidæ pietatis linea deducere potuerunt. Augustini porro Eminentiissimi Doctoris Ecclesiæ, cujus nomen in castris Regularibus assumpserat, ita mores exprimere satagebat in omnibus, ut in conversatione Fratrum, sive præset alijs domestico magistratu, sive subesset, ob oculos sibi perpetuò Magni Patris monita obversari putaret; quæ & alijs Confratribus subinde magna suavitate inculcabat: præsertim illa ex Homilia 4. *Recte novit vivere, qui recte novit orare*: Sicut & illa ex tract: de miseric: *Quid est oratione præclarior, quid vita nostra utilior, quid animo dulcius, quid in tota nostra Religione sublimius?* Illa quoque sæpius iterabat: *Oratio iusti clavis est Cæli, ascendit precatio, & descendit Dei miseratione.* Concludebatque excellentiam orandi ejusmodi verbis: *Sicut ex carnalibus escis altera caro, ita ex divinis eloquijs, & orationibus interior homo nutritur.* Ac sic Augustinum Augustinus exhibere, aliosque in eundem transformare satagebat, elevationis mente ad Deum. Dalmatam quoque Sanctorum Doctorum maximum Hieronymum, Dalmata ipse, scribentem ad Salvinam crebrò repetebat: *Semper in manibus tuis divina sit lectio, & tam crebra orationes, ut omnes cogitationum sagitte, quibus adolescentia percuti solet, hujusmodi clypeo repellantur.* difficile est etenim, quin potius impossibile, perturbationum vitijs carere quemquam. Eodem quoque magistro, se reliquosque monebat, Non verbis tantum, sed corde Deum esse orandum, nam ut idem ait; *melior quinque psalmorum decantatio cum cordis puritate, ac serenitate, & spiritali hilaritate, quam totius Psalterij cum anxietate cordis, atque tristitia.* His sc. gradibus, perfectam conjunctionem cum Deo videbatur assecutus. Humilitatis autem, sicuti & charitatis erga alios, super quàm dici queat, studiosissimus erat. hinc sicuti factò, ita quoque voce, familiarissima habebat illa verba, quibus Ambrosius Augustini Magister, Demetriadem Virginem



olim instruebat. Multum, aiebat, ad roborandam dilectionem valet, cum secundum doctrinam Apostolicam invicem se homines honore præveniunt; & alter alterum superiorem existimantes, amant servire subjecte, & nesciunt timere Prælati; cum & pauper divitem non sibi dubitat anteferre, & dives pauperem sibi gaudet aquare; cum & sublimis non superbiat de claritate prosapia, & pauperes non extolluntur de communione natura: cum denique non plus tribuitur magnis opibus, quam bonis moribus, neque major ducitur phalerata iniquorum potentia, quam rectorum inhonora justitia. Et quia familiares illi erant parabolæ ad imitationem Christi, tam in publicis concionibus, quam privatis colloquijs, cum crebrò illud Apostoli ad Galatas, *Alter alterius onera portate*, inculcaret, Cervorum similitudinem ex Sancto Augustino quæst: 71. proponebat. Sicut enim de Cervis nonnulli talium cognitionum studiosi scripserunt, cum fretum ad Insulam transeunt pascuarum gratia, sic se ordinant, ut onera capitum suorum, quæ gestant in cornibus, super invicem portent, ita ut posterior in anteriorem cervice projectu caput collocet; & quia necesse est, unum esse qui cæteros præcedat, nec ante se habeat, cui caput inclinet, vicibus id agere dicitur, ut lassatus sui capitis onere, ille qui præcedit, post omnes recedat, & ei succedat, cujus ferebat caput, cum ipse præiret: ita invicem onera sua portantes, fretum transeunt, donec veniant ad terræ stabilitatem. Ita ille. Qui quando remissiores aliquos in Monasterijs videret in disciplina servanda, ne videretur ex rigidiore reprehensione aliquomodo in fraternam Charitatem impingere, consueverat, magna modestia illud ejusdem Augustini ad plebem Hipponensem in memoriam revocare: *Ex quo Deo servire cæpi, quomodo difficile sum expertus meliores, quam qui in Monasterijs profecerunt, ita non sum expertus peiores, quam qui in Monasterijs ceciderunt.* Præfuit pluribus Prædicatoriæ familiæ sacris domibus, tam in patria, quam extra: in patria autem plurimorum monasteriorum fuit ipse Fundator, ex quibus præstantissimi Sanctæ Ecclesiæ prodierunt operarij. Bosnensibus etiam partibus, quæ à Manichæis non ita pridem è Græcia,

ad Gal.

6.

atque



atque Tracia scatentibus, miserandum in modum devastabantur, verbo & exemplo, Apostolicam navavit operam, eximio operæ præcio. Sed & ad Italicas partes, superiorum jussu translatus, prædicatione verbi Dei, morumque sanctimonia, Christi bonum odorem, magna suæ Dominicanæ familiæ exstimatione, se gessit; præsertim cum per ea tempora, infelicissima Italicarum rerum esset conditio, propter pestiferas Guelphorum & Gybelinorum factiones, quibus nihil tetrius humanum genus ab orbe condito pertulerat. Verumenimverò, qui Italiæ extremis malis immersæ, zelo Apostolico maturam opem attulerat, Hungarico Regno, ex summa felicitate ad imum miseriarum declinanti, divina dispositione opitulaturus, evocatur ex Italia, & ipsam Dalmaticam patriam deserere cogitur. Etenim deficiente Sanctorum Regum prole mascula, per trecentos annos in Pannonijs incluta, Regnicolæ in partes divisi, sacræ Coronæ decus, armorum vi potius, quàm sacrarum, legum temperamento, Bohemicis, Bavaricis, Andegavensibusque Principibus, tanquam per foemineum sexum ex Hungarico stemmate descendantibus, obtrudebant. Andegavensium porrò jus, ut potè reliquis omnibus potius, Romanus Pontifex à saniori parte Vngarorum sollicitatus, atque etiam eo jure, quo Stephanus Vngarorum Apostolus, à sede Apostolica, Coronam, & Regium nomen prius obtinuerat; nec non & eo, quo postea idem Rex, Regnum Sancto Petro perpetua donatione consecravit, sacrata tuebatur autoritate. Qua tempestate, cum Bonifacio Octavo, qui Nicolaum Cardinalem Ostiensem legatum destinarat in Hungariam, Benedictus decimus, appellatus undecimus, post tertium annum à decimotertio Seculo Christiano, ex Prædicatorum familia lectus, vir pietatis eximiæ, in Sede Petri susceptus esset, cumque eodem tempore Ecclesia Zagrabienensis, totius Hungarici Regni amplissima, ob translatum Michaelem ejus decimumquintum Præsulem, ad Strigoniensem Archiepiscopatum, solatio pastoris esset destituta, Benedictus, vt

tantæ



tantæ Ecclesiæ Præsulem aptum præficeret, qui vulneribus Vaganticis etiam medicina Apostolica prodesse valeret, in Augustinum, quem in Sacra Dominici familia diu collegam habuerat, coniecit oculos, eundemque Romam evocatum, vel reluctantem, Pastorale munus subire coegit. cum quo dum familiarius, pro prioris consuetudine, & germanitate morum ageret, eidemque in primo ad se accessu, manum valetudinariam salutationis ergo porrigeret, ubi primum ab hospite tacta, & pio osculo signata fuit, absterfo statim dolore, osculata manus, vires integras, majori aliorum quam Pontificis, cui virtus Augustini probatissima erat, admiratione, recepit. Aliud quoque non minus mirandum contigit; etenim cum Summus Pontifex jure Christiani hospitij, eundem mensæ suæ admovisset, eidemque aliquot aviculas, tanquam ex itineris ærumnis debilitato, curasset apponi, ille verò observantiæ Regularis instituto, quo Dominicanis Fratribus perpetuè carniū vsus interdicatur, tenacissimus, aliquandiu hæsitabundo similis, ab illorum tactu abstinendo, cordis intimi affectu Dei opem implorasset, en avicula assæ, tanquam è nido, ex patina apposita, omnibus obstupescens evolantes, divina metamorphosi, totidem pisces affos, in eodem vasculo, loco sui reliquerunt. Hinc Pontifex confirmatus in antiqua opinione, quam pridem in communi palæstra, de Sancto Viro conceperat, eundem manibus suis supremo sacerdotio decoratum, ad Zagrabiensem gregem destinavit. Cui dum præfesset, solliciti pastoris curam, & accuratissimi Patris affectum, magno illius Ecclesiæ incremento, comprobavit. Prima tamen illum sollicitudo tenuit, ne quamvis Episcopus, quidquam de Regularis vitæ præscripto remitteret. Inde propè Cathedralē suam, à fundamentis erecta Ecclesia, quam Sanctissimorum Præsulū normæ Sancto Nicolao dicatam voluit, eidem Dominicanorum Fratrum Monasterium adjuavit, quibus cum, totum id temporis, quod à Pontificali munere sibi supererat, in conversatione charissimorum Fratrum



piè transigebat. Quibus etiam plura alia loca intra suæ Dice-  
 cesis terminos extruxit, ut quamdiu illam lustraret ex officio, ex  
 inolita sibi consuetudine, ad illos divertendo, & spiritui refo-  
 cillando intentus, Monachus esse posset. Quam porro Deo  
 hæc Augustini consilia probarentur, facile patuit; cum enim  
 locus, in quo prope Cathedralē Ecclesiā Monasterium ex-  
 truxerat, aquis salubrioribus indigeret, eò quòd fluviolus præ-  
 terlabens, mineralibus qualitatibus inficeretur, positus aliquan-  
 do genibus, & simul cum Fratribus implorato Divino subsidio,  
 manu sua effossa exigua scrobe, in latere proximi tumuli, salu-  
 berrimæ aquæ fonticulum elicuit; qui ad hodiernum usque di-  
 em, à fidelibus avidè potatus ob salubritatem æquè animæ at-  
 que corporis, Augustini nomen retinet. Aliquando à quo-  
 dam ex suo Clero interrogatus, cur ita frequenter ad Monaste-  
 ria sese reciperet Episcopus, cujus esset in medio populorum  
 semper inveniri, respondit; idem etiam à magno Augustino  
 Episcoporum maximo, non solum factitatum, sed etiam in li-  
 bro, quem Manualem, tanquàm semper manibus terendum,  
 inscripsit, ejusmodi verbis commendatum. *Fuge, ò homo, paululum*  
*occupationes tuas, & obconde te modicum à tumultuosis cogitationibus*  
*tuis; vaca aliquantulum Deo, & paululum requiesce in eo; intra cubi-*  
*culum mentis tuæ, & exclude omnia præter Deum, & quæ valent ad*  
*quarendum eum, & clauso ostio quare eum.* Ita ille, qui talia sacra  
 loca, Episcoporum hospitia itinerantium appellabat, subdens:  
*Sicut viator, itineris labore fessus, divertit recreandus ad publica hospi-*  
*tia, ita pastor animarum, ad religiosa receptacula.* Cæterum quo  
 ad opus pastorale, nullibi operam suam desiderari passus est vn-  
 quam; præsertim cum ea tempestate maximè deformis existe-  
 ret facies Ecclesiæ Zagrabienstis; quippè quæ sexaginta ante  
 annis extrema fuerat à Tartarorum colluvie perpeffa, qui ex  
 Septentrionali Asia per Muscoviam, Russiam, Poloniam, Vnga-  
 riam inundantes, Pannonias omnes, & Dalmatiam ipsam ad  
 Mare Adriaticum usque, pulso Rege Bela cum Primatibus, uti

supra



supra inuimus, omnia ferro, flammisque devovendo, inaudita crudelitate Regnum univrsum colonis evacuaverant, ijs exceptis, quibus fuga sibi consulere licuit. Qua occasione devastata etiam ipsa Zagrabiā, vix aliqui Sacerdotes, antiquorum literalia monumenta, in Sacrario Zagrabiensi conservari solita, ad Arbensem Insulam transferendo flammis subtraxerant; unde & Zagrabiensis Ecclesia (opus Sanctissimi Regis Ladislai) cum adiacenti Canonicorum Monasterio jacuit. Apſide majori excepta, ferme everſa. Et licet post Tartarorum discessum, Philippus undecimus illius Ecclesiæ Præsul, eandem restaurare aggressus esset, (Vir publici boni amantiſſimus, vtpote qui & castrum Medued appellatum, in monte Zagrabiæ imminenti, perſugio Cleri & incolarum, sacris pecunijs à fundamentis excitaverat, civitate proxima Montis Græcensis muro minime adhuc obſepta:) tamen vix fundamentis Ecclesiæ exſurgentibus, ad Strigoniensem Sedem traſſatus, opus majori ſpe quàm effectu cœptum, imperfectum reliquerat. Thimotheus attamen ejus ſucceſſor, ingenti conatu, intermiſſum opus, quāmdiu vixit, ad ſummam promoverat altitudinem, eamque inſigni opere elaboratam, (prout ejusdem gentilitia ſtemmata poſteritati ſunt argumento:) nec ſolū muris extruendis, læternū laudabilem operam navaverat, ſed & diverſis aureis, argenteis, ac alijs pretioſis ornamentis ſacram ſupelleſtilem inſtruxerat, prout vetera Zagrabiensis Sacrarij monumenta reſtantur. Atque utinam Antonius, & Ioannes, vnus poſt alium ſucceſſores, optimi Timothei inſtituiſſent veſtigijs; & non potiūs paratis dilapidandis, ipſoque Meduedenſi caſtro, beneficio dicam, an veriūs maleficio ſuorum Conſanguineorum, & animæ propriæ, alienando obijſſent inglorij. Ioannes præſertim; unde inter illū, & Cathedrale Capitulum, lites ingentes exorta, in arma, & in apertas perſecutiones erupere, magnō detrimento nobiliſſimæ Ecclesiæ, niſi dextra Domini vitam ejus Anno ſalutis 1295. prædiſſet. Curavit optimus ſucceſſor Michael, præ-

deceſſo-



decessoris mala còrrigere: adeò vt nec ab armis sumendis, pro defensione suæ Ecclesiæ, & quiete totius Regni abstineret; præsertim, cum per ea tempora, Carolus, Caroli, Claudij appellati, Regis Sicilia filius, ex Maria filia Stephani Regis, Belæ quarti filij, prognatus, ad coronam aviticam ab Vngaris evocatus, propè Zagrabiam cum Andrea Rege, Veneto dicto, coactus fuerit armis infelicitè decertare. Sed & ipse, vt diximus, ad Strigoniensem evocatus Ecclesiam, ingentes curas, & labores, vix alteri, quàm Augustino sibi suffecto, tolerandos reliquit. At is, cum vulnera suæ Ecclesiæ perniciosiora, quàm quæ humanis medicamentis curari possent, animadverteret, ad opem divinam confugiens, Clero, in sæculares mores, ne dicam militarem inhumanitatem, sylvescenti, sanando vires intendit omnes. Forma itaque gregis factus, nil præscripsit observandum, quod ipse numeris omnibus non præstaret, facto semper iussa præveniendò. Mira affabilitate ferociore, humanitate petulantiores, precibus elatior, muneribus, honoribus promptiores, in sui observantiam, & amorem, ac proinde ad Divini cultus affectum, & sacrorum munerum frequentiam ita redegit, vt sacris precibus horarum canonicarum persolvendis, *ex Dominicana familia ritu*, in Clerum, armis tractandis, magis quàm sacerdotali psalmodiæ assuetum, introductis, illarum vsum hucusque posteritati transmiserit. Dignitates, quas Columnas Capituli appellant, ab Archidiaconis, Cathedrali nempe, & ruralibus majori præ eminentia adauctis, Canonicos in diversas classes distinxit. Præbendarum Clericorum numero addito, ijs omnibus ex sua Episcopali mensa supplevit necessaria. Vnde Clerum, nullis septentrionalibus amplissimis Ecclesijs secundum, numero, disciplinæ, proventibus spectandum imprimis, ad præsentia vsque tempora instruxit, ornavit, atque ditavit. Synodicalis Congregationibus quolibet anno institutam disciplinam roborando, &, vt verbo pariter & exemplo pollebat, vberissimos fructus Apostolici zeli in horrea magni patris familias, re-



ferebat. Aliquando congregata Diœcesana Synodo. vbi multa circa sacras leges observanda disposuisset; ex illo Evangelij Themate, *Vos estis lux mundi*, ita fertur Clerum suum allocutus.

*Quoniam, fratres charissimi, divina adjuvante gratia, nequaquam ad eos est mihi sermo, quorum viæ tenebræ & lubricum, ut* ps. 34. *divinus occipit Psalter, sed celesti favore, & Spiritu Sancto adistente, vos alloquor, qui tanquam stelle perpetuæ aternitatis, inter procellas turbatissimi maris hujus vita pralucetis, ut luce vestra nulla Ecclipsi tenebrarum offusa, naufrago peccatori ad portum salutis iter ostendatis, dum ex hodierno Evangelio nobis omnibus Christi Sacerdotibus insinuantur illa verba: Vos estis lux mundi, & luceat lux vestra coram hominibus: expedit, ut breviter inquiramus, ex consideratione materialis Cerei luci præstandæ præparati, qualem esse conveniat Evangelici Sacerdotis conditionem, ut illa evitare possimus, quæ lampadi ardenti, & irreprehensibili, per Sacerdotem nobis in fonte baptismali consignata, possint obesse, & Christo jubenti, ut luceat lux nostra coram hominibus, satisfacere valeamus.*

*Lampas itaque cerea, materia confectur est certum, hac porro materies nequaquam ex mineralibus, vel alijs subterraneis fodinis obscurissimorum fœtulentissimorumque lacuum, inferno proximorum, colligitur; sed ex speciosissimis aquæ ac nobilissimis floribus, quos amplissimo sinu hilari pompa tellus Cælis ostentat. Hinc Sacerdos Evangelicus, nequaquam ex quolibet sexu, membrorumq; deformitate: sed ex nobiliori sexu, legitimis natalibus, Religione Catholica, omni labe carens infamia, nulla morum deformitate compaginatus, exemplo Danielis, & sociorum puerorum, ex semine Regio, in quibus nulla esset macula, cœlestibus mysterijs tractandis efformatur.*

*Nec satis habetur, ut Cera colligatur ex ijs, quos diximus speciosissimus nobilissimisq; exhilarata terre floribus, in eum finem, ut fiat apta lampadi conficienda: sed nobilitati, & speciei florum, suavitas accedat, est necesse. Pari ratione non sufficit, ut ex nobiliori sexu, legitimis natalibus, religione Catholica, omni labe nefaria carens, morum nulla deformitate compaginata efformetur Sacerdotalis lampas; sed*



is omnibus accedat, est necesse suavis mansueta natura, pia educatio-  
nis fragrantia, ut Christi, bonus odor esse possimus. Etenim ipse et  
Daniel cum Socijs, quantumvis ex genere Regio, & sine macula cognos-  
cerentur, ad ministerium Regis admissi fuissent nequaquam, nisi omni  
sapientia, & disciplina fuissent edocti.

Et quamvis ex nobilissimis, speciosissimis ac demum floribus ma-  
teria Cera decerpatur, non tamen lampadi componenda sit apta, ni pri-  
us & lingua apum purgetur, stillantiumque labellorum ejusdem ani-  
mantis perficiatur industria; Animantis, inquam, natura castissimi,  
occupatione operosissimi, legum & disciplina tenacissimi: sic & Sacerdos,  
non quia natalibus praestet, & moribus, lampadi Evangelicae concinan-  
da censetur idoneus, sed castimonia purissima vitae excellat, exquiritur.  
Etenim cum nequaquam inter ministros Babilonica aula, sed inter  
aulicos immaculati Agni sit adscribendus, ejusmodi virtute debet in-  
signiri, cum de talibus scribatur: Hi sunt, qui cum mulieribus non  
sunt coinquinati, Virgines enim sunt, & sequuntur Agnum, quo-  
cumque jerit. Et quoniam is debet esse Sacerdos, qui facie ad fa-  
ciem negotium omnium maximum, salutem nempe generis humani tra-  
ctaturus est cum Deo, hac puritate polleat necessum est; ipsa enim  
Veritate testante. Mundi solummodo corde Deum possunt intueri.  
Cujus rei praestantiam penetravit qualicumque modo cunctiens olim gen-  
tilitas, quae curam succendendorum torrium ad aram Deae, ut appel-  
labant, Veste, decreto Romani Senatus, Virginitate praestantibus puellis  
censuit committendam.

Industria item Apis, post puritatem mentis, & corporis, imitan-  
da est Sacerdoti, ut evitandi gratia, nam juxta tritum illud, Innu-  
mera mala docuit otiositas. Hinc maximus Doctorum noster  
Hieronymus Rustico Monacho normam religiose vivendi praescribens:  
Semper, inquit, aliquid facias, ut te Diabolus occupatum inve-  
niat. Nimium indecens est, videre hominem Ecclesiastico muneri  
adscriptum, sacro charactere insignitum, otiose per plateas spaciantem,  
maeliorem partem diei in domibus Magnatum, in tribunalibus litigan-  
tium, & quod pejus est, inter greges computantium dies integros tradu-

Dan. 1.

Apoc  
14.

Mat. 5.

Eccl. 33



ducere, suppresso talento virtutis sibi à Deo communicata; sed & (quod pessimum) abliguriendo, prodigendoq; proventus Ecclesiasticos, legatos sibi pietate fidelium, sæpius imminutione proprii patrimonij, præiudicio prolis, & posteritatis, qua nihil charius in humanis. Revocate vobis in memoriam, Fratres mei, Apostolos, primos Christiana schola Doctores, labore manuum victitasse; unde Paulus, quamvis omnium Ecclesiarum sollicitudinibus occupatus totus, non erubescit id fateri, quin etiam, ut habemus in Actis Apostolicis, gloriatur coram Ephesina Ecclesia talis industria exercitio, dum ait: Argentum, & aurum, aut vestem nullius concupivi, sicut ipsi scitis, quoniam ad ea, quæ mihi opus erant, & his, qui mecum sunt, ministraverunt manus istæ. Et mox exemplo suo præcipit idem à reliquis fidelibus factitandum, dum subiungit: Omnia ostendi vobis, quoniam sic laborantes oportet suscipere infirmos, ac meminisse verbi Domini Iesu, quoniam ipse dixit: Beatius est magis dare, quam accipere. Nec audiendi, qui dicunt, sat benè provisus, & ditatus sacris proventibus, non eget, ut labore manuum sibi consulat; etenim Apostolus expressè id faciendum præcipit, ut habeamus, unde tribuamus necessitatem patienti. Tribuimus ex bonis Ecclesiasticis, ut ajunt: at illud est officij, respondet Apostolus, immò & debiti, cum ait ad Corinthios: sic nos existimet homo, ut ministros Christi, & dispensatores mysteriorum Dei. Hic jam quæritur, ut inter dispensatores fidelis quis inveniatur: id est, juxta Patrum interpretationem, ut ita fideliter utamur proventibus Ecclesie, quatenus quicquid necessitati nostræ, (necessitati dico, non opulentia, non prodigalitati, non luxui, non popinis, non scortis) superest, totum teneamur Christi fidelibus, nostris fratribus, tanquam ejusdem corporis membris, utpotè egenibus erogare; tum quia æqua ratione pertinent ad illos, sicuti ad nos; tum potissimè, ut refrigerio, & salutem illorum piorum, à quibus tales proventus instituti fuere, sit consultum. Fur alioquin habendus quilibet nostrum, & patrimonij Christi fraudator, æternisq; cruciatibus mancipandus, donec minimum quadrantem soluat, ibi, ubi nullus, nisi per immortalitatis pœnas, invenitur soluendi modus. Idcirco, ut eleemo-

Act.  
20.

I. ad  
Cor. 4.

syna



*syna* Sacerdoti proſit, ſacerdotali manu parandam illam requirit Apoſtolus. Quamobrem Hieronymus noſter, ditiffimimi alioqui heres patrimonij, ad Marcum Celedenſem ſcribens, exactiſſime a ſe Pauli præceptum executum teſtatur, cum ait: Nihil alicui præripui, nihil otioſus accipio, manu quotidie, & proprio ſudore quærimus cibum, ſcientes ab Apoſtolo ſcriptum eſſe: Qui autem non operatur, nec manducet. Hæc Hieronymus. At inquiet aliquis: omnium artium ignarus habeor. reſpondeo: ſcribere, legere quicumquæ novit Eccleſiaſticus: ſatis gnarus habetur, unde tali labore atque industria tam publico, quam privato bono conſulat. Veteres illi Monachi eodem Hieronymo teſte, neminem intra ſuum conſortium operis alicujus ignarum admittebant.

Penes caſtimoniam, & industriam, tertia dos naturalis Apum, ſequitur legum obſervantia, & diſciplina tenacitas, quibus Apes unicuique ſuum Principem proſequuntur, venerantur, & colunt, cujus imperio ita ſunt addicte, ut pro illo vitam prodigere minimè timeant, & quæ ſui Principis hoſtem, juſtum credunt ferire, inde ſibi honeſtum ac neceſſarium putant perire, prout ipſe Maro de iſdem cecinit.

### Pulchramque petunt per vulnera mortem.

Et vir ſervitio, cultuiq; Regi Regum dicatus, opera pretium cenſebit, poſtquam mille ſophiſticis excogitationibus, Prælati ſui, ejuſdem Regis Regum præſentiam exhibentis, leges, & juffa pro ſua libidine diſtorſerit, & interpretatus fuerit, expreſſo legum, & Legislatoris manifeſto contemptu, innumeris inventionibus exceptionum, & appellationum, ut vocant, contumacis, & refractarij capitis ſui obſtinationem fulcire? Quidquod jubeat Apoſtolus, Obediendum Dominis, & Præpoſitis etiam diſcolis? Pudeat Chriſtianum Sacerdotem, inter Ethnicos eam fuiſſe erga unius Pythagoræ dogmata aſtimationem, & reverentiam, ut ſola reſponſione: Magiſter dixit: illius mandatis, contra quorumcumque aliter ſuadentium authoritatem, acquieſcerent. Pudeat nos diſcipulos illius Magiſtri, qui gloriam ſuam in eo collocatam voluit, dum ſcholæ inter homines exercuit, et obediens ad mor-

1. Pet.  
2.

tem



tem usque cognosceretur, pudeat, inquam, nos, Prælati nostris per fas & nefas velle præesse. Mitto hic Clericos causarum sollicitatores, litium immortalium incentores; eos denique etiam sæpe Indices litigantibus patrociantes, cum apud Ethnicos, advocatorum patrociniū, creditum fuerit permissum latrocinium; Clericos, inquam, qui sua vocatio- nis obli- ti, turpis lucri gratia, gratiam æterni & nunquam deficientis lucri, sponte, utpote satis ab Ecclesia ditati, remittunt, & respuunt, frustra sacris Canonibus, & Ecclesiasticis statutis reclamantibus.

Iam satis Apis studium circa materiam cera cognovimus; non tamen hanc ideo adhuc aptatam lampadi cerea formanda invenimus, cum requiratur ulterius, ut ab Apum industria, ad purgationem ignis, & roris ærei, pruinatum accedat temperamentum. Quæ in sacer- dote nihil aliud sunt, quam passionum veteris hominis mortificationes, juxta ejusmodi experientie magnum Doctorem, Regium Vatem di- centem: Transivimus per ignem, & aquam. Unde & ipse Ethni- cus Pœta de heroe virtutibus omnibus exculto cecinit.

Multa tulit fecitque puer, sudavit & alsit.

Perfecta jam cera sit licet, eo quo vidimus modo, nec dum ta- men in ceream lampadem, nisi per novum ignem constatur. Pari- modo Sacerdos Evangelicus nequaquam unica mortificatione ve- teris Adæ in lampadem sacro altari adhibendam coalescet, nisi morti- ficationum artibus iteratis, & nunquam depositis. Hinc laudatus hu- jus artis Magister, agebat: Propter te mortificamur tota die, æsti- mati sumus quasi oves occisionis. Et ille alius Sacerdotum Do- ctor: Mortificationem Iesu Christi jugiter in corpore nostro portare, nos jubet. Quod penitus introspectit Ethnicus Pœta, & Hie- ronymo nostro relatus, illis verbis: Tantum profeceris, quantum tibi vim intuleris.

Et, ut cera perfectionem suam per ignes assequatur, non tamen luci præstanda sufficit perse sola, nisi ex candida bombyce lychnus inter- cedat, id est nisi purissima orationis studio Sacerdotale cor instruat. Ut enim trini filii intorsione lychnus pro lampade cerea instruitur; ita Sa-

cerdo-



cerdotis oratio, tunc verolumini adaptatur Evangelico, cum ad mentalem orationem vocalis, & utrique spectata vita decus accedit; de qua Sancti Patres illud, Oportet semper orare, & nunquam deficere, jure merito interpretantur.

Notandum tamen est, hac tria fila, nisi arte intorqueantur, lychnum nequaquam perfici, quare hac intorsio, triplicis orationis censetur Sacerdotalis instructio, & sapientia; & illa quidem non facilis alicujus eruditionis, aut doctrina superficialis, sed diutina tortitione laborum, quaesita, cum juxta sacrum illud scriptura dogma: Labia Sacerdotis custodiunt sapientiam, & legem requirent ex ore ejus. Sanè ex cuius ore requirenda est lex, singulari prudentia, & scientia debet insigniri, praecavendo, ne contra se latam illam sententiam experiatur: Quia tu repulisti sapientiam, & scientiam, & ego te repellam, ne Sacerdotio mihi fungaris.

Denique quam vim ad tenebras expellendas, lucemque preferendam, cerea lampas numeris omnibus absoluta obtinebit, nisi ignea flamma accendatur? ita quid Sacerdoti omnes enumerata dotes, earumque praestantia conferre poterunt, nisi charitatis accendantur ardore? Qua in re diligentior observandum est, charitatem effectivè exerceri posse minimè, absque proprii incommodi sensu, eodem prorsus modo, quo cerea lampas accensa, non nisi suimet immixtione splendet. Sed heu, quam pauci, non quidem cum Sacerdote, sed cum simplici Diacono Laurentio possunt exclamare, & prorumpere in illud Davidicum, Igne me examinasti. Quare? quia disperferat, & dederat pauperibus. Nec solum suarum rerum erogatione, sed etiam propria vite incommodo; idcirco audacter & latus subjunxit: Et non est inventa in me iniquitas. Inmittere manum in crumenam, ut disperdamus nostra propter pauperes, adurit manus, humano more loquendo, non nego, non inficior. At per ejusmodi ignem examinatus est Laurentius, & introductus est in refrigerium. Detractus proprijs vestibus, in ipsa hyemis asperitate, ut nudus operiatur, vrit, & adurit saculare malum: sed ex tali adustione Martinus noster, Catechumenus adhuc, Christum loquentem audit: Martinus adhuc Catechu-

Luc.  
18.

Malas  
1.  
Osea  
4.

ps. 16.



menus hac me veste contextit. Vrit, & adurit nuditas Franciscum, ut egenis succurrat; sed ejusmodi corpusculo nudo stigmata, gemmis, & auro pretiosiora impressa, spectacula sunt Deo, Angelis, & hominibus. Adurit manum largitas effusissima, qua Stephanus, Ungarorum Rex & Apostolus, post innumeras Ecclesias à fundamentis excitatas, & munificentissime ditatas, ut Populos ad caulam Christi per ductos, contineret in Christianitatis officio, nulli petenti opem denegavit unquam, sed illam liberalissime die nocteque habuit, ut aliquando irruente egenorum turba inter tenebras in Regem pietissimum, barbaram ipsi quoque evellerent, stipem rapide pro innata importunitate, & impatientia erepturi: sed eandem dexteram, reliquo toto corpore incineres recidente, integram adhuc extare, amplissimoq; Templo ab ipsa dextera denominato, universa Ungaria cultui, & venerationi haberi, ipsiusq; Sanctissimi Regis gloria amplissimum hoc omnium Hungaricarum partium Templum, in quo consedimus, attolli, precium est nequaquam manus adusta, sed illius herois dextera, de quo Regius Vates intonat, In memoria æterna erit iudis: Et illud, corona aurea super caput ejus &c. Hinc & Regale caput ejus auro, gemmisque fulgidum; sed memoria eximia sanctitatis, gloria, & honoris augustius, tutelare Numen universi Hungarici Regni, Patria hujusce nostra presentaneum decus, insidet Ara Sacrosancta, sicut videtis.

Vidimus itaque, Fratres amantissimi, qualitates Sacerdotalis lampadis; quæ, quia non sub modio, sed super candelabrum, ut ait Salvator noster, ponitur, etiam atque etiam cavendum moneo, ne splendor ejus, vento, vel ab aquis, quibus tantummodo extingui potest, aliquam patiatur injuriam, sed juxta ejusdem Salvatoris præceptum: luceat omnibus, qui in domo magni Patrisfamilias existunt.

Est autem ventus, cujus injurijs Sacerdotalis lampas potest labefactari, terrenarum rerum sollicitudo, cui cum renunciaverimus adscribendi Ecclesiastica militia eo tempore, capillorum nostrorum præcisorum Episcopali manu, terrena omnia rejecimus, & solemniter Dominum partem hereditatis nostræ, & calicis nostri adoptavimus; absque periculo splendoris nostræ lampadis ad curas terrenas redire nobis non licet.

Et-

ps. lxx.  
Eccli.  
45.

Mat.  
5.



Et enim, sicut Hieronymus noster, in hac rem ad Nepotianum Clericum loquitur, Propterea vocantur Clerici, vel quia de sorte sunt Domini, vel ipse Dominus fors, idest pars Clericorum est. Qui autem vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur à Domino. Qui Dominum possidet, & cum Propheta dicit: Pars mea Dominus: nihil extra Dominum habere potest. Quod si quippiam aliud habere potest præter Dominum, pars ejus non erit Dominus; verbigratia: si aurum, si argentum, si possessiones, si variam suppellectilem, cum istis partibus Dominus pars ejus fieri non dignabitur. Ita ille, qui mox subjungit: Obsecro itaque te, & repetens iterumque moneo, ne officium Clericatus, genus aliquod militiae putes, idest, ne lucra sæculi, in Christi quæras militia; ne plus habeas, quam quando Clericus esse cœpisti, & dicatur tibi: Cleri eorum non proderunt eis. Et paulo post, (quod nisi ipse diceret, forte subicerem) ita proseguitur. Ignominia Sacerdotis est, proprijs studere divitijs. Natus in paupere domo, & in tugurio rusticano, qui vix milio, & cibario pane rugientem saturare ventrem poteram, nunc simulam, & mella fastidio. Novi & genera, & nomina piscium, in quo littore Concha lecta sit, calleo, saporibus avium discerno provincias, & ciborum meraritas, ac novissimè damna ipsa delectant. Ita ille; ad cujus integram Epistolam, vos, brevitatis gratiâ libenter remitto, cum tota de re Clericali habeatur. Et, ut adhuc melius nobis innotescat, quanto & nostro, & omnium aliorum præjudicio, talibus ventorum injurijs, splendorem Sacerdotalis lampadis imminui permittimus, Romanus Pontifex Gregorius, ( & eo nomine noster etiam, quo Illustrissimos eius nepotes Frangipanicos Dynastas, qui nuper virtute fastis æternis celebranda, Regnum Hungaricum Regi suo, Regemque Regno, impia Tartarica feritate prope extincto, vindicantes, Cives nostri esse voluerunt. ) Homilia 17. in Lucam quid deploret, audiamus: Nullum, ait, puto, Fratres charissimi, ab alijs majus præjudicium, quam à Sacerdoti-



bus tolerat Deus; quando, quos ad aliorum correctionem posuit, dare de se exempla pravitatis cernit: quando ipsi peccamus, qui compescere peccata debuimus: nulla animarum lucra quærimus; ad nostra quotidie studia vacamus, terrena concupiscimus, humanam gloriam intenta mente captamus: & quia eò ipso, quò cæteris prælati sumus, ad agenda quel bet, maiorem licentiam habemus: susceptæ benedictionis ministerium vertimus ad ambitionis argumentum; Dei causas relinquinus, ad terrena negotia vacamus: locum sanctitatis accipimus, & terrenis artibus implicamur. *Hec Gregorius.*

*Nec vento curarum terrenarum, sed & aquis voluptatum carnalium funestatur sacerdotalis lampas, & miserandum in modum extinguitur, ut meritò sacerdotali nomine inclamet Regius Vates: Saluum me fac Deus, quoniam intraverunt aquæ usque ad animam, infixus sum in limo profundi, & non est substantia. Et enim Sacerdos voluptatibus carnis immersus, tanquam in luto aquarum multarum, non habet aliquam splendoris substantiam; amissa quippè puritate, qua sola divino dignatur intuitu, volutabrum immunditiarum efficitur; certum enim est teste Apostolo, cum quis adhæret meretrici, vnum corpus fieri cum meretrice; at si vnum corpus sit cum meretrice, ergo nulla remanet substantia. Sacerdotalis eminentia, cum femina incapax habeatur Sacerdotij Evangelici: quin imò simpliciter etiam polluta, Vestalium Romanarum exemplo, ab aris repellebatur æternum, & crudelissimo mortis genere exstinguebatur. Sed ne vobis sermone meo tadium pariam, Hieronymum nostratem ex eadem Epistola audiat: Hospitiolum, inquit, tuum, aut rarò, aut nunquam mulierum pedes terant. Omnes puellas, & virgines Christi, aut æqualiter ignora, aut æqualiter dilige. Ne sub eodem tecto mansites, nec in præterita castitate confidas. Nec Sanctior Davide, nec Samsone fortior, nec Salomone potes esse sapientior. Memento semper, quòd Paradyssi colonum de possessione sua mulier ejecerit. Agrotanti tibi quilibet frater afsistat, & germana, vel mater, aut probatæ quælibet a-*

ps. 68.

p. Cor. 6.

apud



pud omnes fidei. Quod si huiusmodi non fuerint consanguinitatis, castimoniarumque personarum, multas anus nutrit Ecclesia, quæ & officium præbeant, & beneficium accipiant in ministrando, ut infirmitas quoque tua fructum habeat eleemosynæ. Scio quosdam convaluisse corpore, & animo ægrotare cœpisse. Periculosè tibi ministrat, cuius vultum frequenter attendis. Si, propter officium Clericatus, aut vidua visitatur, aut virgo, nunquam domum solus introeas. Tales habeto socios, quorum contubernio non infameris. Si Lector, si Acolitus, si Psalteres te sequitur, non ornentur veste, sed moribus, nec calamistro crispent comas, sed pudicitia habitum polliceantur. Solus cum sola, secretò, & absque arbitro, vel teste, non sed eas. Si familiariùs aliquid est loquendum, habet nutricem majorem domus, virginem, viduam, vel maritatam; non est tam inhumana, ut nullum, præter te habeat, cui se audeat credere. Caveto omnes suspiciones; & quidquid probabiliter fingi potest, ne fingatur, ante devita. *Hæc conterraneus nobis, & Presbyter Hieronymus. post quem parentem meum Augustinum, tanquam proprio malo gnarum, quid periculorum faminea habeant commercia, vobis in exemplum adduco: Ille enim feminarum omnium, & in eis sororis, & fratris filia contubernium, familiaritatemque constantissimè evitavit; quippe qui diceret: Etsi propinquæ mulieres suspectæ non essent, tamen, quæ ad eas ventitarent, posse suspensionem efficere.*

*Et ut sermoni finem imponamus, illud identidem cum veritatis Magistro ex Evangelio inculco, Vide Sacerdos, ne lumen, quod in te est, tenebræ fiant. Iudas, Sacerdos, Apostolus, quin etiam Episcopus fuit, avaritia tamen vento lampade extincta, Episcopatum, Apostolatam, Sacerdotium, & animam ipsam perdidit. Tertullianus, Doctor antiquissimus & doctissimus, levissimo vento invidia Romani Cleri afflatus, tanquam stipula ante faciem venti, extincta lampade, tenebris occidit æternis. Arius, Sacerdos Alexandrina Ecclesia, vanitatis vento agitatus, quàm pestilenti fumo post extinctam lampadem.*

Luce  
11.



Evangelicam, Orbem Christianum infecerit, plurimum saculorum ruina testantur. Sergius Monachus, idemque Sacerdos, luto aquarum multarum obruta lampade, teterrimum torrem impurissimum Mahometem, tot Regnorum & Imperiorum everforem, (quod nulla terrarum pars ignorat) in orbem Christianum intulit. Hugonem totius Germaniae primatem, Magdeburgensis Ecclesia diu sanctissimum Presulem habuit, quem tandem, ludo carnis illudentem Deo, sibi que, lutum infernalis aquarum maxime terribili in omne ævum modo ingurgitavit. Et quod non absque lachrymis experimur, vastitatem nuperriam Hungariae, Divinae justitiae rigor, ex fetore trium impurissimorum Presulum, testimonio Sancti Viri pluribus adhuc viventibus cogniti, maturavit. Luceat ergo lux vestra coram hominibus, ut videant opera vestra bona, & glorificent Patrem vestrum, qui in Caelis est. ita tamen, ut qui stat, videat, ne cadat.

Mat. 5.

I. Cor.  
10.

Ita suos allocutus traditur. Decreta porro Synodalia mira dexteritate in mores induci curabat, jugum Domini esse suave probans, innata sibi discretione, & affabilitate, preciosissimis dotibus majestatis Episcopalis, adeo ut neminem asperioribus verbis turbatum à se recedere, quantum fieri poterat; pateretur; & si aliquando desperatam alias humano judicio alicujus emendationem in melius acrioribus verbis perstringere cogebatur, id ea benignitate & verborum placiditate statim condiebat, ut desperatis etiam morbis medelam adinveniret. Viscera charitatis erga omnes indigentes habuit effusissima, perpetuo; neque enim nisi necessarijs sustentationi suae, & familiariae admodum exiguae servitio suo dicatae, retentis, ex affluentissimo sacro proventu, reliqua omnia, Christi pauperibus, hospitibus, & peregrinis, volebat esse communia. Quin etiam quotannis in publica concione coram Clero, & populo, accepti & datationem minutissimam & distinctissimam confueverat exhibere. Non defuit interim fabricae Cathedralis Ecclesiae à Timotheo, ut diximus, promotae, quam licet ad summum ferme culmen perduxisset, nullibi tamen insignia gen-

tilicia



tilicia, aliorum more, sculpi sicut nec sacræ suppellectili, altariumque ornamentis, quibus omnibus munificentissimè profpexit, incidi, vel assui permisit: cùm diceret, *imposturas esse ejusmodi memorias in ijs, quæ Christi hereditate, non gentilitio patrimonio, ex officio boni Pastoris parabantur.* Addebat insuper: *rapinam committi sacrilegam, quando persone, Christi sanguine, & pauperum laboribus ditatæ, res etiam Deo per se dicatas, familia signis, & suis nominibus, ac titulis insignirent.* Nec tamen damnabat exempli boni gratiâ illorum Prælatorum factum, qui vel proprio patrimonio, vel sobrietate, aut aliqua alia honesta industria quæsita donaria, suis memorijs consignarent. Dicecesim suam, ab oriente in occidentem, sicuti etiam à septentrione in meridiem dierum quinque; itinerationis, invisit quotannis, & plerumquè pedester; neque in adeundis piorum domibus aliqua locorum distantia, asperitate montium, sive populorum ferocia, cessit laboribus unquam. Occurebant illi pauperum, debiliū, ac infirmorum turbæ, ij ex Pastoralis benedictione, incolumitatem, illi ex largitate piæ dexteræ, vitæ subsidia imploraturi, quos omnes mira charitate exceptos, & sermonibus, & factis expediebat paternis. Observatumque fuit, innumeri licet ad eum egentes accederent, neminem fermè unquam ab eo recessisse sine necessario subsidio. Illud quoque pro certo habitum esse: cùm tantæ profusioni redditus Episcopales, amplissimi licet, minimè responderent, illius providentia nihil ipsi defuisse, cujus ope millia turbarum, ex paucis panibus & piscibus, in desertis locis abundè quondam satiari consuevere. Hinc familiaribus ex exiguo penu minus prompte Sancti Patris imperia ad succurrendum egenis, exsequentibus, inculcare solebat; *Non vidi justum derelictum, nec semen ejus quærens panem.* Iustum autem inde cognosci Prælatum, si Christi pauperibus, Christi sanguine parata promptè communicaret. Quoniam autem gratia curationum, quam ex illius dexteræ tactu, sive benedictione populi experiebantur, omnia p[er]asim loca

Ps. 36.

etiam



etiam remotiora pervadebat, ipse humilitatis eximius cultor, talem declinandæ popularis auræ modum excogitavit, ut in meditullio fermè suæ ditionis, arbore Tilia manu sua plantata, & fufis ad Deum precibus benedicta, suaderet Populis, ejusdem arboris folijs pro remedio morborum vterentur. Et suasioni respondit ad preces Sanctissimi Patris, misericordiarum Patris annuentia, eadem arbore integra, viridique supra trecentos annos, inter assiduas fermè impiorum per ea loca excursions, ramos saluberrimos expandente, & folia toties quoties decussa fuerunt, pietati incolarum sufficiente: à quibus Sancti Augustini Tilia denominatur. Quo nomine, in Vgrocienfi Parochia, vocitatur adhuc ad Parochialem Ecclesiam deducens scmita, vel quia manu fortè ipsius fuerit aperta, vel ipsius jussu commoditati populorum directa. Stetit arbor sacra per trecentos annos, ut diximus, perpetuò revirescens, ad oppidum à centum, annis à Turcis occupatum, Cernik appellatum, ipsis hostibus fidei veneranda; à quibus cum ingentes faces ad imum truncum votorum assequendorum gratiâ perpetuò accenderentur, igneo fervore radicibus emorientibus, ante viginti annos corruit; ita tamen, ut ex radicibus ipsius, antequam penitus arefcerent, nova Tilia succresceret, pari veneratione Turcis æquè ac Christianis, assiduè cum adhuc proximè adiacenti trunco culta: propè quam Christiani sacellum quoq; minimè contradicentibus terræ dominis Maometanis, excitarunt, illudq; Franciscanis ex proxima Bosna eò adventatibus curæ demandarunt. Charitatis inter oves sibi commissas procurandæ servandæque nullum finem faciebat, præsertim cum ea tempestate magnæ dissensiones animorum inter primates regionis, maximo detrimento boni publici, incendijs, rapinis, alijsque lethalijs injurijs alerentur. Extant hodie plura publica documenta conciliatarum invicem plurimarum nobilissimarum familiarum, opera Sancti Viri, apud aliquos Regnorum Dalmatiæ, Croatiæ, atque Sclavoniæ Nobiles; præsertim verò apud Nobilissimos totius

orbis-



orbis Christiani Comites Frangipánicos, sobolem vetustissimæ gentis Aniciæ Romanæ, vt diximus. Apud cuius heroicum germen, Nicolaum, vidi nuper nobile monumentum compositionis, mediatore Augustino factæ, inter Magnificos viros Stephanum Banum Sclavoniæ, Joannem, & Radozlaum Comites Fratres, super tricesimarum quarundam perceptione, & abolitione, nec non super divisione tributorum provenientium in Ztenisniak, & Zamobor. Hoc tamen in genere supra modum eluxit charitatis ejus excellentia, cum Regni Hungarici Status à multis annis funestissimis cladibus dissidentes, vt supra pestrinximus, ad vnius legitimi Regis Caroli obedientiam pellexit. Etenim quamvis clausa periodo decimitertij Christiani seculi, Bonifacius Octavus, vt dictum est, Nicolaum Cardinalem Ostiensem, Legatum suum, pro reducendis Hungaricis statibus ad obedientiam Caroli Principis Andegavenfis, tanquam prolem Mariæ filiæ Stephani, sororis autem Ladislai vltimi Hungariæ stirpis masculæ, Caroli autem Siciliæ Regis vxoris, destinasset in Hungariam; irritò tamen conatu in magna Regnicolarum turbatione, competentibus sacram Coronam Venceslao Rege Bohemiæ, & Otthone Duce Bavariæ, quorum vterque eandem, solenni pompa, suarum factionum contentione, sed infausito fine obtinuerat. (altero in Bohemiam metu Bavari fugiente, hoc verò à Ladislao Transylvaniæ Præfecto carceribus mancipato, ac Regno denique expulso) per novem integros annos Carolus Regno avitico exulabat. Quamobrem Clemens Papa Quintus, qui Benedicto successerat post Bonifacium, Gentilem Cardinalem ex familia Minorum lectum, anno octavo quintidecimi seculi legavit ad Hungaros, virum magnæ pietatis, & prudentiæ. Qui Spalaturn in Dalmatiam veniens, Regnicolarum animos Carolo conciliare aggressus, postquam ibi res succedere pro voto cognovit, in Croatiam progreditur, mox Zagrabiam adeundo, Augustinum & laborum comitem, & consiliorum directorem, tanquam virum in magna sanctitatis



opinione, Hungarici negotij cooperatorem futurum, Budam Regni sedem abduxit; ubi anno integro sedandis Regnicolarum animis absumpto, indicto denique Statuum omnium solemni Conventu, veteri gentis instituto, in Campo, qui vocatur Rackos, ad ripam Danubij, propè Civitatem Pestanam, ubi frequentissimo postquam concursu cuncti adfuere, Augustinus, iussu Legati, tali modo peroravit.

*Postquam Dei gratia, Legati auctoritate, afflictissima Patria consulturi, in hunc locum, ab exordio Regni Hungarici, publicis negotijs agendis adoptatum, convenimus; cumq; mihi omnium aliorum minus apto, sed, qui nihilominus in promovendo publica rei nostre bono, ardore, & studio nulli facile cesserim, dicendi provincia demandetur, nequaquam diserta sed fortia sectando, juxta Sancti Cypriani Carthaginensis Episcopi sententiam, posthabita omni verbositate, & omni eloquentia lenocinio, ut Episcopum decet, brevibus demandatam provinciam expediam; præsertim, quia in conspectu Sanctissimorum Antistitum, Sapientissimorum universi Regni Procerum, nec non lectissima Regnicolarum Nobilitate, perstrinxisse potius quàm exaggerasse rem, satis superque exposuisse illam, persuasum jam mihi habeo. Quod me præstiturum existimo, si prius aliqua de Plebis petulantia, cujus impetu Regnum distrahitur amplissimum, tum de auctoritate Romane Sedis in ejusmodi occasionebus, deniq; de jure optimo Caroli Regis in Sacram Nostram Coronam Hungaricam delibavero. Et quidem quo ad primam partem, satis exploratum est omnibus, annum jam nonum ab eo tempore, quo Bonifacius Octavus Romanorum Pontificum Sapientissimus, Legatum ad hæc partes ad instantiam senioris partis Regnicolarum, post mortem Andrea, ultimi Regis ex Regum nostrorum stemmate superstitis, misit, communem hanc nostram Patriam, ad instar Oceani, adversis ventorum procellis ab imo agitari, turbariq;. Causam quoque rei non est cur reficem, tanquam omnibus apertissimam, cum nempe bonus Cardinalis, Sacrorum Præsulum, & Optimatum, nec non melioris Nobilitatis voto sollicitatus, nullum modum conciliandi animos aliquorum Clericorum, & Hungarica Ple-*



*becula potuisset invenire, Censuris Ecclesiasticis, potius quàm armata vi, ut Ecclesiasticum ministrum decebat, interdicto Sacrorum usu, ad sanam mentem reducere conatum fuisse. Nec novo quidem exemplo, sed per universum Christianum Orbem, ejuscemodi malo, alijsque similibus sanandis, ab Apostolica Sede semper usitato. Verùm talis medicina salutis loco franesim inauditam excitavit; ut observatum est à Medicis in ijs corporibus, quæ malo congruentes medicinas vel non admittunt, vel eo, quo deberent modo, ijs non utuntur. Nam, ut paucis concludam, quod longo tempore mirabundi suspeximus, & suspiravimus, Clericorum turba plebis armata furore, pestilentem Virum in medicum eructando, Apostolicam Sedem, quæ à nomine judicatur in terris, anathemate se percussisse, strepitu campanarum censuit, efficta causa, quasi Romanus Pontifex, electionem Regis Hungaria, Statibus Reipublicæ Hungaricæ perpetuò liberam, violenta, ut jactabant, intrusione Caroli Andegavensis, violasset. Atque talis insania eò usq; processit, ut diversis alijs Principibus in Regnum hoc ad Sacram Coronam evocatis, octo annis integris, Pannonicæ Reipublicæ viscera suorum gladijs foderentur. At quæso, paululum mecum, Sapientissimi Auditores, recogitate, an ullo unquam tempore, turba, nisi turbis excitandis, rebusq; publicis, & quietis turbandis, & festa pacis centro excitandis potuerunt esse aptiores: vel ex eo, quia barbarum, & turbulentiarum infausissimarum nomina, ab iisdem turbis emanarunt. Quippè ad res agendas nihil ineptius turbis, quæ, si aliquando veritatis, ipsius, Christi videlicet Servatoris nostri, monitis audiendis allecta ad illum voluit accedere, non nisi compressione, & offensione cœlestis Magistri id tentavit, irruendo nempe in illum, ut tradit Evangelista. Et si idem aliàs omnipotens, verùm ut homo, ne ab illa penitus opprimeretur, alium modum non censuit expeditiorem, quàm, ut se in naviculam, quæ erat Simonis Petri, inter multas alias in littore Genezareno existentes, reciperet, & rogaret per eundem Petrum paululum à terra abduci. Etenim nec ipsam pietatem, absque irreverentia, & vitio inhumanitatis turba novit exercere. Vnde Matth: nono, scribitur Dominus noster aliquando miseratus turbam: Sed qualem? iacentem, inquit E-*

Luc. 5

Mat. 9



vangelista, & tanquam oves sine pastore. Cogitate qualis sit turba praestantia, quae ovibus sine pastore, huc illuc dispersis equiparetur. Quod si impia in Christum, & jacens tanquam oves sine pastore turba describitur in Evangelio, non mirum, si in eiusdem Christi Vicarium, & in navicula Petri Successorem, pastoris abiecta reverentia, tali frenesi, qualis à Christi Monarchia fundanta nunquam fuit audita, seviet, ut nostis. Nostis autem pro vestra singulari eruditione, Auditores Sapientissimi, ex Eusebio in vita Constantini: Multiplex Imperium, quo omnibus hominibus datur aequalis dignitas, aequale suffragium, quodque cum Monarchia ex adverbo pugnat, confusionis, ac seditionis potius, quam Regni nomen mereri. hinc vetustissimum decus Philosophorum praestantissimus Aristoteles, Etihocorum libro octavo capite primo, censuit: Populi potentiae transgressionem peiorem esse Tyrannide; nam, ut idem ait: peius est, si multi, quam si unus, vel pauci dominantur. Seneca, Populum, vitiiorum suasorem, authoremque, testatur. Plato, ventrem ignavum. Plutarchus, effraenem & praecipitem Equum. Cicero, Turbam, fervens & aetians mare. Aliquando cum interrogaretur Diogenes, quid esset esse Sapientem, respondit: à vulgi sententia discedere. Chrysippus porro ita argumentatur, & quidem ad rem nostram sapientissimè: Si, inquit, Populus philosophari non potest, quanto magis rebus Divinis, sacrisque legibus tractandis erit ineptus. Et sicut scripsit Laertius libro 7. capite 2. Putabimus, plebem, Theologiae Sacrum dogma posse moderari? Quamobrem, si iure merito Anacharsis indignabatur, in Gracia populum canendi inscium, in theatro de musicis iudicare; nos, ut Laertius idem libro primo capite nono ait: nos, inquam, plebem sacrarum literarum rudem, de sanctissimis Religionibus iudicium facere patere-mur? Si Apicius Claudius, Romanos inter Senatores sapientissimus, indignè ferebat, Scipionem Emilianum, à lanijs, & tonsoribus, in Censuram promoveri, quanto magis indignè ferendum, si Sacerdotia, si Magistratus, si Sacer Ordo, si Regnorum dispositiones, & Sanctissimarum Legum discussiones sordida turba exponantur censura? Imò, si

quos

quos se  
sua nene  
Religio  
Seneca,  
bam, pre  
dicto ill  
Apostoli  
lib: 4. h  
rum, n.  
Addam  
donatiu  
vera cru  
num: l.  
stianos, p  
te Popul  
Vanas i  
Christi c  
Nazare  
essetq; in  
tamen,  
Popular  
lista res  
sti scyph  
Antistit  
sacrilegi  
hic adf  
turbule  
publica  
tentia r  
ne quid  
tare, no  
neration



quos seorsim evocatos, ut Cato Major agebat, in consilium rei suae nemo sanus adhiberet, ab ijs in turbam coactis, responsa Religionum dare quis mente sanus admittet? Idem, qui supra, Seneca, capite secundo de Beata vita; argumentum pessimum turbam, pronuntiavit. Et ut ad nostra Philosophia magis facto, quam dicto illustratorem accedamus: Polycarpus Martyr, idemq; Ioannis Apostoli discipulus, aliquando iussus a Proconsule, ut narrat Eusebius lib: 4. hist: cap: 15. rationem sui Populo dare, Pratori se dixit daturum, nam Populo frustra dari, quem negaret duci posse ratione. Addamus nostra Religionis Philosopho, innumeris alijs brevitati condonatis, nostrae gentis non insipientissimum Principem, quamquam revera crudelioris animi nata meritis ab omnibus perstrictum, Diocletianum: Is cum Senatus Romanus decrevisset persecutionem contra Christianos, penultimo ipsius Imperij, hoc est undevigesimo anno, acclamante Populo in circo, ut Christiani bestiis subicerentur, pronuntiavit: Vanas Populi voces minimè audiendas. Sed rem, ut cupimus, Christi claudamus exemplo. Ipse Dei Filius, cum minimè dedignaretur Nazareno computari populo, & unus Nazarenorum Civium haberi, essetq; in omne commodum, & beneficium Civium suorum inientus; attamen, quale precium pro tali gratia à Civibus ipsis recepit? Furore Populari ducitur ad supercilium montis, ex eo precipitandus, Evangelista teste. Et mirabimur, turbam Vngaricam brutorum more in Christi savijsse Vicarium? Turba autem facinus contra pia sensa Sacrorum Antistitem, Illustrissimorum Procerum, & sapientissimae Nobilitatis, sacrilegium absolute fuisse, cum certò certius cognoverimus quosquot hic adsumus, vel ex eo nihil immorandum suadet ratio, ut turbarum turbulentas vanitates, & falsas insanias proturbando, nos de nostra Republica, imò de salute nostra, liberè sanèq; deliberemus, & à vulgi sententia recedamus, nos Sapientes esse ostendamus.

Iam de autoritate Romana sedis, cum coram ijs loquar, quos, ne quidem susurrus ab obedientia, & illius reverentia ausus est pertentare, non solum ab eo tempore, quo gens Vngarica, adeo strictè ipsius venerationi adhaesit, ut inter omnes Christiani Orbis Reges solus Vngari-

Luc, 4.



cus Apostolicus, & Sedis Apostolica à Latere, ut ajunt, Legatus, singulari  
 prarogativa per Sanctum Stephanum in omnes successores perpetuo trans-  
 fusa dicatur, & habeatur: sed ab ipso ortu Christiana Reipublica, quo  
 Paulus Apostolus Illyrica nationi Evangelica face praluxit, relicto in  
 Pannonijs nepote ex sorore. Andronico Episcopo, unde & primatus Ec-  
 clefiarum amplissima gentis Illyrica per plura secula in Sirmiensis stetit  
 Ecclesia: superfluum ducerem omnino quicquam effari; nisi cælum hoc,  
 turbine turbantis omnia turba, aliquando infectum pertimescerem.  
 Quamobrem consueta brevitatem, aliquot sacra Scriptura loca vobis ig-  
 nota minimè, attingam, quibus constans omnium Sanctorum Patrum  
 sensus, & consensus, auctoritatem Ecclesiasticam, superiorem potestati  
 faculari, in Ecclesia Dei stetisse semper, subscripsit. Hinc nullus eo-  
 rum, quorum nomina studio brevitatis, tanquam vobis notissima, prate-  
 reo, dubitavit unquam, de Ecclesia intelligenda esse illa verba Ieremie:  
 Domina gentium, & Princeps Provinciarum. Et Ezechielis:  
 Suscitabo Pastorem unum: Apocalypsis: Qui vicerit, & custodie-  
 rit opera mea, in finem, dabo illi potestatem super gentes, & re-  
 get eos in virga ferrea, & tanquam uas figuli confrigentur, fi-  
 cut & ego accepi à Patre meo. Isaia: Gens, ait, & Regnum,  
 (alloquendo Ecclesiam) quod non servierit tibi, peribit. Davidis:  
 Gladij, inquit, ancipites in manibus eorum, ad faciendam vin-  
 dictam in nationibus, increpationes, in populis. Ad alligan-  
 dos Reges eorum in compedibus, & Nobiles eorum in manicis  
 ferreis, ut faciant in eis iudicium conscriptum, gloria hæc est  
 omnibus Sanctis ejus. Inde apud Lucam in Collegio Apostolico duo  
 gladij approbantur. Et ut missas faciamus alias veteris pagine autori-  
 tates, Hieronymus noster, quem in explicandis Sacra scriptura sensibus  
 Doctorem maximum à Deo sibi provisum proficitur Ecclesia, illa verba  
 Ieremie, Ecce constitui te hodie super gentes, & super Regna,  
 ut evellas, & destruas, & disperdas, & dissipas, & ædifices &  
 plantes, ad Christum, & Ecclesiam pertinere, disertis verbis explicat.  
 Quamobrem Christus ipsemet precipit Petro: Pasce oves meas, idest  
 universum gregem Ecclesiasticam; et, pasce Agnos meos, idest

Thren.

E-

Zech.

34.

Apoc.

12.

Isa. 60

ps. 49.

Luc. 22

Jer. 1.

Jo. 21.

Princi.



Principes gregis Ecclesiastici, juxta Patrum explicationem. Novimus quidem à Christo fundatum Ecclesiam supra fundamentum Apostolorum, & Prophetarum, quando tam Petro, quam reliquis omnibus Apostolis equam ligandi, solvendiq; potestatem dedit ante passionem, & resurrectionem suam, sicuti resurgens à mortuis, isdem omnibus Spiritum Sanctum inspiravit, eos denique cum omnimoda potestate sine ulla differentia inter Petrum, & alios, ad baptizandas omnes gentes per orbem terrarum destinavit. Attamen supremam potestatem pascendi Oves, qui sunt Christi fideles, & Agnos, qui sunt Principes fidelium, ut diximus, absque multitudine aliorum Apostolorum, praesentibus tantummodo Thoma, Nathanaele, duobus filiis Zebedei, & alijs duobus ex discipulis, quinque nempè testibus, & Ioanne sexto, uno ex filiis Zebedei, tanquam loco scribe adscito, soli Petro veluit demandatum. Hinc Paulus scribens ad Corinthios: Spiritualis homo judicat omnia, ipse autem à nemine judicatur. Ad Romanos verò: Omnis anima potestatibus sublimioribus subjecta est. Et alibi: si Angelos judicabimus, quantò magis saecularia? Ipse porro Petrus in sua Canonica: Vos, inquit, estis Regale Sacerdotium. Item: gratia vobis, & pax adimpleatur in cognitione Dei, & Christi Iesu, Domini nostri, quomodo omnia nobis divinæ virtutis suæ, (græcus textus habet, potestatis suæ) quæ ad vitam, & pietatem donata sunt. Sed & Patres sanctissimi, à Christo ad nostra usque tempora constanter tenuerunt, & docuerunt, Episcopis, & Summo Romano Pontifici competere, & esse, in omnia temporalia, Regiam, & supremam potestatem: quod tamen ita intellexerim, ut non directè habeat jurisdictionem temporalem in illa, sed indirectè; quatenus nimirum est necessarium ad finem Spiritualem, & salutem animarum, sicuti planè nunc contigit in hoc nostro Regno. Ita Dionysius ad Demophilum cap: 8. de Ecclesiastica Hyerarchia. Ignatius ad Philadelfenses, ad Smirnenfis, & ad Tralianos. Ireneus lib. 4. cap. 44. Clemens Alexandrinus lib. 7. Stromatum, Cyprianus Epistola 69. ad Ruffinianum, Arnobius in psalmum 139. Athanasius oratione secunda Contra Arianos, Nazianzenus oratione 18. Ambrosius 1. ad Corinthios cap. 3. Hieronymus in Isaiam

Ad E.

ph. 2.

Mat.

18.

Io. 20.

Mat.

28.

Ioan. 21

I. ad

Cor. 2.

ad Rom

13.

I. ad

Cor. 4.

I. Pet.

2.

cap.



cap. 60. Chrysostomus lib: 3. de Sacerdotio, Epiphanius hæresi: 29. Cyrillus Alexandrinus in libr: Thesauri, Augustinus in Apocalypsim prope finem, Paulinus ad Citerium, Cassiodorus Epistola 4. libro 1. Gregorius Magnus in quartum Psalmum pœnitentialium, Angelomus lib: Regum 1. cap. 2. Rabanus de institutione Clericorum, Anselmus super Epistolam 1. ad Corinthios 3. Ottho Frisingensis lib: 3. cap. 36. Bernardus lib. 3. cap. 8. ad Eugenium, lidem docuere y omnes, quos Scholasticos appellamus, imprimis autem Magister meus Thomas de Aquino, & Bonaventura de Balneo Regio. Concilia Nationalia, ut Toletana, & Rhemensia, clarissimè super hoc decrevere. Sed quid, quod tot scripturis, Patribus, & Doctoribus accedunt facta ipsa scripturas explicantia? Etenim habemus apud Zonaram, Anastasium Imperatorem non ante fuisse coronatum ab Euthimio Patriarcha, quam scripto polliceretur, se in Fide Catholica permanurum. Clodoveus Trarcus, occupatis Gallis, auctoritate Romani Pontificis Hormisdæ, à Remigio Rhemensi Præsule coronatus, ex ipsis Francorum scriptoribus habetur; sicut ex Hispanicis, Isidoro præsertim, Roderico, Visigothos Reges, qui regnarunt apud illos, per Episcopos ad Regna assumptos, ac etiam Solio deturbatos. Chilperitum Regem Francorum, ob stupiditatem, à Zacharia Romano Pontifice gubernaculo Regni submotum, Pippinumque Regem suffectum, ejusdem gentis scriptores fatentur. Et quod maximi momenti in hoc genere cognoscitur, certissimum est, plurimorum scriptorum testimonio, Eginarti autem omnia spectantis imprimis, à Leone tertio Romano Pontifice Pipini filium Carolum Imperatorem Romanum creatum, à quo ad nunc Imperantem Henricum nostis neminem pro Imperatore legitimo habitum, qui manu Papali non sit consecratus, sed quousque coronaretur, Imperator electus dictus & habitus est. Scitis autem Henricum tertium à Gregorio septimo privatum Imperio, ab omnibus derelictum, privatam, & insepultum jacuisse. Otthonem quartum ab Innocentio tertio depositum, sicuti & Fridericum secundum à quarto Innocentio, à quo Portugallia Regi curator est assignatus. Regnum enim Portugallia, sicuti & Scotorum, & plurima alia, beneficia sedis Apostolica dignoscuntur. Sed ad nostra veniamus. *Quam-*



diu Reges Dalmatie, & Croatia, per sexcentos ferme annos regna-  
 runt, ab Heraclij Imperatoris temporibus, ad nostrum Sanctissimum  
 Regem Ladizlaum, semper beneficiarij, semper tributarij Sedis Apo-  
 stolica fuerunt, sicuti & Bani Bosnenses, tanquam dictorum Regnorum  
 membrum idem adhuc usq; exequuntur. Patrum nostrorum memo-  
 ria Dynasta Serblie, & Rasia, Rex ab Honorio tertio nominatus,  
 & titulum Regium, & Regnum ipsum ad presentes posteros feliciter  
 transmisit. & ut finem huic rei faciam, ipse Sanctissimus Apostolus  
 Vngarie Stephanus, de cuius successore agimus, à Romano Pontifice  
 Sylvestro secundo, Rex est declaratus, & perpetua legatione Apostolica  
 decoratus. Quod si fatemur in fonte, cur non admitemus in rivulo?  
 ita tamen, ut inde libertati illi perpetua, qua Vngari suos Principes eli-  
 gunt, independenter à qualibet alia potestate, nullum præjudicium  
 oriri profitear. Nulla itaque dubitandi superest occasio, quo jure Ro-  
 manus Pontifex Vngarica dissidia miseratus, sanioribus & potioribus e-  
 tiam Vngaris id exposcentibus, Carolum, autoritate sua, tanquam u-  
 niversalis Pater, & Iudex supremus, tuendum in Regno jure sanguinis  
 sibi debito susceperit. Iure autem sanguinis, eoq; optimo, super alios  
 competitores, Carolo deberi Diadema aviticum, sole meridiano clarius  
 est. Cum matrem habuerit Mariam Stephani V. Vngarorum Regis  
 filiam, sororem Ladislai Tertij, & ultima ex Bela propaginis sacra mas-  
 cula Vngarica. Venceslai Bohemi conditionem longe diversam esse, non est  
 cur ambigamus, quippe quem ex filia filia Bela Quarti natum agnos-  
 camus. Bavarus Otho, quo glutine stemmati nostrorum Regum pos-  
 sit aglutinari, nequaquam mihi probatur. Sed Caroli juribus illud  
 quoque, idq; rarum in terris additur, quod ipsius stemma, Cælo teste, ex  
 Sanctissimis Regibus nostris profluere comprobatur. Ut enim Bela  
 Quartus ipsius Proavus Elizabetham sororem, Germania, aliam Elio-  
 zabetham ex alia Sorore neptem, Hispania, Margaretam filiam, Dal-  
 matia, (tanquam concivem meam, Tragurij nempe editam,) Cinegun-  
 dem aliam filiam, Polonia, sanctitatis glorie syderibus insertas, produ-  
 xisse letatur; ita ex Maria Nepote Mater Caroli nostri, Ludovicum  
 Sanctissimum Tolosa Præsulem, primò Italia, in qua vitales hausit an-

ras, demum Gallia, ex qua ad aternitatis evolavit premia, Caroli nostri fratrem, stirpem agnoscit suam. Perinde sicuti Cælo, Terraque acceptissimus, Francorum Regum præstantissimus Ludovicus Nonus, qui ab adolescentia sua ad ultimum usque spiritum, nunquam sibi, sed Christo militavit, Regem nostrum Carolum, per fratrem Carolum pronepotem suum, Statibus inclyti Regni Vngarici sceptris sacratissimis tractandis natum, posteritatem suam fatetur, sic & commendat. Adde præterea, quod omnibus est liquidum, Carolum Regem nostrum nunquam se Vngarico Regno obtrusse, quippe cui tanquam primogenita proli Parentis sui Caroli Secundi, felicissimum totius orbis Regnum Sicilia naturali prerogativa destinabatur: sed (unde ipsi immortales gratias habere debemus, & agere,) ab melioribus Senatoribus sollicitatum, jussu Romani Pontificis, labanti Vngaria, & alienis nationibus in prædam concedenti præsto futurum, posthabito nobilissimo & ditissimo Sicilia Regno, adcurrisse. Quod ut benè nota omnibus, sicuti initio sum præfatus, fortioribus, quàm disertioribus argumentis, quemadmodum decet Episcopum, cum hætenus innuerim, bonorum omnium votis, bono patria, justitia ipsi, Romani Summi Pontificis, ejusq; hic adstantis Legati monitis, fecisse satis non dubitaverim. Auditus vix Augustinus, tanquam Angelus è Cælo lapsus, omnium voces in Carolum faulta præcantes cojuerunt, nemine prorsus, qui reclamaret, invento; quare mox Albam deductum, more majorum, sacro Diademate coronatum adoravere venerabundi. Peraçta coronatione tam Legatus Apostolicus, quàm Augustinus, instante Rege, & optimatibus, hælere aliquandiu in Vngaria, donec facies Ecclesiastici Ordinis pristino splendori restitueretur. Cujus piæ industriæ fructus, inter alios, extitit Eremitarum, sub nomine, Sancti Pauli Primi Eremitæ, & præscripto regulæ Sancti Augustini, ab Eusebio olim Strigoniensi Canonico, viro magnæ sanctitatis, anteriori sæculo magno bono Vngarico institutum, per Legatum Apostolicum adnitente Augustino, confirmatio. Cujus piæ familiæ, Rex Carolus, & post illum, Ludovicus filius promovendæ, & Regia

tutela



tutela protegendæ, præcipuam curam susceperè. At ne diutiùs Legati præsentia, & Augustini zelo Carolus cum Vngaris posset perfrui, Concilium generale à Clemente Quinto indictum, Viennam Gallicam Urbem vtrumque pertraxit. Quo absoluto, Augustinus ad Ecclesiam suam sese recepit. Et quoniam inter alia Viennensis Concilij decreta cautum fuerat, vt bona, sæcularium violentia Ecclesijs adempta, eisdem restituerentur, dum bonus Pastor circa sacrorum decretorum executionem saragit, (vt fert humanæ cupiditatis insatiabilis conditio, omnia sibi per fas & nefas vendicantis) præcipuè Nobilitatis, & Dynastarum, qui tempore longi interregni, quæcumque liberent, licere sibi persuaserant, animos in se concitavit. Præcipuus non solum Augustini, sed ipsius Dei apertus hostis, extitit Mladinus, Dalmatiæ Croatiæque Banus. Is etenim cum patri suo Paulo Bano successisset, & vt majorum stemmatibus æque ac divitijs per ea tempora turgidus, (etenim non solum parens ipsius, sed & avus ac proavus ex Banis Bosnensibus descenderant,) Regia potiùs absoluta, quàm Banali delegata auctoritate, occasione turbarum Vngarici Regni, Dalmatiæ & Croatiæ dominio abutens, præstantissimas quasque civitates, oppida, & arces, privato jure sibi vsurpans, & à majorum pietate longè abhorrens, sacris, ac profanis rebus manus iniiciens, Tyrannus intolerabilis evaserat; adeo vt Episcopos, Abbates, Abbatissas, aliosque Prælatos Ecclesiasticos, simplici nutu deponeret, institueretque; bona Ecclesiarum pro arbitrio occuparet, distraheret, alienaret: pyratas magnis classibus ex Adriatico mari Italicis littoribus de prædandis emitteret: & vnico verbo, per summum nefas Ecclesiæ puritatem contemnendo, ex aliqua tinctura Sacrarum litterarum, quam sibi pro summa scientia arrogabat, omnibus gravis, & exosus habebatur; adeò periculoso gressu incedunt ij Principes, qui cum Saule sacerdotale munus temerariè invadunt. Illum itaque Augustinus cum tanquam sui gregis dissipatorem, &

Ecclesiæ turbatorem, sæpius humanissimis alloquijs ad saniora consilia capeſſenda hortatus fuiſſet, adeò parum profecit, ut eundem in deteriora ſemper prolabentem, inſenſiſſimum hoſtem experiretur, eòque res deduceretur, ut nec Regia authoritate potentiſſimi Tyranni petulantia poſſet cohiberi. Ne porro Sanctiſſimi Viri dignitas ab impio homine conculcetur, ſanctumque caribus diutiùs exponeretur, divina diſpenſatione contigit. Etenim, cum Robertus, Rex Neapolitani Regni, pro eo affectu, quo erga Catholicam ferebatur Eccleſiam, Lucerinam Civitatem à fœce Saracenicâ, quam impius Fridericus Imperator, idemque Sicilia Rex, intra aliquas Civitates Neapolitani Regni intruſerat, inquinari ferret ægerrimè, (licet in fine ante prioris ſeculi Luceriam ſub ſuum jugum miſiſſet; ) cumq; interea de Auguſtini Apoſtolico zelo fama latè volitaret, Robertus cum Carolo conſanguineo ita egit per Legatos, ut annuente Ioanne Vigefimo ſecundo Summo Pontifice, Auguſtinus à vinculo Zagrabiensis Eccleſiæ abſolveretur, & Lucerinæ civitati Mahometico delirio expurgandæ paſtor præſiceretur, & medicus, poſt quartum decimum annum in Zagrabiensi prælatura exactum. Iuſſu itaque Summi Pontificis, & annuenticia Caroli Regis, ægre alioqui abſentiam tanti Viri à Regno ſuo ferentis, compendio viarum uſus Auguſtinus, deſcendit in Dalmatiam, tranſfretaturus inde in Apuliam, Traguriumque natale ſolum acceſſit; ubi cum inveniſſet concives ſuos vnâ cum Secenſibus Mladini partibus adhærentes, ejuſdem impietati cooperari, eos, quantum potuit, ad pietatem revocare ſtudit. At non ſolum, juxta illud Domini, *Propheta non fuit acceptus in Patria*, ſed cum lachrymis ab illa excedens, prædixit adhuc ſe vivo pœnas ſoluturam civitatē vtramq; ſubdens: *lugrata Patria non habebis oſſa mea*. dictum comprobavit eventus, ut ſuo loco dicemus. Ut enim Illyricæ linguæ homines omnes naturali diſcrepantia animorum laborant, alioqui, ut ſcribit Herodotus, inſuperabiles futuri, & omnium gentium inexpugnabiles; ita Dalmatæ, ejuſce-

Mat.  
13.

modi



modi morbo , atque inter Dalmatas Tragurienses , & Sicanos conficiuntur imprimis. Augustinus igitur emenso Adriatico , non absque lachrymis ob perversitatem , ut sibi amantissimæ Patriæ , ita Deo minus acceptæ , ad Lucerinam civitatem accessit. At priusquam in illam pedem inferret , socio tantum regulari , famulitij loco stipatus , genibus humi fixis , Deiparæ Virgini , erga cuius cultum Angelicæ vitæ puritate singulariter afficiebatur , patrocinio perpetuo , se , suosque novos labores commendavit ; protestando , se , nullo modo sibi , suisque commodis consulturum , ad eam Urbem accedere : sed , ut Christi sanguine , visceribus ejus intemeratis divinitus creto , animas vindicatas , gloriæ Filij sui , ejusdemque piæ Matris , ipsius annuentibus , & vires inepto alioqui sibi subministrantibus , restitueret. In quem finem nunquam se Luceriam Urbem , in qua turpissimè Lux vera , quæ illuminat omnem hominem venientem in hunc mundum , pridem occiderat , sed Mariæ Civitatem , affulgente sibi eadem Stella maris , vovit nuncupaturum. Quibus effatis , & intra mœnia admissus , Ioannis Summi Pontificis diplomate , & Roberti Regis mandato Civibus exhibito , ante omnia præcepit , ne alio quam Mariæ nomine Civitas appellaretur. Qua duce , quanta sexennij spatium præstiterit , pro magnitudine rerum nullus scriptor extitit , qui ea memoriæ mandare fuerit ausus ; hoc tamen citra controversiam habetur : civitatem à Saracenis ut plurimum cultam , vel à Christianis , qui Saracenica vi pressi , nihil ultra præter Christianum nomen retinebant , brevi temporis spatio , Sanctissimi Pastoris verbo , & exemplo , in eximiam Christi gregis causam coaluisse. Inter præcipuæ Pastoralis ejus curæ facta , fuit Fratrum Prædicatorum , tanquam Christi vineæ præstantissimorum operariorum , introductio , ad quos eodem modo , quo dum Zagrabia ageret , Marthæ sollicitudinibus fatigatus , Mariæ optimæ parti vacaturus , subinde sese recipere solitus erat. Inter quos extremum quoque emisit habitum , & cadaver humari absque vlla pompa præcepit. Afficiebatur singu-

lariter erga Sanctorum virorum memorias, quorum æmulatione efflicitissimè affectabat Martyrium. Vnde semper absque ullo timore murum sese pro Domo Dei opposuit, & circa Sarcenos aggregandos Ecclesiæ, nullum periculum detrectavit. Quod etiam contra Mladinum Banum, aliosque fautores ipsius, opponendo sese impijs eorum conatibus, in priori sua fecerat Ecclesia, & præsertim in Vngaricis turbis componendis. Præcipua porro veneratione colebat memoriam Sancti Petri Martyris, ante aliquot annos, ex sua Dominicana familia ad cælum martyrij palma evocatum; cujus integrum brachium Zagrabienti Sponsæ relictum, adhuc in ea veneramur. Sanctum quoque Thomam Aquinatem, quem docentem audiverat, sicuti puritate vitæ Angelicæ conabatur exprimere, ita zelo animarum lucrandarum, verbi Dei indefessa patientia æmulabatur. Cujus etiam gloriæ adaugendæ inter homines, cupidus, nihil omisit, quòd ipsius inter Sanctos viros relatio obtineretur à Sede Apostolica. Quam gratiam Deus illi ita concessit, ut antiquam terrenam sarcinam deponeret, eodem ipso ultimo vitæ suæ tempore, Sanctum Doctorem suum, alijs Doctoribus in perpetua æternitate fulgentibus adscriptum, latissimus coluerit; illudque Simeonis justī, (cuj⁹ venerandum corpus, ad admirationem, integrum in Iadrenti Ecclesia magna pietate servatum, sæpius coluerat) cecinerit: *Nunc dimittis Domine servum tuum in pæce.* At Sicut Cycneum hoc carmen animo cecinit exultanti, ita Ieremiæ amaritudinibus ingemuit ingrata Patriæ miseras olim comminatas, ante fatum suum reapse comprobatas. Et enim anno ante obitum suum millesimo trecentesimo vigesimo secundo, cum Tragurienses & Sicensēs cognoscerent se ab Impio Mladino intolerabili tyrannide opprimi, excusso illius iugo, arma contra eum, Venetorum protectione freti, corripuerunt. Ille vetò ingenti exercitu comparato, integro mense Sicensēs in credibilibus affecit incommodis, vniverſo illorum agro devastato, & in solitudinem redacto, vnde ipsimet Cives

nobile



nobile Monasterium Sancti Andreæ, manibus Seraphici Patris Francisci fundatum extra moenia Civitatis, ne hosti foret munitio, solo æquare coacti sunt; sicuti aliud tale Deiparæ dictum etiam ipsi Tragurienses affecere; ruinis hucusque factum attestantibus. Nec tot malis exsatiatus Tyrannus, evocatos ex Vrbe Sicensi sub fide publica Saracenum Michaellem, & etiam filios Eliæ Radovanerij, totius Urbis primarij Civis, crudeliter in eodem agro gladio subjecit, sicuti pridem cum Quarto eorum fratre captivo egerat. Inde ad campum Tragurij properans, consimilis feritatis effectus in eosdem patravit. Fuit attamen Sancto Viro aliquo solatio, quòd eodem anno, Proceres Dalmatiæ, atque Croatiæ, cum ipso Paulo, Fratre Mladini, impatientes ejus immanitatis, armis mutuò sumptis, Tyranni sævitiam ita deprefferint, ut captum deducerent ad Regem Carolum, qui tùm temporis propè Civitatem Tininiensem cum exercitu accesserat, vindicaturus indignam necem perpetratam parricidio & sacrilegio nepotis ex fratre ejusdem Mladini, in caput Paulini Draskovich Scardonensis Episcopi. Unde Magistratu spoliatus, captivitatem subire coactus fuit, in ipsa Zagrabiensi Civitate, in qua summa impietate Sanctissimum vexaverat Episcopum. Verumen invero non ita latatus est iustus, cum juxta Psalmistam *vidit vindictam, & lavit manus suas in sanguine peccatoris*, sicuti *iturus in Dominum Domini, latatus est*, quoniam Jerusalem suæ Ecclesiæ ædificatam vidit, ita ut vbi alienigenæ, & Tyrus, & Populus Æthiopum cubaverant, habitationem latantium in umbra Sanctissimæ Genetricis Mariæ reliquerit. Plenus itaque dierum, septuagenario major, omnibus Ecclesiæ Sacramentis munitus, ipso pervigilio magni sui Patriarchæ Dominici, tertio nempe Augusti, tertio itidem supra trecentissimum ac vicesimum illius sæculi anno, ad laborum præmia evolavit in Cælum, innumeris miraculis perpetuò illustrissimus: quorum aliqua cum in Officio ejus anniversariæ memoriæ conscripto inferiùs apponendo referantur, alia autem peculiari li-

ps. 57.

ps. 119.

bello

bello de ejus miraculis conscripto circumferantur, vnum illud subtrahendum nequaquam duco, quod vix alicujus Sancti Viri meritis concessum legitur: Obsessos nempe à Spiritibus immundis, quacunque arte diabolica occultos, ubi pedem intra terminos Lucerinæ Ecclesiæ intulerunt, statim frustra reluctante Spiritu tenebrarum, prodi, cognosciq̃ue, & ad ejus sepulchrum sanitati pristinæ restitui. Sepultus fuit intra Ecclesiam sibi dilectam suorum Fratrum domicilio, & Sancti Patris Dominici memoriæ, suoq̃ue receptui, vt diximus, constructam; quousque anno primo hujus sæculi in aliud sepulchrum pretioso marmore elaboratum, non absque miraculorum frequentia translatus fuit. Statura fuit, vt ex sacris ejus indumentis adhuc integris citra ullum vetustatis injuriam, comprehendipotest, excedens humanam ordinariam, & potius ad giganteam assurgens; &, vt antiquissimæ picturæ tam Cathedralis, quam Conventualis illius Ecclesiæ exhibent, capite caluo, barba promissa, aspectu ingenuo lætiori: genæ, licet crispantem, ruborem tamen ostentant. Nec solum sacra ejus indumenta, inter quæ cingulum difficultate partus periclitantibus Matronis applicatum, miraculis quotidianis elucescit, sed & reliqua omnia vestimenta regularia & Episcopalia, quibus indui consuevit. Pileus Episcopalis inprimis, Apostolicæ paupertatis ejus, & humilitatis argumentum, populis ostenditur, illustrissimum, cum aliqui amplissimos proventus possideret. Est enim palea contextus, opere satis subtili & accurato, ad instar tamen messorum illius Patriæ; superinducitur materia lanea Dominicanis Patribus in superiori pallio nigro adhuc familiari, eademq̃ue pluribus centonibus, & interdum inæqualis materiæ, & coloris, confarcinata; viridis tamen coloris funiculo, vt apparet, sericeo circumstringitur. Hujus Pilei mirabilis virtus experitur, dum Energumenum capitibus superimponitur; sicuti rasura pueris ex sepulchro, in quo nunc ossa sacra servantur, aliquo liquore ab ægrotis haurita mira operatur. Aliquot annis ab ejus

obitu



obitu fama miraculorū ejus percrebescēte. Concives olim ejus Tragurienses excitavit, ut transmissō Adriatico, accederent Luceriam. furto Sancti Viri Reliquias ablaturi; uti ijs exhumatis profundæ noctis beneficio, reliquias civis sui, quocunq; modo auferre possent, terrenæ patriæ restituerent. Navim itaq; conscendunt, prosperoq; vento, Fectorium incolis portum appellatum, tenentes, relicta in eo navi, ad Lucerinam ciuitatem breui itinere contendunt, profundæq; noctis beneficio sacrum corpus sublatum. lati successu rei, ad navim deferunt. Quiere itaque ex sollicito labore præcedentis diei, & sequentis noctis capta, dum summo mane portum egredi volunt, animadvertunt, dolosè partum, evanisse Thesaurum. Mœrentes itaque, dum in littus egressi, omnia tam regiæ viæ, quam aliorum recessuum secreta rimantur, audiunt à pertransseuntibus viatoribus, sacra ossa, illo ipso mane, quo marinis fluctibus ecommittē se secum opinata præda parauerant, ante Ecclesiam Sancti Domini in Vrbe Luceria ab incolis inventa fuisse. Quibus auditis, Deo, & ejus Sancto rapinam minimè fuisse acceptam experti, quanta maxima celeritate licuit, fraudati desiderio suo, repedarunt in Patriam eventu rei mœstissimam, memores vaticiniij Sancti Viri de ossibus ejus per Patriam non possidendis. Sed qui ossa Patriæ denegavit, patrocinium perpetuum erga eandem adauxit. Ut sicuti, teste Onia Summo Sacerdote, Ieremias, alijs Ierosolymitano Populo ad carceres & indignas molestias inuisus, post mortem fuit *Fratrū amator, & populi Israel*, orando pro eo, & vniversa Sancta Civitate: sic eodem fermè tempore, quo sacram rapinam irritō eventu Tragurienses tentarant, Mladinus Tyrannus, dignitate, fortunisque omnibus spoliatus, instar Iasonis alterius Tyranni, Machabæorum hiltoria infamis, postquam principatum non obtinuit, ut notat Sacer Hiltoricus, *sinem insidiarum confusonem accepit*, fugiens enim de civitate in civitatem, ut refuga legum, & execrabilis. intercedente Sanctissimo Præsule pro suis Civibus, in Traguriensium tandem

2 Mac.  
4.

2 Mac.  
5.

hosti.

hostiam suorum manus incidit, quib<sup>9</sup> talem animorum mansuetudinem Sanctus Civis impetravit è Cælo, vt hostem acerrimū, Dijs, hominibusque invisum, (absque dubio ejusdem Sancti Præfulis intercessione) resipiscens, & ad bonam frugem redeuntem, quamdiū supervixit, commodis, & obsequijs coluerint, eidemque mortuo nobile sepulchrum, pietatis Tragurinæ perenne monumentum, in sua Cathedrali, cum sequenti posuerint inscriptione, ad hanc usq; diem marmoreo tegumento, ante marmoream ibidem cathedram, sive Evangelici verbi ad cives habendi pretiosum suggestum, extante, stylo illorum temporum non ignobili.

*Heu gemma splendida jacet sub hac petra*  
*Cujus valor perijt nunc in fossa tetra*

*Mladinus, magnificus qui Clissia fu*  
*Comes, suis sola spes, cur tam cito ru*

*Georgij Comitæ memoria bo*  
*Natus, atq; Dominus Almisi Scardo*

*Probitatis titulus, morum, & bono*  
*Et flos vernans defuit vir tanti valo*

*Croatorum clipeus fortis & ipse er*  
*Inter omnes fortior volens sive quer*

*Ejus mortem impiam cerno pro peccat*  
*Slavonia gentium evenisse grat*

*Flete Slavi nobilem nepotem Banor*  
*Largam vestram copiam pacis & honor*

*Sit precus Altissimo date Creato*  
*Quod ipse misericors parcat peccato*

*Hic annorum Domini sub cursu mille*  
*Trecenteni insuper atq; quadringe*



*Ottavo sub mensis — die pri*  
*In Calendis Maij traditus est si* } *mo*

*Cum bona sui memoria mors ipsum vora* } *vit.*  
*Deo reddens animam qui mox expira*

Haftenus epitaphium pro barbarorum temporum stylo, quanta maxima diligentia fieri potuit ex marmore jam transeuntium pedibus attrito, vel vnus vocis lacuna hiant, teste.

Idem, qui Civibus suis adauxit patrociniū, Sicensibus etiam in factione Mladini concivium suorum socijs, minimē defuit, ne fortē & originis suæ maternæ oblitus videri posset. Et enim proscripta aliquando vniversa Dragoeviorum familia, & bonis ejus fisco addictis, vertere solū coacta, eo quod rea censeretur occultationis, & suppressiois aliquarum scripturarum, odio Principis sui, publicum bonum concernentium; cū nūllum modum purgandæ suæ innocentiae humano studio occurreret, ad Sancti Viri consanguinei sui patrociniū confugiens, praesentaneam ejus opem experta est. Oranti namque Patrifamiliae adest, idem monet perfodi murum, designato domus aviticae loco, ibi enim ærumnarum remedium praesto futurum. Distinctum factum. aperto muro, scripturae olim ab antenatis incendiorum timore conditæ & inventæ, familiam domui, libertatique restituunt, nec absque scœnore. etenim dilapidati loco patrimonij, nobilis Colentina Insula, duobus Oppidis Prolo-mæi tempore culta, perpetuo posteritatis beneficio donatur. Extat tantæ rei monumentum eodem muro nobilis marmorea statua, egregio opere elaborata, Dominicano habitu induta, sed Episcopali insula redimita, folio insidens, gentilicij stemmatibus illustris, ita ingredientibus atrium domus è regione exposita, ut eosdem praestiti beneficii monere videatur. Alia admiranda, quæ ex remotissimis Christiani Orbs partibus varijs affectu morbis ad sacrum illius sarcophagum experiuntur assidue,

sicut diximus, missa facimus. At, quod nuper totius illius Provinciæ admiratione contigit, absque piaculo omittere non licet. VVulgata, & toto orbe cognita est infelix ruina Civitatis à Sancto Severo appellatæ, à Luceria exiguo spatio remotæ, à multis seculis inaudito terræmotu, quo & maria longè recesserunt à littoribus, & lacus amplissimi arverunt ad tempus, cum pluribus oppidis & pagis prostratæ. Verùm cum jam irato Deo, Apulia tota in antiquum chaos ferri videretur, aperta tellure omnia fermè vel invertente, vel devorante; Lucerina tamen Civitas, & Diœcesis, dum omnia circumcirca in extremo essent periculo, dum concussione terræ omnia paterent, disijcerentur, everterentur, illa & inoffensa permansit, apparente, omnibus inspectantibus, supra Civitatem Matriona candidissimis vestimentis effulgens, & penes illam quodam Episcopali ornameto induto, illa ipsa proportionem, & aspectum, quo imago Sancti Præfulis Luceriæ colitur. Quæ visio tam diu inspectantium oculos tenuit, quoad effectus iræ divinæ in circumcirca sitis terris debachata est. Hinc certa fides tenuit, Deiparam, cujus nomine Civitas denominatur, & Sanctum Augustinum Plebi invigilasse suæ, & à ruina imminente illam præservasse. Quamobrem, licet hætenus anniversaria illius memoria à vesperis secundæ diei Augusti per totam tertiam diem solemnem pompa, tanquam Festi de præcepto culta fuit à Clero, civibus, & ditione universa; attamen post præfatum mirabile factum, Senatusconsulto Civitatis, in peculiarem Patronum ejusdem est adscriptus, anniversariaque sollemnis processio, sive supplicatio, ad Ecclesiam S. Dominici instituta. Antiquissimus porro ejus cultus statim ab ejus sælici obitu fulcitur concessione Joannis XXII. cujus tempore in Cælum abiit; quæ concessio ex sequenti Caroli Ducis Calabriae, & vices Roberti Regis per Apuliam exercentis supplicatione colligitur, nec non ab anniversario sacro ejus Officio, ab eodem tempore per Clerum Lucerinum continuato, quod nuper ab Illustrissimo & Reverendissimo Domino Suarido Luce-

rino



rino Episcopo, Viro nobilitate, & eruditione conspicuo acceptum, supplicationi adjungemus.

## EXEMPLAR

Ex Registro Caroli III. ris Ducis Calabriae Anno Domini 1226. sub littera B. folio 31.

**S** Anticissimo in Christo Patri, & Clementissimo Domino, D. Iohanni divina providentia Sacrosancta Romana, ac Universalis Ecclesia Summo Pontifici, Carolus Dux Calabriae, recomendationem humilem, & devota Pedum oscula beatorum.

Ne multiloquio, Alme Pater, & Domine, occupatissimas aures Sanctitatis Vestrae fatigem, desistendum vidi presenti pagina pandere plurimam in partibus istis laudem, quam sibi Beatus Pater Frater Augustinus, nunc Episcopus Civitatis Sanctae Mariae, dudum vocatae Luceriae, ex miraculorum affluentia, quae post ejus obitum Divina clementia, veluti copiosa in misericordia, & in retributione munifica, jam meritis ejus ostendit, & quotidie dignatur ostendere, vendicavit. Credo equidem illorum aliqua jam esse ad notitiam vestram ex relatu divulgantis fama perducta; & expecto, ac etiam cupio, quod singulariter singula, quae profecto magna esse noscuntur, ad ipsam notitiam vestram, etiam & in publicum peropportuna indagacionis serie deducantur. Sicut enim fide digna relatio me nuper instruxit, non ignotum Beatitudini vestrae fuit, cum adhuc ipse in hoc esset saeculo constitutus, quam mirabili sinceritate vita micabat, pollebat claritate scientiae, ac mirificis operibus cornuscebat. Ego quoque mi Domine Reverende, teste Deo, & in conscientia bona loquor, quod eo mecum, cum primum petijt partes istas, per vices aliquas colloquente, concepi, & vidi tam in ejus verbo, & facie, quam in gestu, quod valde amabilis ejus conversatio esset, quamquam omnia, quae in eo erant, non nisi notabilia, & eruditio ad virtutes, ac ad salutem edificatio viderentur; quodq; post ejus migrationem ad Dominum, ex devotione magna, qua ad illum afficior, ejus limina visitassem, magna mihi fides facta est de nonnullis miraculis per ejus excellentia merita divini-

tus ibi perpetratis. Cum itaq; ad instruendum de his certius Beatitudinis Vestre scientiam, ac devotè petendum, de ipsius Beati Patris vita, & miraculis pariter inquiri, secundùm morem Ecclesie in talibus consuetum, Latores presentium Sanctitatis vestre pedes cùm reverentia debita, & fiducia magna petant, devotus postulo, supplex queso, ut alma & perspicax providentia vestra, benigna (si placet) petitionem ipsam consideratione discutiens, & ad eam exaudiendam mentis aciem dignanter inflectens, inquisitionem ipsam jubere fieri, ut moris, & juris est, gratiose dignetur. que ubi patrata fuerit, vestroq; conspectui presentat, si effectus ejus suadeat, & vestra benignitas id decernat, prefatum Patrem, in illius reverentiam, & honorem, qui eum veluti laudabilis retributor, sanctificare dignatus est, in Sanctorum (si placet) matricula, cum sonora Canonizationis preconio, ne ipsius merita grandia, operaq; mirifica debito premio curreant, adscribatis. Per quod Sancta Mater Ecclesia de tanto nova aggregationis consortio, vestri tempore Præsdati jubilet, & exulter Civitas, in qua ipse feliciter obiit, & feliciter in Domino requiescit. Scriptum Neapoli, anno Domini 1325. die 20. Octobris nona Indictionis.

Extracta est præsens copia à supradicto originali Registro, quod conservatur in Archivio Magnæ Regiæ Curie Neapoli, cum quo facta collatione concordat, meliori tamen semper salva; & in fidem infrascriptorum Magnificus Petrus Vincenti V. I. D. Regius Archiviarius, hic se subscripsit, & sigillum consuetum apposuit. Neapoli die 20. Mensis Octobris 1623.

Locus Sigilli

Petrus Vincenti &c.

Sacrum B. Augustini Officium, libro primo secundæ partis extat impressum.





*TROPUGNATIO MARTYRII FRATRU. M  
Prædicatorum, qui à Tartaris ab anno Christi 1241.  
in Cumania, & Vngaria perempti  
fuere.*



Doniam non semel accepi. obicij mihi, quòd in Com-  
mentarijs de rebus Vngariæ Prov. Ordinis Præd.  
p. p. c. s. 6. & 8. Fratres nostros à Tartaris diverso  
mortis genere trucidatos, ipse Martyrum nomine in-  
ligniverim sine causa; operæ precium facturum me arbitror,  
si nihil nisi ab antiquis, ijsque doctissimis, ac sincerissimis aucto-  
ribus, continuata ad nostra vsque tempora serie derivatum, tan-  
quam depositum, meis scriptis, fideliter, optimoque, jure serva-  
tum ostendero. Nam quemadmodum etsi *novè* fortasse scri-  
berem, *nova* scribere ex Lirinenfis documento non debebam: sic  
nullomodo committendum erat, ut thesaurum pretiosissimum  
custodiæ traditum, loco præ omnibus proprio, viris tantis, Or-  
dini nostro, Inclytæ Vngariæ, mihiq; ipsi omnibus istis obstri-  
cto injurius, neglexisse viderer. Prius tamen de necessarijs, ut  
quispiam Martyr verè dici queat, ex P. P. Scholasticorum Theo-  
logorum, Divi cumprimis Thomæ, horum omnium Coriphæi,  
Divinæque Voluntatis Interpretis penu, sunt accersenda non-  
nulla. Ea quatuor communi omnium assensu traduntur. Mor-  
tis perpessio: Acceptatio ejusdem voluntaria in adultis: Sta-  
tus gratiæ, vel is saltem, qui omnem à peccatis affectum exclu-  
dat: Diende causa honesta, & supernaturalis: quæ sigillatim,  
nec verò molestè, ut puto, explicabo.

Mortis igitur primum perpessio requiritur, ita ut crucia-  
tus per gladium, ignem, submersionem, exilium, carceris squalo-  
rem, & id genus alia mortem afferant actualem. Neque enim  
vulnera ad Martyrium necessaria sunt. proinde Ecclesia

Vincē-  
tium Li-  
rinen-  
sis con-  
tra ha-  
ereses e.  
27.

Mar-

Martyrem colit S. Marcellum Sum Pont. qui in stabulum con-  
 jectus, tæbe confectus interiit, & S. Clementem Papam, qui in ma-  
 re præcipitatus, occubuit. Hinc S. Thomas 22. q. 124. art. 4.  
 ad 3. *Martyrium non dicitur per tolerantiam carceris, vel exilij, vel*  
*rapina divitiarum, nisi secundum quod ex his sequitur mors.* & in 4.  
 d. 49. q. 5. art. 4. q. 3. *Aliqui Martyres aureolam habebunt, in qui-*  
*bus cicatrices non erunt, ut potè illi, qui sunt submersi, aut famis in-*  
*edia, vel squalore carceris interempti.* Porro si quis accepto le-  
 thali vulnere, etiam si aliquanto tempore supervivens, ex eo de-  
 nique moriatur, ut de Sancto Andrea Apostolo, & S. Cæcilia  
 legimus, Martyr erit: immò & qui ex vulnere minimè lethali, cui  
 non sit adhibitum remedium, moritur, si tamen negligentia mor-  
 tiferæ culpæ obnoxia non sit. At si cruciatus mortem de se in-  
 ferre natus sit, mors verò per miraculùm non sit subsequuta, ut  
 accidit S. Ioanni Evangelistæ, cum in ferventis olei dolium mis-  
 sus Romæ ante Portam Latinam, divina se protegente gratia, ve-  
 getior exivit, quàm intraverat, ut ex Tertulliano D. Hierony-  
 mus refert, martyr propriè & completè non dicitur. Propriè,  
 inquam, & completè, nam minus propriè, & ex parte loquen-  
 do, Martyres olim etiam dicebantur, qui citra mortem à perse-  
 cutoribus passi fuissent pro Christo; quomodo Ecclesia Ro-  
 mana colit ut Martyres San. Felicem 14. Ianuarij, S. Sylverium  
 20. Iunij, S. Martinum Papam 12. Novembris, S. Melchiadem  
 12. Decembris, quos tamen certum est violenta morte non in-  
 teriisse. Et Tertullianus librum scripsit ad Christicolas viven-  
 tes, quos *designatos* primùm *Martyres*, deinde etiam sine addito  
*Martyres* vocat, ajens: *quam pacem quidam in Ecclesia non habentes,*  
*à Martyribus in carcere exorare consueverunt.* S. etiam Cy-  
 prianus Ep. Carthag. ad eosdem viventes Christianos, Marty-  
 res, & Confessores nuncupans, plures dedit epistolas. Dice-  
 bantur enim Confessores, qui Christum confessi, & carceri man-  
 cipati, nondum adhuc susceperant in quæstione tormenta:  
 Martyres verò, qui tormentorum etiam sævitiam constanti vir-

Epist.  
 10. 11.  
 12.

tute



tute superassent, vt Baronius annotuit anno 253. n. 54. Propterea enim ad perfectam completamque Martyrij rationem, vt mors obeatur, necessarium est: quoniam illud, supremum, & excellentissimū est divinæ veritatis testimoniū & actus externo declaratum; quippe quod fertur apud homines, qui non intuentur cor, sed ea, quæ foris sunt, vident: summa verò veritatis testificatio actus externo fieri nequit, nisi vitam pro ea profundas, quandiu enim superest vita, aliquid semper remanet, quo excellentius possis testificari; cum vita sit omnium, quæ homo habet, res prestantissima, vt innuitur Iob 2. cum dicitur, *Pellem pro pelle, & omnia, quæ habet homo, dabit pro anima sua.* Id est, homo pro pelle, siue vita propria corporali, vitam aliorum, quamuis intimorum, profundi patietur; quorumcumque etiam bonorum fortunæ iacturam pro eadem sustinebit: cum vita propria illis omnibus charior sit. u. D. Th. 22. q. illa 124 art. 4.

2. quod requiritur, est voluntaria mortis acceptatio in adultis. Patres enim solent Martyrium Baptismo aquæ æquare. vnde Augustinus 13. de Civit. c. 7. *Quicumque etiam non suscepto generationis lavacro, pro Christi confessione moriuntur, tantum eis valet ad remittenda peccata, quantum si abluerentur sacro fonte Baptismatis.* & lib. de eccl. dogm. c. 24. *Baptizandus confitetur fidem suam coram Sacerdote, Martyr coram persecutore: ille post professionem aspergitur aqua, hic sanguine: ille per impositionem manus Pontificis recipit Spiritum Sanctum, hic Templum efficitur Spiritus Sancti.* Diuus Thomas 22. q. 24. art. p. ad 1. *effusio sanguinis propter Christum, vicem gerit Baptismatis.* & 3. p. q. 87. art. 1. ad 2. *Passio pro Christo suscepta, obtinet vim Baptismi, &c.* adeoque sicut Baptismus requirit voluntariam acceptationem, vt est constans sententia Theologorum 3. p. q. 68. art. 7. ita etiam Martyrium. Hanc autem acceptationem nonnulli Theologorum ajunt debere esse formalem & actuaalem, qua quis proposita morte, & fidei negatione, vel alia impietate, mortem eligit tanquam

minus malum. Cui tamen sententiæ adversari videtur, quod jam numquam posset quis dormiens pro Fide occisus Martyr haberi, cuius tamen oppositum docet D. Th. 3. p. q. 87. p. ad 2. Cajet ibidem, & alij ejusdem S. Doctoris discipuli communiter.

Quare cum alijs potius dicendum existimo, sufficere etiam acceptationem virtutalem, & interpretativam, qua vel inferendam mortem prævidens acceptaverit, vel qua iuste vivens, omnia sua sive bona quæ facit, & faciet, sive mala, quæ patitur, & passurus est, solitus est in Deum referre; vel etiam, qua sic affectus est, ut si ei proponeretur, morte pro Christo affectum iri, eam quam libenter acceptaret. De hoc Sylvius 3. p. q. 66. art. 11. 4. 3. *Qui ait dormiens occideretur propter Christum, esset Martyr, etiam si nihil fuisset, de Martyro præmeditatus, si vel justificatus, vel ex animo pœnitens retulisset omnia sua in Deum, sicut in finem.*

Dixi in adultis; nam certum est, in infantibus nullam liberam acceptationem esse necessarium; cum Ecclesia Maryres agnoscat Innocentes pro Christo lactentes occisos; qui tamen eam acceptationem non habuerunt, quicquid aliqui dixerint, rationis usum illis miraculosè acceleratum, quos refert, refellitque S. Th. 22. q. illa 124. art. 1. ad 1. subdens, quod *Martyrij gloriam, quam in alijs propria voluntas meretur, illi parvuli per Dei gratiam sunt affecturi, nam effusio sanguinis propter Christum, vicem gerit Baptismatis. Unde sicut in pueris baptizadis, per gratiam baptismalem meritum Christi operatur ad gloriam obtinendam, ita & in occisus propter Christum meritum martyrij operatur ad palmam martyrij consequendam.*

3. requiritur status gratiæ, vel dolor excludens quemcumque affectum à peccato. Consent aliqui necessarium simpliciter esse statum gratiæ, adeoque veram contritionem, (si confiteri non possit,) ei qui sit in peccato mortali; quoniam S. Paulus edisserens de Charitate 1. ad Cor. 13. docet, absque illa nihil prodesse Martyrium, *si tradidero corpus meum ita ut ardeam, Charitatem autem non habuero, nihil mihi prodest.* & D. Th. 22. q. 124.



art. 2. ad 2. *Martyrium, est actus Charitatis ut imperantis, fortitudinis autem ut elicentis. Unde etiam est, quod utramque virtutem manifestat. Quod autem sit meritorium, hoc habet ex Charitate, sicut & quilibet virtutis actus, & ideo sine Charitate non valet. & 3. p. q. 66. art. 12. ad 2. effusio sanguinis, non habet rationem baptismi, si sit sine Charitate.*

Cæterum communior sententia tenet, sufficere attritionem excludentem vniuersum affectum à peccato. Quam idem S. Doctor tradere videtur aperte 3. p. q. 83. art. p. ad 2. cum agens de dormiente occiso propter Christum, ait: *passio pro Christo suscepta, obtinet vim baptismi, & ideo purgat ab omni culpa & veniali, & mortali, nisi actualiter voluntatem peccato inuenerit inhaerentem.* Si enim purgat à culpa etiam mortali, jam non est statutus gratiæ simpliciter necessarius: si autem requirit voluntatem non inhaerentem peccato, necessaria dubio procul attritio talis est, quæ vniuersum affectum ex peccato ammoveat. & superius q. 66. art. 12. in corp. & ad 1. docet, *Baptismum sanguinis, qui est Martyrium, nobiliorem, & excellentiorem esse baptismo aquæ, & habere præminentiam, quantum ad Sacramenti effectum.* Quò fit, ut cum baptismus aquæ remittat mortale, faciatque ex attrito contritum; idem non minus debeat præstare Martyrium. immò in 4. d. 4. q. 3. art. 3. q. 4. explicans, qua ratione maior sit martyrij effectus, quàm baptismi, sic scribit. *Quantum ad rem Sacramenti, excedit Baptismus sanguinis, quia & gratia in baptismo sanguinis magis augetur habenti, & amplior datur non habenti, si impedimentum non adsit: & remissio peccatorum, quamvis non sit plenior, quia uterque omnem pœnam, & culpam tollit, tamen est in baptismo sanguinis efficacior, & fructuosior, quia secundis maculis non inquinatur, ut Damascenus dicit 4. de fide c. 10. & deinde subdit, Martyrium conferre primam gratiam, non solum infantibus, sed etiam adultis.* ex quibus omnibus conficitur ratio: Martyrium obtinet vim baptismi, immò etiam habet præstantiorem effectum: atqui baptismus non necessariò prærequirit statum gratiæ, sed facit etiam ex at-

trito contritum, & tribuit primam gratiam: ergo & martyrium, &c. Major probatur ratione aliâ insinuata ab ipso met. S. Doct. quam prosequitur Durandus in 4. d. 4. q. 8. *Æquè, & amplius operatur Christi passio ad salutem, in eo, qui ei conformatur secundum realem susceptionem, atque in eo, qui ei conformatur secundum figuralem representationem duntaxat: sed in martyrio pro Christo suscepto, Martyr Christo passo conformatur quoad realem passionis susceptionem, ut patet; in baptismo verò solum conformamur ei quoad figuralem representationem, quatenus ejus sepulturam representamus, adeoq; mortem, cum sepultura non nisi mortuis adhibeatur; uti enim qui sepelitur, sub terra ponitur, ita qui baptizatur, sub aquam immergitur; ideoque in baptismo terna immersio adhibetur, non tantum propter fidem S. Trinitatis, sed etiam ob triduum sepulture Christi. & propterea Paulus ad Rom. 6 ait. *Qui cumque baptizati sumus in Christo Iesu, in morte ipsius baptizati sumus: consepulti enim sumus cum illo per baptismum in mortem, &c.* de qua re vide D. Th. ibidem lect. 1. & Card. Cajet. jentaculo 2. (quod in sua legatione in Vagariam, edidit Posonij) q. 3. ubi pulcherrimè explicat locum illum obscurum ejusdem Pauli 1. ad Cor. 15 *Quid faciunt qui baptizantur pro mortuis, &c.* nō minorem ergo, sed præstantiorem effectū habebit martyrium, quàm baptismus.*

Locus autem D. Pauli ferè explicatur de carentia Charitatis tam antecedentis quàm consequentis martyrium; si enim per martyrium charitas non daretur, nihil illud valeret. Quæ sanè explicatio admitti debet; nam D. Paulus idem judicium facit de omnibus quibuscumque, quod nihil prosint absque charitate; cum tamen plurima sint, quæ prosint sine charitate præcedente, licet non absque subsequente, ut Sacramenta mortuorum, immo omnia Sacramenta, cum faciunt de attrito contritum. Quando verò gratia, charitasque conferantur, alia difficultas est. Certum est, non dari in instanti, quod sit primum non esse hominis; cum enim tunc anima sit extra corpus, &

non



in termino, incapax est primæ gratiæ recipiendæ: neque in instanti, quod sit ultimum esse hominis, cum res corruptibiles illo careant, ut patet ex Philosophia. Quare placet dari in instante aliquo mortem antecedente, inter quod& mortem breve tempus aliquod intercedit; quo homo ita est constitutus, ut mors sit illi naturaliter inevitabilis, & sic viribus, sensibusque destitutus, ut peccare non possit, vel sic à Deo regitur, ut in fallibiliter non peccet.

Porro S. Thomas prior loco sentit, Martyrium, non absolute, sed cum excellentia, quæ actus fortitudinis, ut veræ virtutis & informatæ, esse à Charitate imperante, sine qua nihil profit ad meritum. Quo non fit, quin martyrium absolute non præexigat charitatem, & sine illa valeat ad gratiam obtinendam ex opere operato. Ut enim notant S. D. discipuli, martyrium spectari potest sub duplici ratione, una, qua est actus virtutis fortitudinis, sub vera consideratione virtutis, sicque præexigit charitatem; altera, qua est realis passionis Christi imitatio; juxtaquam rationem secum defert gratiam, redditque ex attrito contritum, & propterea idem S. Th. in 4. ad Annibaldum d. 4. art. 4. ad 3. ait, Baptismum sanguinis supplere officium baptismi flaminis, non ex opere operante, sed ex opere operato, propter imitationem passionis Christi: unde de Martyribus dicitur Apoc. 7. *laverunt stolas suas, & candidas eas fecerunt in sanguine Agni.* Confert autem Martyrium gratiam ex opere operato non propria actione, quomodo novæ Itgæ Sacramenta eam conferunt; sed sine ulla operatione, qua ratione Deus intuitu martyrij illam cōfert, ut olim eam infantibus in circumcissione largiebatur. Posteriori autem loco sentit Ang. Doctor, martyrium petere charitatem non necessariò antecedenter, sed ut minimum, consequentur: ita enim universa ejus dicta, quæ alioqui sibi dissentire viderentur, optimè conciliantur. Nihilosecùs cum sententia hæc, quamquam sanè probabilis, auctoribusque frequentior, omninò explorata non sit; qui sibi conscius est lethalis criminis,

u. Syl.

vium 3

p. 9. 66

ar. 11.

9. 5.

Lectib

de Inst.

li. 4. c. 1

d. 3.

u. Nunt

p. 9.

66. art.

12.

u. Syl-  
vium 3  
p. q. 66  
art. II.  
q. 3.

habita Confessarij copia, exomologesi, ea carens, contritione, (martyrio instante) consulere sibi debebit, nam si fortasse sententia hæc mitior, in se vera non sit, alia dispositio non sufficit ad salutem. Quin etiam si certò constaret, attritionem cum martyrio sufficere, adhuc ea, quòad fieri posset, adhibere oporteret, ut graves auctores prudenter advertunt; cum martyrium non sit perse ad tollenda peccata institutum, sed potius illa ablata, & hominem Deo reconciliatum supponat: quemadmodum, etsi Eucharistia reddere possit ex attrito contritum, non fit, quin celebraturus, mortali admissio, debeat confessionem præmittere, vel saltem, si confessarium habere nequeat, & urgeat celebrandi necessitas, elicere existimatam contritionem. Propterea & Catechumenus, pro Christo occidendus, baptismum præmittet, sicut S. Romanus Martyr olim efflictim petijt à S. Laurentio baptizari.

Denique ad Martyrium requiri dicebamus patiendi causam honestam, & supernaturalem. Honestam quidem; nam si qui ob maleficia, inanis gloriæ cupiditatem, falsam doctrinam patiantur, ut solent latrones & hæretici, (quemadmodum Ioannes Hus, Hieronymus à Praga, propter obstinationem in hæresi, à Concilio Constantiensi brachio sæculari traditi, & ab eo combusti, alijque plures, quos impius Ioannes Foxus Anglus in suis commentarijs recensuit,) etsi Sathanæ, qui pater est maleficij, atq; mendacij, martyres dici possint; Christi, qui veritas est, martyres, adeoque martyres nequaquam dici possunt. Ut enim ait Augustinus, ps. 24. conc. 2. *Martyrem non pœna, sed causa facit: pœna communis est latroni, & Martyri, heretico, & Catholico, sed causa dispar est.* Quò facit illud I. Pet. 4. *Nemo vestrum patiatur ut homicida, aut fur, aut maledicus, aut alienorum appetitor: sed autem ut Christianus, non erubescat, glorificet autem Deum in isto nomine.* Supernaturalem etiam, fide cognitam nimirum, causam martyrij esse oportet. Etenim si quis ex honesta causa, quam sine fide novit, ut si Ethnicus pro castitate tuenda, data

fide



fide, veritate naturaliter cognita de Deo, (vt de Socrate scribitur) vel etiam hæreticus Lutheranus, aut Calvinista, pro Personarū Divinarum Trinitate, quam non tenet ex fide, (quæ in hæretico esse nō potest) patiat, Martyr nō est. Debet itaque causa esse pia, quæ per fidem supernaturalem innotescat, siue ea sit veritas fidei, siue actus virtutis cuiuscunque, in fuga mali, vel boni prosecutione: vt si quis mortem subeat, quia nolit in pericuriū consentire, quod fide novit Deo displicere, aut quia velit castitatem servare, quam scit per eandem fidem Deo placere. Hinc Ecclesia tanquam Martyres colit non eos duntaxat, qui persecutionis tempore noluerunt Christum abnegare: sed etiam Machabæos 1. Augusti, occisos, quod carnes porcinas lege Dei sibi interdictas comedere nollent; Ioannem Baptistam 29. Augusti, quod Herodem de adulterio reprehenderit: Lambertum Episcopum 17. Sept. Thomam Cantuariensem Arch. 29. Decemb. quia libertatem Ecclesiasticam defenderunt: Stanislaum Polonium Episc. 11. Maij, quia Boleslaum Regem, ob publicam libidinem frustra sæpè admonitum, à fidelium communione removit: Dulam militis cuiusdam ancillam 25. Maij, Pelagiam Antiochenam 9. Iunij, Ursulam cum vndecim millibus fodalibus 22. Octobris, quia (ex Gaufrido Episcopo Asaphensi, quem sequitur Baronius anno 383) castitatis & virginittis dispendia pati noluerunt. Immo etiam si quis extra religionis causam, ad mendacium officiosum sub pœna mortis adigatur: is verò, quia fide novit, mendacium omne Deo displicere, mortem subeat, martyrum agmini dubio procul accensebitur. Præclare, de more S. Thomas. 22. q. jam memorata 124. art. 5. *Martyres dicuntur quasi testes, quia scilicet corporalibus suis passionibus usque ad mortem testimonium perhibent veritati, non cuicunque, sed veritati, quæ per Christum nobis innotuit, quæ est veritas fidei, unde & martyres Christi dicuntur, quasi testes ipsius: fidei autem protestatio fit non solum per verba, quibus aliquis profitetur fidem, sed etiam per facta, quibus aliquis fidem se habere ostendit, secundum illud Iacobi 2. osten-*

dam

dam tibi ex operibus fidem meam: unde & de quibusdam dicitur ad Titum 1. Confitentur se nosse Deum, factis autē negant. & ideo omnia virtutum opera, secundum quod referuntur in Deum, sunt quadam protestationes fidei, per quam nobis innotescit, quod Deus huiusmodi opera à nobis requirit, & nos pro eis remunerat: & secundum hoc possunt esse Martyrij causa. & ad 1. explicans illud 1. Petri 4. Si autem ut Christianus patitur, non erubescat; ait: Christianus dicitur, qui Christi est. Dicitur autem aliquis esse Christi, non solum ex eo quod habet fidem Christi, sed etiam ex eo quod Spiritu Christi ad opera virtutosa procedit, secundum illud ad Rom. 8. si quis Spiritum Christi non habet, hic non est ejus: & etiam ex hoc, quod ad imitationem Christi, peccatis moritur, secundum illud ad Gal. 5. Qui Christi sunt, carnem suam crucifixerunt cum vitijs, & concupiscentijs: & ideo & Christianus patitur, non solum qui patitur pro fidei confessione, quæ sit per verba, sed etiam quicumque patitur pro quocumque bono faciendo, vel pro quocumque peccato vitando propter Christum; quia hoc totum pertinet ad fidei protestationem. Nec moveare, quasi hinc sequatur, antè legem evangelicam datam per Christum Martyres non fuisse. fuerunt utique; nam in lege naturæ fuit inter alios Abel, à Caymo fratre peremptus, quod ei Divinam Providentiam, vitam aliam, retributionem iustis, impijs supplicia destinata inficianti resisteret; ut ex Ionatha Hebræo refert serm. 1. de Corp. Christi, & Gen. c. 4. Dionisius Carthusianus. fuere & lege scripta illi Machabæi, Prophetæ à Iudæis occisi, & alij, (de quibus S. Paulus Hebræis scribens, ait cap. 11. Alij autem dissentisunt non suscipientes redemptionem, ut meliorem invenirent resurrectionem. Alij verò ludibria, & verbera experti, insuper & vincula, & carceres, lapidati sunt, secti sunt, tentati sunt, in occisione gladii mortui sunt. circuierunt &c. egentes, angustiiati, afflicti &c. & hi omnes testimonio fidei probati inveniunt &c. fidei utique Christi: non enim alia fuit, quoad substantiam, veterum fides, & nostra; quamvis hæc longè perfectior, ut potè clarior, & explicatior, respiciensque Christum, non venturum ad docendum, & salvandum, sed qui

jam



jam peracto adventu homines morte sua redemerit.

Sed abs re fortasse non fuerit, ad vberiore[m] hujusce rei explicationem, dubitationes aliquot expedire.

1. *An Martyr sit, qui ob actum virtutis jam transactum occiditur.*

Resp aff. nam S. Ioannes Baptista Martyr, occisus est, quod prius Herodem de adulterio redarguisset; & qui ob assertam antea veritatem veneno clanculū adhibito, morte tolleretur, vt Angelico Doctori S. Thomæ Aquinati factum aliqui scripserunt, (de qua re videri possunt, præter alios, auctor vitæ illius to. 1. opetum ejusdem, & Plodius 2. p. Vir Illust. Ord. Præd. li. 1. col. 85.) in Martyrum numerum Deo admitteretur. Mors enim illi inferitur in contemptum boni operis, quod cupiens Deo placere juxta fidei revelationem, gessit, qui perimitur. opus tamen est ita illum affectum esse, vt mortem potius velit oppetere, quàm actum retractare. Lege Bonac. de Sacr. disp. 2 q. p. puncto. 1.

II. *An occisus in bello contra hostes fidei.*

Negant plerique, Valentia tomo 3. d. 8. q. 2. puncto 1. Lessius de Just. l. 4 c. 1. d. 3. n. 36: Layman lib. 3. Theol. mor. sect. 3. n. 4. alij 1. quoniam ad perfectam martyrij rationem requiritur, vt mors pro Christo obita, sit omnino spontanea, & voluntaria, non pugnando, aut contrapugnando inferenti; & ex primaria item intentione, & proposito suscepta, non ex consequenti: at milites interficere hostes nituntur, & si ipsos mors sequitur, ad quam ob fidei defensionem sunt promptissimi, non est id ex propria destinatione, sed consequenter.

2. Martyrium est imitatio passionis Christi: sed qui pugnando interficiuntur, non gerunt similitudinem Christi, qui cum pateretur, non camminabatur 1. Pet. 2. & tanquam agnus coram tendente se obmutuit, Is. 53.

3. Quia cum Phocas Imperator tentaret, vt milites ab hostibus fidei occisi, Martyrum catalogo inscriberentur, Episcopi Orientales restiterunt ei apud Baronium an. 964. & Malven-

dam in annalibus Præd. anno 1218. c. 37.

Attamen dicendum, hujusmodi milites, quanquam perfectione, & excellentia accidentali quadam martyrij careant, absolutè tamen è martyrum numero non esse expungendos. Ita enim docet S. Thomas in 4. d. 49. q. 5. art. 3. q. 2. ad 11. lajens. *Cum quis propter bonum commune non relatum ad Christum, mortem sustinet, aureolam non merebitur: sed si hoc referatur ad Christum, aureolam merebitur, & Martyr erit, ut potè si Remp. defendat ab hostium impugnatione, qui fidem Christi corrumpere moliantur, & in tali defensione mortem sustineat.*

Petrus de Palude, Patriarcha Hierosolymitanus, eadem dist. q. 8. art. 4. *Qui Crucesignati in bello hostium Christi pugnando pereunt, Martyres sunt: quia non se, sed Christum, & Ecclesiam defendendo moriuntur, unde non mortem refugiunt.*

Dominicus Sotus, Primarius Salmanticensis, Caroli V. Confess. & Concilij Trid. Theologus, eadem dist. q. 7. art. 2. *Quicumque mortem subiret in testimonium alicujus virtutis, nempe ad defendendam esse virtutem, dummodo fide id Christi faceret, verè esset Martyr: & pariter, qui Remp. defenderent, ut fidem protegerent, nempe si illam à Turcis, & infidelibus tutarentur, vel ab hæreticis, qui Religionem Christianam subvertere contendunt.*

Franciscus Sylvius, Doctor Duacensis 22. q. 124. ar. 5. circa resp. ad 1. *Qui pro defensione Reip. in bello justo occiduntur, possunt esse Martyres, si illam defendant propter Deum amore justitiæ, ac legis divinæ, non verò si stipendij militaris, aut prædæ intuitu, aut alia aliqua intentione, vel prava, vel bonum duntaxat humanum spectante: & in addid. ad 3. p. q. 96. art. 6, ad 11. Qui in bello justo propter conservationem Reip. occiduntur, non propterea sunt Martyres, nisi Remp. defendant ab illorum hostium impugnatione, qui fidem Christi subvertere moliantur. Qui autem sic eam defendunt, & defendendo moriuntur, coram Deo sunt Martyres, & Martyrum aureolam accipiunt. Eiusdem sententiæ fuere Godofredus in annalibus de milicibus Christianis ad Damiatam pugnantibus, & inter-*

fectis,



fectis, cum ait: *Fortes agonistas Christi deorsum precipitans, & per Martyrij palmam ad celos elevans.*

S. Ludovicus Rex Francorum, apud Gulielmum Nangiacum, cum in Terra sancta milites à Saracenis occisos sepeliret, dicebat. *Venite milites, sepeliamus Christi Martyres, qui majora, quam nos, pro Domino sunt perpeffi.*

Episcopus Convenarum, apud Petrum Monachum Cisterciensem in historia Albigensum c. 127. coronam Martyrij pollicetur militibus in bello contra Albigenes occumbentibus. & ipse Petrus cap. 165. agens de morte Simonis Monfortij, qua in obsidione Tolosana ab hæreticis Albigenfibus lapide ictus interijt, Noster, ait, *Comes fortissimus stabat ante munitiones, & machinas, ut hostes arceret, ne erumperent ad eas evertendas, & ecce sacrum jactum à mangonella hostium, percussit Iesu Christi militem in capite, qui, cum lethalem ictum accepisset, bis sibi pectus percussit, Deo se, & B. V. Maria commendans, & imitatore se exhibens mortis Protomartyris Stephani, qui lapidatus Ierosolymis fuit, obdormivit in Domino. Nec est tacendum, quod hic fortissimus Domini bellator, & (ut ne decipiamur) gloriosissimus Iesu Christi Martyr, antequam lethalem lapidis ictum excepisset, fuerat jam ante quinque sagittis confixus; quare credimus ipsum feliciter cum Christo regnare.*

Hæc porro sententia inde confirmatur, quod in tali perpeffione adesse possint omnia, quæ ad Martyrium requiri prædiximus, mors nimirum pro Christi fide ex animo à benè dispositis obita. vnde Petrus Monachus loco mòx citato refert, Simonem Comitem, ubi devotissimè Sacram Hostiã in Missæ sacrificio elevatam adorasset, flexis genibus, & manibus in cælum erectis, dixisse: *Nunc dimittis Domine, servum tuum in pace, quia viderunt oculi mei salutare tuum; & ad Comites, Eamus, & si opus est, pro illo moriamur, qui pro nobis mori dignatus est.*

Sed fortasse ambæ sententiæ possint non incommodè conciliari; si dicamus, martyrium usquaquaque perfectum, quod nedum essentiali, sed accidentaria itidem perfectione exactum

fit petere; ut quis, non contrapugnando, pro Christo moriatur. juxta quam Martyrij rationem, ex Romani ritus more Ecclesia canebar.

*Ceduntur gladijs more bidentium,  
Non murmur resonat, non querimonia:  
Sed corde tacito meus bene conscia  
Conferuat patientiam.*

Et de ea rationes duæ priores concludunt: cæterum martyrium secundum substantiam consistit, si vitam libenter, pièque per Christo profundas: in quo licet non imitere Christi passionem quoad omnia, imitaris tamen quoad vitæ positionem. Quod verò tertio loco addebatur, solvo cum Sylvio, non repugnasse Episcopos assertioni nostræ; sed Phocæ, volenti, ut omnes milites mortui in bello, martyrum catalogo ascriberentur: Ecclesia enim neminem Sanctorum catalogo ascribit, nisi pravia diligenti inquisitione; qua inquisitio non facile haberi posset de ijs, qui in bello occumbunt; cum aliquando heretici, schismatici, aliq, facinorosi, non habito respectu fidei, sed proprij commodi decerent.

III. Difficultas. An laudandus, qui tyranna, & adversarijs fidei ad mortem se obijcit.

Dico I. Laudabile esse, Martyrium exoptare. Commendantur enim plurimum Sancti, quod eo desiderio flagrant, ut Ignatius Episc. Antonius, Martinus, Romualdus, Franciscus, Teresa &c. cum primis autem Sanctiss. P. Dominicus, de quo ita scribitur: Tanto amore martyrij B. P. Dominicus deflagrabat, ut cum aliquando apud Tolosates Albigensum hereticorum insidias paratas divina ope evasisset, ab illisq, postea rogaretur, quidnam facturum erat, si in eorū manus incidisset: orassem, inquit, ne me subitis ac repentinis vulneribus velut uno ictu conficeretis, sed per singula membra confisum, evulsis denique oculis, truncum corpus sineretis diutius in suo sanguine volutari: clarum illud S. Iacobi, apud Persas intercisi, martyrium imitari desiderans: ut Vincentius Bel. li. 29. c. 104. Theodoricus



l. i. c. 8. S. Anton. 3. p. hist. t. 23. c. 4. §. 2. & alij apud Malvendam anno 1211. c. 4. scribunt. Ad cuius etiam laudes Ecclesia illud quotannis decantat: *Sitiebat seruus Christi martyrium, sicut sitie Cervus ad aqua fluvium.* Eadem de S. Virgine Margarita scriptus 2. p. lib. 2. c. 19. est enim Martyrium actus Charitatis imperativè, fortitudinis elicitivè, uti tradit S. Thomas. 22. q. 124. art. 2. adeoque quasi actus virtutum nobilissimarum, vehementer optabilis.

Dico II. *Uti Martyrium oblatum fortiter sustinendum est, sic quari non debet, adeoque ordinariè laudabile non est, ut spontè quis, & absq. rationabili causa illi se ingerat.* Ratio est, quia si spontè se ad martyrium liceret offerre, non rarò præberetur tyrannis occasio malefaciendi, nec effugi posset ratio cuiusdam temeritatis, & præsumptionis. Proinde, qui non inquisiti absque causa ultro se persecutoribus ingerebant, S. Augustino cont. Donatistas c. 13. teste, indigni Martyrum nomine censebantur. Refert etiam Eusebius li. 4. c. 14. Phrygem quendam, Quintum nomine, qui non maturo consilio, & prudenti deliberatione, sed temerè, & quasi repentino vento incitatus, cum alijs ad Iudicis tribunal irruerat, simulatq. immanes feras, & terribiles cruciatus aspexit, molli, & fracto animo attonitum obstupuisse, & tandem salute prodita, manus præ ignavia dedisse: *adeoque illustre, & evidens omnibus exemplum proposuisse, ne inconsideratè & imprudenter huiusmodi rebus se obicerent aliquando.*

Dixi spontè, quoniam certum est, impulsu Spiritus sancti id licere, sic S. Sebastianus Diocletiano obujâ factus, ejus impietatem liberi<sup>9</sup> accusavit, qui rei novitate, quòd eum mortuum crederet, & acri Sebastiani reprehensione excandescens, eum tamdiù virgis cædi imperavit, donec animam Deo redderet. Sic S. Eulignius miles, de quo Martyrol. R. Nonis Augusti, qui annum agens centesimū decimum, cū Constantini Magni fidem, sub quo militaverat, Iuliano Apostatæ exproboaret, eumq. ut patriæ pietatis desertorem redargueret, ab eodem jussus est capite

cedi. sic S. Irais Virgo Alexandrina in eisdem tabulis Ecclesiasticis 10. cal. Octobris, quæ ad hauriendam è proximo fonte aquam egressa, cum vidisset navim Confessoribus Christi onustam, relicta hydria, protinus se illis adjunxit; ac simul cum ijs in urbem ducta, prima omnium, post multa supplicia, capite cæsa est. Sic S. Ioannes Martyr ibidem 7. Idus Sept. qui Nicomedia, cum videret crudelia edicta adversus Christianos in foro pendere, fidei ardore accensus, injecta manu illa detraxit, atq; discerpit, quo relato Diocletiano, & Maximiano in eadem urbe constitutis, omnia suppliciorum genera expertus est. Sic S. Catharina V. & M. Alexandrina, cum Maximini iussu, multos, propter Christianæ Religionis professionem, variè tormentis cruciatos ad supplicium rapi videt, non dubitanter ipsum adiit Maximinum, eiq; nefariam immanitatem obijciens, sapientissimis rationibus Christi fidem ad salutem necessariam esse affirmavit. Quamvis & quædam ex istis, ex necessitate confessionis fidei, ob Dei gloriam, & proximorum commodum facta, existimari possint.

Dixi etiam, *absque rationabili causa*, etiam si non necessaria, quia, ut ait Cajet. 22. q. 124. art. 1. circa resp. ad 1. Sancti Martyres spontè procedebant, quando sibi expedire videbant, ad actus exteriores fidei, puta prædicationem, confessionem, vel ad actus fraternæ Charitatis, etiam si non erant in præcepto pro tunc hi actus, scientes, quòd inde Tyranni sumerent occasionem affligendi, & occidendi eos, licet non procederent ad irritandum eos ad afflictionem, vel mortem inferendam: & ideo non dabant tyrannis occasionem injustè agendi, sed ipsi accipiebant talem occasionem ex bonis actibus, quibus dabant sponte operam imperterriti Sancti illi, & propterea dicuntur sponte se ad martyrium obtulisse. Vnde & de B. Antonio legitur, quòd ibat quidem cum martyribus optans esse Martyr, & tristabatur, quòd non esset Martyrio dignus: nunquam tamen ad sui mortem tyrannos provocavit.



IV. Difficultas. *Quid de illis, qui in tormenta à Tyrannis parata se coniecerunt.*

Resp. qui eo facto coluntur ab Ecclesia, Martyres Christi fuisse, quod id fecerint instinctu Spiritu sancti, in mortem sese dedentes, quæ ipsis amore fidei subeunda erat: quamquam aliàs non liceat se morti dare, sed illam pati. Eo pacto S. Apollonia V. Alexandrina, & M. cum nisi Christum detestata, actionis V. Alexandrina, & M. cum nisi Christum detestata, accensuro rogo vivam illam combusturos minati essent impij carnicifides, ipsa verò, promptè quamvis mortem pro Iesu Christi fide se subituram respondisset, comprehensa ut combureretur, cum paulisper quasi deliberans, quid agendum esset, statuisset, ex illorum manibus elapsa, alacris in ignem sibi paratum, *majori*, ait Ecclesia, *Sp. S. flamma intus accensa, se commisit*; vnde brevi consumpto corpore, purissimus spiritus ad sempiternam Martyrij coronam in cælum evolavit. Sic sancti illi trecenti Martyres tempore Valeriani & Gallieni, qui Carthagine, inter alia supplicia, cum Præses fornacem calcariam accendi iussisset, & in præsentia ejus prunas cum thure exhiberi, atque illis dixisset: eligite è duobus unum, aut thura super his carbonibus offerte Ioui, aut in calcem demergimini: *fide armati*, Christum Dei Filium confidentes, ictu rapidissimò se iniecerunt in ignem, & inter vapores calcis, in ignem sunt redacti, ex quo candidatus ille beatorum exercitus, Massa candida meruit appellari. Martyrolog. Rom. 24. Sept. lege pro hac resolutione S. Augustinum 1. de Civit. c. 16. D. Thomam 22. q. 124. art. 1. ad 2. & ibi Cajetanum, qui contra Martinum de Magistris, asserentem. *quod in casu, quo Christianus à Tyranno constitutus coram idolo sit, quod habeat ante se foveam ita altam, ut casus sit mortalis, & habeat statutum à Tyranno sibi impositum, quod si stat, intelligatur adorare idolum, nec potest declinare à stando ante idolum, nisi precipitando se in foveam mortis: quod si ex suo stare, & protestando verbis, quod non intendit adorare idolum, scandalizantur astantes, quod benefacit precipitando se in foveam, non intendendo mori, sed committendo se divina providentia:*

vbi plura doctè disputavit, ait hoc fore tentare Deum, & peccatum mortalissimum: neque in eo casu constitutum occasionem scandali astantibus præbere, sed eos ex se accipere scandalum: quoniam occidere se ipsum numquam licet, nisi id divina fiat auctoritate.

*V. An martyrium cadat sub præceptum.*

Dico I. Secundum animi preparationem tenetur homo sic esse dispositus, ut casu necessitatis superveniente, præsto sit vitam pro Christo ponere, & patienter cunctas pro ipso influctas pœnas sustinere. D. Th. 22. q. illa 124. art. 1. ad 3. & cæteri quique Theologi.

Dico II. Si alterutrum necesse sit, vel fidem negare, sive Deum offendere, aut verò mortem subire, hoc debes præligere.

Præclare S. Chrysost. hom. 34 in Matt. explicans illud c. 10, Estote prudentes sicut serpentes, ait. Quemadmodum serpens totum se ipsum tradit, nec minimsùm curat, si ipsum quoque corpus incidi necesse sit, dummodo caput suum integrum servet, eodem tu quoque modo, præter fidem, cætera perdere non cures, sive pecunias, sive corpus, sive etiam vitam ipsam profundere necesse sit. fides enim caput est, & radix, quæ servata, etiam si omnia perdas, omnia tamen rursum majorem cum gloria recuperabis. Ad hoc faciunt illa loca, qui amat animam suam, perdet eam, & qui odit animam suam in hoc mundo, in vitam æternam custodit eam Io. 12. & : omnis quicumque confessus fuerit me coram hominibus, & Filius hominis confitebitur eum coram Angelis Dei: qui autem negaverit me coram hominibus, negabitur coram Angelis Dei. Luca 12.

Dico III. Quotiescumque confessio Fidei, ad quam sequitur martyrium, cadit sub præceptum, cadit & martyrium.

Est autem de necessitate salutis fidei confessio, juxta D. Thomam 22. q. 3. art. 2. quando per dimissionem illius subtraheretur honor debitus Deo, vel utilitas proximis impendenda, puta si aliquis interrogatus de fide, taceret, & ex hoc crederetur vel quod non haberet fidem, vel, quod fides non esset vera: vel alij per ejus taciturnitatem, averterentur a fide. & ad 1. Vbi fides periclitatur, quilibet tenetur fidem

*suam*



suam alijs propalare, vel ad instructionem aliorum fidelium, sive confirmationem, vel ad reprimendum infidelium insutationem. & ad 3. Si turbatio infidelium oriatur de confessione fidei manifesta, absque aliqua utilitate fidei, vel fidelium, non est laudabile in tali casu fidem publicè confiteri, unde Dom. Mat. 7. dicit, Nolite sanctum dare canibus, neque margaritas vestras spargere ante porcos, ne conversi dirumpant vos. Sed si utilitas fidei aliqua speretur, aut necessitas adsit, cōtemperta perturbatione fidelium, debet homo publicè fidem confiteri, unde Matt. 15. dicitur, quòd, cū discipuli dixissent Domino, quòd Pharisei audito ejus verbo, scandalizati sunt, Dominus respondit. Sinite illos, sc. turbari: cæci sunt, & duces cæcorum. Ita D. Thomas.

Dico IV. Episcopi, & Pastores, si necessitas subditorum requiratur, tenentur etiam cū periculo certissima mortis adesse.

Christus enim ait, Bonus pastor animam suam ponit pro ovibus suis, Io. 10. quo significat, nullum bonum esse pastorem, bonitate, quæ ad gratiam, amicitiamque Dei retinendam necessaria est, nisi ubicumque necessitatis casus occurrerit, cū periculo vitæ, gregi suo favore, & auxilio præsens usque ad mortem adfuerit. De quo D. Th. 22. q. 185. art 5. sic loquitur: In qualibet obligatione præcipuè attendi debet obligationis finis: obligant autem se Episcopi ad exequendum pastorale officium propter subditorum salutem: & ideo ubi subditorum salus exigit persona pastoris præsentiam, non debet pastor personaliter suum gregem deferere, neque propter aliquod commodum temporale, neque etiam propter aliquod personale periculum imminens, cū bonus pastor animam suam ponere teneatur pro ovibus suis. Quia verò Christus discipulis suis, quorum successores sunt Episcopi, etiam illud mandavit, si vos persecuti fuerint in una civitate, fugite in aliam, Mat. 10. addit. Si verò subditorum salutem possit sufficienter in absentia pastoris per aliam provideri, tunc licet pastori, vel propter aliquod commodum Ecclesiæ, vel persona periculum, corporaliter gregem deferere. Unde Augustinus dicit in Ep. ad Honoratum 180. Fugiant de civitate in civitatem servi

Christi, quando eorum quisque specialiter à persecutoribus quaeritur, ut ab alijs, qui non ita quaeruntur, non deferatur Ecclesia. Cum autem omnium est commune periculum, hi, qui alijs indigent, non deferantur ab his, quibus idigent. *Si enim perniciosum est, nautam in tranquillitate navem deferere, quanto magis in fluctibus? ut dicit Nicolaus Papa, & habetur 7. q. 1. de qua re vide Cajet ibi, & Sotum li. 10. de just. q. 3. art. 4.*

**VI.** Eaque postrema difficultas, Num ad martyrium opus sit, ut quis expressè moriatur, eo quòd fidem negare, vel Deum offendere nolit, dum ad id cogitur.

*Resp. negat.* tam in infantibus, qui eum actum habere non possunt; quam in adultis, ut si iustus, paratus millies mori, quam fidem negare, vel Deum offendere, odio fidei dormiens perimatur: vel etiam, si vigilans quidem, sed extemplo propter Christum globo trajectus, statim expiret. Haud enim ambigo, quin S. Carolus Borromæus, Mediolanensis Archiepiscopus, & S. R. Card. si, quando Hieronymus Farina apostata clanculum in eum pijs precibus intentum, bombardam explosit, protinus occidisset, (ut magno Dei miraculo, pro populorum salute, omne evasit periculum) Martyr haberetur Ecclesiae.

Hisce præmissis, jam ostendendum est, quam justè Ordinis ordinis nostri Religiosi illi, de quibus præfati sumus, inter Martyres fuerint recensiti. In qua nihilominus re, nullam majorem adhiberi mihi fidem exposco, quam historica narrationis ratio, & rei ipsius, ad rectam judicii libram expensa, requirit. Igitur authores in historiae veritate perscrutanda accuratissimi, & in theologica facultate doctissimi (quippe qui ut plurimum fuerunt in ea Doctores, & longo tempore professores) qui id tradiderunt, sunt infrascripti.

Bernardus Guido Lemovicensis, Hæreticæ pravitatis Inquisitor Tolosanensis, ac deinde Landolensis Episcopus, in Chronico Ordinis, quod jussu Gen. M. Ord. Fr. Aymerici Placentini anno Christi 1303. conscripsit, agens de prædicatione no-



fratrum apud Cumanos, sic ait. Post multos autem labores fratrum, cepit, Deo cooperante, ibi esse Conventus, & incœperunt inter eos predicare confidenter. Numerum autem eorum, qui ad fidem Domini Iesu Christi de die in diem convertebantur, Dei solius est computare. Cum hac sic agerentur, supervenit, occulto Dei iudicio, Tartarorum persecutio, qua non solum dictam predicationem fratrum nostrorum impedivit, sed multos ad Regnum Cœlorum ire compulit, ut circiter nonaginta fratres nostri Ordinis, alij gladio, alij sagittis, alij lanceis, alij ignibus concremati ad Regnum cœlorum transierint.

Autor Chronici Gen. ad finem Constitutionum Ord. Præd., folio 38. eodem anno 1221. Fr. Paulus Vngarus cum quatuor socijs missus fuit ad Vngariam ad prædicandum. Hic erat actus legens in iure Canonico, quando intravit ordinem. Hi igitur totam provinciam peragrantes, magnum fructum fecerunt in populis. & multiplicatis ibidem fratribus, missi sunt aliqui à dicto Fr. Paulo in terram, qua Struthium dicitur, quam heretici, & schismatici incolebant, ubi post multas tribulationes, tandem Domino largiente, mirabiliter profecerunt. Deinde memores dicti fratres devotionis B. Dominici, qui ire volebat ad prædicandum Cumanis, qui nullam penitus Dei notitiam habebant, ordinaverunt mittere fratres ad dictam terram. Quam ingressi, sed exire compulsi, & denuò regressi ad eam, prædicare cœperunt: & duobus ex ipsis martyrio coronatis, alij in prædicationis officio perseverantes, converterunt primo Ducem unum ex ipsis nomine Bruchi, qui in Fidei Christiana confessione decessit: postea verò alium Ducem majorem nomine Bibrech, cum mille de familia sua, quem Rex Vngaria Andreas de Sacro fonte levavit: qui similiter susceptis Sacramentis Ecclesie, fideliter decessit. Fratres igitur perseverantes ibidem fructum maximum fecerunt, & Conventus ceperunt. Cum hac agerentur, & fervor Fratrum magis ad conversionem Paganorum accresceret, Dei occulto iudicio venerunt Tartarorum exercitus, qui non solum predicationem prædictam impediverunt, verum etiam circiter nonaginta Fratres ad Regna cœlestia per coronam martyrij transmiserunt.

Leander Albertus, historicus insignis, qui præter res

nostrorum utriusque sexus hominum, Italiam totam descripsit, & expensis Bononiensis Senatus, Bononiensium historias condidit, aliaque elaboravit, lib. 2. de viris illustribus Ord. Præd. fol. 58. & 59. tit. *Fratres per Tartaros Martyrio coronati.* Paulus Hungarus, vir Pontificio jure clarus, toga Predicatoria sumpta, à Parente Dominico cum quatuor socijs in Hungariam ad verbum Dei seminandum missus est. Igitur provinciam ingressi, nulli labori parcentes, in brevi magnum Domino populum acquirere. Porro Fratrum ibidem, aucto numero, Paulus ex eis aliquos selegit, & premisit in quendam locum, vulgò Structium dictum; inde ordinatâ Provincia, ad Cumanos penitus Dei veri legis expertes decreverunt, transire. Ingressi itaque Cumanorum terminos, illico coeperunt fidem Christi predicare: sed ab ipsis expulsi, in Vngariam remeare coacti sunt, amissis duobus socijs, qui alijs constantiores, dum in confessione Christi perseverarent, Martyrij coronam sunt adepti. Iterum reasumptis viribus, redierunt, & intrepidè Sanctam fidem predicarunt. & inferius: Verum cum hac maximo successu fierent, succresceretq; passim in Ethnicorum salutem fervor, occulto Dei judicio, Tartaris in incolas provincie hujus immaniter irruentibus, factum est, ut ex Fratribus, ad coelestem atque perennem illam gloriam per martyrij palmam circiter nonaginta transmissi fuerint. Porro ex his in fide Christi persistentibus, alij gladio truncati, alij telis, & spiculis obruti, & quidam igni consumpti sunt.

Catalogus hominum illustrium Ord. n. annexus libro Privilegiorum ejusdem Ord. à Gen. Mag. Fr. Stephano Vfusmaris, tit. Martyres: Ardebant eo tempore Fratres zelo fidei dilatandæ, multiq; maximis privilegijs ab Apostolica Sede ornati ad diversas infidelium partes Aquilonis, & Orientis accesserunt. Quorum quidam postquam regionem, quæ Structium dicitur, ad Christi fidem converterant, ad Cumanos transivere, ubi post multorum conversionem, duo fratres ab infidelibus interfecti sunt. Irruentibus deinde Tartaris, ad nonaginta circiter Fratres occisi, martyrij coronam reportaverunt; à quibus etiam in Vngaria quidam senior genere nobilissimus, habitu, & moribus sanctus, ceteros ad constantiam confortans, ante majus altare in Ecclesia



*confossus manus, & pedes spiculis, & excusso cerebro, interemptus est.*

Antonius Senensis, Lusitanus, S. Th. Mag. & Regens Lovanienſis, in Chronico, inter beatos, & martyres eos recensens, ait inter alia: ad hanc decadem (1261.) pertinere illos nonaginta Fratres, qui fuerunt pro Christo à Tartaris trucidati in Vngariæ partibus, &c. De mortis tempore nihil modo solliciti, de quo aliàs diximus, nunc rem ipsam confirmamus.

pag. 116  
& 117

Indiculus Beatorum aliquot Martyrum, & Confess. Sacri Ordinis Præd. post nostri Ordinis martyrologium, iussu M. Gen. Fr. Hieronymi Xavierre, S. Rom. E. Cardinalis editum, & Clementis octavi Su. Pontificis autoritate confirmatum, titulo *Beati Martyres Ordinis nostri, inter alia: Duo Fratres apud Cumanos ab infidelibus pro Christo interfecti, anno 1242. Nonaginta Fratres in Vngaria a Tartaris trucidati, Martyrij palmam acceperunt.*

Thomas Malvenda S. Th. Mag. vir omnigena eruditione clarissimus, totius antiquitatis scrutator acerrimus, multorumq; præstantis doctrinæ librorum confector, in annalibus prædicatorijs anno 1222. ubi recensuit verba Guidonis, quæ & nos primo loco dedimus, ait. *Hactenus Guido. eadem omnino susatus, Leander, Castillus, & alij, qui omnes nobile illud nonagintanovem fratrum Martyrium, hoc anno 1222. contigisse affirmant. Interfectum tunc una cum alijs Fr. Paulum Vngarum, qui ipse Dux verbi erat, Antonius Senensis, Castillus, & alij annotarunt. & inferiùs. Ha igitur dici poterunt Primitia Martyrum Ord. Præd. nempe primum duo illi Fratres a Cumanis interfecti, post modum alij nonaginta, Tartarorum immanitate trucidati, qui vex illum confessionis fuso sanguine primi in Ordine erexerunt, initiisq; nascentis Religionis, quò solidiora in omne ævum subsisterent, mirifice consecrarunt.*

am.  
22.  
22.

Ioannes Michael Plodius, S. Th. Doctor, multoque tempore professor, & jam diù Status Mediolani Generalis hæreticæ praviratis Inquisitor prudentiss. æque ac zelantissimus, in Progenie S. P. Dominici per Italiani, *Sanctus, inquit, Fr. Paulus Vngarus, qui jure nuncupari potest harum nationum, Vngaria, Cumania, &c. Apostolus, gloriose obiit apud Cumanos, martyrio propter*

li. 2. c.  
63. pag.

fidem coronatus. Sed non solus cælos conscendit; nam eò cum ipse  
 transmisit sunt plusquam nonaginta ejus socij; è quibus aliqui igne cre-  
 mati, alij sagittis conficti, nonnulli lanceis transfixi, quidam gladijs  
 trucidati fuerunt. & opere de viris illustribus Ord. Præd. semel  
 ita scribit: Beatus Paulus apud Cumanos, ut ait Castillus, cum nonaginta  
 & amplius Fratribus, per manus Tartarorum, qui illi regioni, Taggio te-  
 ste, supervenientes, erectos jam Convectus solo aquarunt, & fidei prædica-  
 tionem impediunt, & martyrio Beatos istos, aliquibus in igem immixtis,  
 alij jaculis confixis, nonnullis lanceis perterebratis, quibusdam ore gla-  
 dij absumptis, affecerunt. & iterum agens de B. Martyre Vngaro  
 anonymo, (quem nos diximus Buzad vocatum fuisse:) Non solus  
 in Cælum evolavit, nam in ea persecutione Tartarica, varijs locis, cen-  
 sum nonaginta circiter fratres, lanceis, gladijs, sagittis, & igne perem-  
 pti, martyrio coronati sunt.

Abraham Bzovius S. Th. M. & post Cardinalem Baronium  
 Annalium Ecclesiasticorum conditor, anno 1222. n. 9. titulo,  
 Martyrio affecti Patres apud Cumianos. Cum hac sic agerentur,  
 & in dictorum Paganorum conversione fratrum zelantium animas fer-  
 vor magis ac magis augetur, occulto Dei judicio, supervenit Tartaro-  
 rum persecutio, qua non solum dictam predicationem fratrum no-  
 strorum impedit, sed multos ad regnum Cælorum festinanter ire com-  
 pulsit, ut circiter nonaginta Fratres Ord. Præd. alij gladio, alij sagittis,  
 alij lanceis interfecti, alij ignibus concremati ad beatitudinem transie-  
 rint. & postea. Interfectum tunc una cum alijs Fratrem Paulum  
 Hungarum, qui ipse inter Duces verberat, Antonius Senensis, Castillus,  
 & alij annotarunt. Sed ea sub annum Domini 1241. acciderunt,  
 quando Fratres Prædicatores vexillum confessionis, fuso sanguine, primi  
 apud Cumanos erexerunt, initiaq; nascentis Religionis, quò solidiora in  
 omne ævum subsisterent, mirifice consecrarunt.

Alphonsus Fernandez, Historiæ Ecclesiasticæ nostrorum  
 temporum, Concertationis Prædicatoriæ, Rosarij; V. Deiparæ  
 & aliorum librorum scriptor, in ipsa Concertatione anno 1241.  
 post multa: In Tartarica ista ineurione nonaginta circiter Fratres



Ord. Præd. aly gladio, aly sagittis, aly lanceis interfecti, aly ignibus cremati ad beatitudinem transierunt. De his nonaginta martyribus mentionem fecimus supra anno 1233. n. 2.

Dominicus Gravina S. Th. Mag. vir pietatis opinione celebris, qui sæpius pro sua humilitate oblatos Episcopatus recusavit; & eruditionis præstantia nulli nostra ætate secundus, deque tota Ecclesia conscriptis plurimis diversarum rerum libris, & magnis adversus nostri tempores hæreses voluminibus, optime meritis in Voce Turturis ait: *Pendent* (ut nonnullos innume-  
 ris omisis recenseam) hinc botri, nonaginta scilicet Martyres, à Tartaristrucidati. & postea: hinc centumnonaginta fratres, partim Tartarorum spiculis, ac telis, partim patibulo, aut lapidibus obruti, aut vivi decoriati, aut flammis exusti, aut capite obruncati in Ungaria, Dalmatia, ac Bosina Martyrium consummantes, vineam quoque nostram decorant.

p. 2. c.  
22.

Petrus Malpeus, olim Prior Bruxellensis, in Palma fidei, qua de Martyribus Ordinis Præd. tractat, de iisdem martyribus à Tartaris preceptis fusè scribit.

pag. 4.

Auctor præfationis ad Directorium conscientie Fr. Ioannis de la Cruz Theologi Ord. Præd. Duaci anno 1632. impressæ.

Anno 1222. Patres nostri Cumanorum Gentilium conversioni totis viribus insudarunt; cumque nobiliores eorum Baitum, & Bembro- cum cum mille ex familia ab errorum tenebris ad Fidei splendorem revocassent, ingruente immanissima Tartarorum persecutione, nonaginta Fratres Martyrij palmam adepti sunt, aly gladio, aly lanceis, aly sagittis interfecti, aly ignibus concremati. Quid hic referam centum & nonaginta Fratres, quos in Hungaria, & Dalmatia Regnis in anno 1263. à Tartaris varijs tormentorum generibus gloriosum Martyrium consummasse scribunt?

Auctoribus hisce tredecim ex Ord. nostro, quinque alij & ipsi planè insignes & sincerissimi ejusdem familie scriptores junguntur: Georgius Eppius VVimpinensis. S. Th. Lector: lib. de Viris illust. Ord. Præ. Ambrosius Taegius p. p. monumento-

ram

rum Ordinis, quæ diligenter m. s. s. pluribus voluminibus ex-  
tant in S. Mariæ Gratiarum Mediolani bibliotheca: Seraphi-  
nus Razzius, S. S. Th. Mag. & innumerorum penè librorum  
confector, libro de Beatis Ord. Præd. Mag. Ferdinandus Caltil-  
lus, Regis Cath. Philippi II. Ecclesiastes, (tanta doctrina, ut de il-  
lo quidam dicere nō dubitaverit, quatuor ex eo eruditione vnde  
quaque clarissimos heri comodè potuisse) Centuria 1. generalis  
historiæ totius Ordinis Prædicatorum: Celebris Doctor, & Inqui-  
sitor, Iacobus de Sufato: quorū testimonia quamquā certissima,  
cū libros ad manum non habeam, ad verbū nunc dare nō licet.

Accedit denique vir præclarus, Ioannes Fridericus Ma-  
tenesius, S. S. Th. Licentiatus, Colonia ad D. Cuniberti Cano-  
nicus, & Pastor, nec non S. R. E. Protonotarius, qui li. 13. hist.  
Ecclesiast. anno 1222. ita scribit: *Fratum Prædicatorum complu-  
res persecutione Tartarorum Martyrio affecti, quorum sanguine irri-  
gati anno 1241. Cumani plerique ad Fidem conversi sunt. Inter Marty-  
res emicuit predicatione, Fr. Paulus Vngarus.*

Iam fidem meam, Candide Lector, astruxi; nunc exigo  
tuam, num homines ego nostros à Tartaris olim mactatos mar-  
tyrum nomine primū, an alij, ijque plurimi, & clarissimi nun-  
cupaverint; num jure, an injuria egregias Heroum laudes, ad-  
nos, à quatuor ferè sæculis, nullo reclamante, transmissas, ad  
Dei, inclytæq; gentis Vngariæ virentem semper gloriam, pro  
succèptæ scriptionis instituto, vulgaverim. Equidem tantū  
abesse putem, ut quod scripsi, jūstè quispiam reprehendere pos-  
sit, ut si tacuissem, sceleris potius, quasi tantæ virtutis, ac laudis  
invidus, redargui jure deberem. An dicturus es hosce Aucto-  
res fide nutare? Sed quidnam, obsecro, vnquam ex historijs Po-  
pulorum, Religionum, Principum, probari licebit, si quæ scri-  
buntur à plurimis, cū primis doctis ac pijs, pro libidine cun-  
cta negentur? An conditiones martyrio necessarias dubitas  
adfuisse? Profecto mors non defuit: quando alij gladijs, alij  
jaculis, alij ianceis, alij igne mortui fuisse narrantur. Non de-

fuit



fuit acceptatio: qui enim viri sanctissimi, & salutis animarum  
 fitientissimi, aliorum erant Prædicatores, & novellam Christia-  
 nitatis prolem ad constantiam fidei, virtutesque omnes, fer-  
 ventissimè animabant, non est, cur suspicemur, eos sibi defuisse.  
 Non status Charitatis, ad quam sive procurandam, sive augen-  
 dam, per Sacramenta, contritionem, preces, pias exercitatio-  
 nes, ob præsentaneam mortem, in ferocissimorum Scytharum  
 persecutione, par est credere fuisse intentissimos. Non demum,  
 causa, quæ Martyres reddit; cum Tartari illis irruptionibus o-  
 dio Christianæ Religionis in Religiosos præcipuè homines de-  
 sciverent; unde non alia de causa in Poloniam iterum excur-  
 rentes, quadragintanovem illos Fratres nostros, quorū Præsul  
 erat B. Sadochus, alter Vngariæ Apostolus, Virgini Deiparæ Salve  
 Regina vespere decantantes, Sandomiriæ interemerunt; quos &  
 cœleste pridie occisionis oraculum, cum ex Ecclesiæ tabulis di-  
 vinitus exaratum illud promulgatum fuit edictum, *Sandomiria  
 Passio quadragintanovem Martyrum*, & Apostolicum deinde  
 Alexandri Quarti, Summi Pontificis decretum Martyres esse  
 sancivit. Sanè si quicquam defuisset, viri nedum pietate, sed  
 etiam Patrum lectione, & Scholasticæ Theologiæ eruditione  
 præstantes, talia scriptis consignare perhorruissent. Nec quia  
 singulæ apud scriptores aliquos martyrij circumstantiæ expressè  
 minimè exarata leguntur, illos è martyrum cœtu deturbare li-  
 cebit. Si enim detur ea licentia, complures ex Martyrologijs,  
 Menologijs, historijsque Ecclesiasticis expunges, de quibus num-  
 quam fuit addubitatum. Sanè opus est, crede mihi, in pluri-  
 mis affectione pia, sine qua non absque piaculo grandi sæpius  
 errabis. Sed videor obijcientem audire, non fuisse nostros oc-  
 cisos, eoquod fidem expressè negare, vel Deum offendere nol-  
 lent, ad id coacti, quod requiritur ad martyrium. Ad quod  
 ajo, quid de insinuata ad martyrinam condicione sentiendum sit,  
 me jam antea scripsisse: quam nihilominus nostris defuisse sine  
 causa assumis; tum quod argumentum illud negativum, non

p. p.  
 lib. un.  
 c. 10.

V. An-  
 tonium  
 Dianā  
 p. 2. re-  
 sol. mo-  
 ral. re-  
 sol. 51.

lego

lego condicionem illam martyrij; igitur martyres non fuere, non teneat: cum potius cordatis ac pijs è contrario inferendum fuerit, Viri plurimi pietate, & doctrina insignes, semper asseruerunt eos Martyrio fuisse coronatos: ergo nulla ad martyrium condicio potuit deesse: tum quod ne ea quidem omnino silentio fuerit pertransita, quando egregius Leander ita scriptum reliquit. *Porro ex his in Fide Christi persistentibus, alij truncati, alij telis, vel spiculis, &c.* Sed dissertationi isti jam finem impono. Spero equidem maiorem hisce scriptis fidem ab omnibus habendam in posterum, ubi vel in hoc puncto, quod adversus illa visum est fuisse validius, nihil me, nisi legitimis, iisque quam plurimis testibus, nec sine optima ratione protulisse; Deumq; ut, quod ad illius laudem, & gloriam elaboratum est, manifestius elucesceret, objecta notaverint direxisse.

**NONNULLÆ AD COMMENTARIOS DE**  
*Rebus Vng. Provinciae Ord. Prad. annotationes.*

1. p. c. 1. addi possunt inter Imperatores. ex Vngarico stemmate, Probus Maximi filius, Sirmienfis, de quo p. 4. c. 2. pag. 528. & Alexius Græcorum Cæsar, ex matre, Pannonæ, ut Ægnatius scribit, attingens. Memini etiam legisse quempiam ex Vngaris Romanam Petri Cathedram infedisse.

c. 9. ad ejusdem provinciæ Martyres putant aliqui pertinere & illos, de quibus Leander li. 2. fol. 59. *Adrianus Prefectus cujusdam Cenobij, cum vigintisex fratribus à Turcis palo suffixus est, & catalogus post Martyrologium: Fr. Albertus, alijs Adrianus, Prior, cum vigintisex Monasterij fratribus à Turcis pro Christo ligno affixi martyrium consummarunt. & alius post Ordinis privilegia, vigintisex Fratres unius Conventus cum Adriano eorum Priore, Turcarum savitia palis suffixi, martyrium pro Christi fide tolerunt.*

c. 12. ubi igitur de miraculis S. P. Dominici in Vngaria, adde illud apud Malvendam anno 1221. c. 55. in fine. *Quidam*

*rusticus,*



*rusticus, Rako romine, in Pannonia mentem perdiderat, ac ita furebat, ut obuium quemquem, velut canis rabidus, invaderet. Hic ad reliquias S. Dominici perductus, mentem accepit.*

P. 2. l. r. c. 12. & deinceps, quod ex Bzovio, & Plodio scripsi, B. Augustinum anno Christi 1332. obiisse, corrigendum est; cum ex literis Caroli Ducis Calabriae (quarum exemplar extat superius pag. 43. & 44.) ad Ioannem 22. Sum. Pont. datis anno 1325, pro inquisitione vitae, miraculorumq; & canonizatione eiusdem B. Augustini, iam defuncti, & portentis coruscantis, multo prius ex hac illi mortali luce subtractum, appareat.

Verisimilius est, quod D. Tomcus tradit, B. Augustini mortem in annum 1323. 3. Augusti, & 17. à Canonizatione S. Thomæ Aquinatis, quæ à Ioanne ipso 22. eodem anno 18. Iulij facta est, incidisse. Ac si verum est, quod idem Tomcus habet, sexennium à B. Augustino Lucerinum Episcopatum administratum fuisse, efficitur, hunc anno circiter 1317. iniisse, & Zagrabiensem 14. vel 15. circiter annos, ab anno sc. 1302. vel 1303. administrasse; subindeque, quod de vtriusque regiminis tempore c. 13. collegimus, juxta hæc emendandum.

Ibidem c. 12. ubi de patria B. Augustini disquiritur, etsi simile quiddam cum hoc Viro Sanctiss. accidisse videtur, quod in omnium Poetarum principe Homero contigit; de quo Cicero oratione pro L. Annio Archia, dicebat: *Homerum Colophonij civem esse dicunt suum, Chij suum vendicant, Salaminij repetunt. Smyrnai suum esse confirmant, itaque delubrum etiam ejus in oppido dedicaverunt; permulti alij præterea pugnant interse, atque contendunt: & si inquam simile quiddam hic accidisse videtur: ex auctoritate tamen vetustissimi Officij Ecclesiastici, multisque alijs à D. Tomco (qui alioquin facile viros clarissimos ad patriam pertrahere consuevit) adductis, Dalmatam fuisse crediderim.*

Illud lib. 2. c. 10. pag. 239. linea 17. sic legitur apud Episcopum Ranzanum Indice 15: *Malo igitur emori, quam tuis mortiferis parere consilijs.* Quo intelligimus, sensisse S. Margaritam,

nulla facultate licere sibi post professionem absque lethali crimine in nuptias consentire.

Eodem li. c. 17. pag. 259. Putem cæleste illud visum de priscorum Patrum perfectione, S. Thomæ Aquinati innotuisse; cui propterea pro gratia ad singula præstanda, Beatiss. Virg. Deip. suffragio assequenda, insigni illi ad eandem Deip. à quolibet Religioso quotidie recitandæ precaticunculæ, hæc inferere placuerit. *Deprecor te etiam, Domina mea Sanctissima, ut impetres mihi veram obedientiam, & veram cordis humilitatem, ut veraciter me agnoscam miserum, ac fragilem peccatorem, & impotentem non solum ad faciendum quodcumque opus bonum, sed etiam ad resistendum continuis impugnationibus sine gratia, & adiutorio Creatoris mei, & sanctis precibus tuis.* Ecce illud aurei documenti, contemnere semetipsum. & inferius: *Impetra mihi etiam, o Domina dulcissima, Charitatem veram, qua dulcissimum, & dilectissimum filium tuum, Dominum nostrum Iesum Christum toto corde diligam, & te post ipsum super omnia, & proximum in Deo, & propter Deum. Sicq; de bono ejus gaudeam, de malo doleam, nullumq; contemniam, neque temerariè judicem, neque in corde meo me alicui præponam.* En illud, *amare Deum, non spernere, aut judicare alium.*

3. p. li. 2. c. 1. adde, tot insignia à Fratribus Prædicatoribus per Sanctum Inquisitionis Officium ad Ecclesiæ utilitatem facta, ut Viri quidam prudentissimi, nullos alios majorem Ecclesiæ Catholicæ operam censeant præstitisse. Extant Romæ, in Arce (ut fertur) S. Angeli, gesta conscripta; quæ, si lucē aspicerent, vel sola ad immortalem Prædicatorum splendorem sufficere possent.

ibidem pag. 419. linea 28. adde. Pius 2. anno 1464. & Sixtus 4. 1473. Vicarium Congregationis Peregrinantium ad partes infidelium totius Orientis, Inquisitorem Hæreticæ pravitatis in omnibus illis regionibus, cum facultate alios Inquisitores instituendi, creant. Nos, inquentes, dilecto filio Christophoro de Viterbio Ord. Prad. S. Th. Professori, totius Societatis peregrinantium propter Christum inter gentes Vicario generali, & hæreticæ

apud  
summa-  
sis à fos  
lio 141.



pravitatis Inquisitori per nos deputato, & constituto, & alijs suis successoribus pro tempore deputandis, in partibus orientalibus tam fidelium, quam infidelium constitutis: & quam maximè in Civitatibus Caffa, & Pera, Chy, & in terris Saracenorum, Paganorum, Gracorum, Bulgarorum, Cumanorum, Ethiopum, Iberorum, Alanorum, Gazatorum, Gothorum, Zirorum, Ruthenorum, Syrorum, Iacobitarum, Nubianorum, Nestorianorum, Georgianorum, Armenorum, Agolecticorum, Tartarorum, Carelorum, Hungarorum majoris Hungaria, & aliorum, qui nondum Sacramenta fidei perceperunt, &c. concedimus facultatem, &c. ut alios Inquisitores hæretice pravitatis, in Provincijs, de quibus sibi videbitur, supradictis, substituere, & ordinare valeat.

3. p. li. 4. adde juxta seriem annorum. Anno Christi 1309. B. Augustinus Zagrabiensis Episcopus Ord. Præd. ut idem Fr. Gentilis Legatus Apostolicus Ordinem S. Pauli I. Eremitæ sub S. Augustini regula confirmaret, effecit. Testis est Io. Tommcus in vita ipsius.

Anno Christi 1311. idem B. Augustinus, Viennam Gallie, ad Concilium à Clemente V. pro summis Ecclesiæ difficultatibus, Magni viri, Fr. Nicolai Pratenfis ex Ord. Præd. consilio indictum, cum ipsemet Cardinali Legato profectus, ibi à Cal. Octobris ad sesquennium cum cæteris Patribus, doctè æquè ac sanctissimè definivit. Fortè & eidem Concilio duo alij Vngari ex nostra familia, Fr. Andreas Archiepiscopus Antiliarensis, & Fr. Benedictus Transylvanensis Episcopus, interfuere.

Anno Christi 1415. à Constantiensi Consilio, Ioannis Husz hæresiarchæ causa, ex quatuor nationum Commissarijs, pro Italica natione, Ioanni Archiepiscopo, & Cardinali Ragusino ex nostro Ord. commissa fuit his verbis. *In materia fidei contra Ioannem Husz, auctoritate huius Sacri Concilij, procedent Archiepiscopus Ragusinus pro natione Italica: pro natione Germanica Episcopus Flebiiensis; M. Frsnus Taluenda pro natione Gallicana; M. Guilermus Comes pro natione Anglicana, in sacra pagina Magistris: causam dicti Ioannis Husz, & suorum sequacium, examinando, & in illa*

pag. 32

Conr.  
Constân  
tense  
Sessio.  
6. anno  
1415.  
27. Apr.  
ilis.

procedendo usque ad diffinitivam sententiam inclusivè. Denique Hulf, hæreticus, immò hæresiarcha convictus, cum in perfidia animo obstinato persistens, nollet errores retractare, in solemniconcilij sessione, post habitam concionem à nostro Fr. Iacobo Laudensi Episcopo, (qui & habuit in condemnatione Hieronymi Pragensis) lectaque in eum judiciali sententia, condemnatus, degradatus, & brachio sæculari traditus, ex igne temporaneo ad æternum descendit.

4. p. c.  
2. pag.  
521.

4. p. c. 2. pag. 511. col. 6. vbi dicitur, quæ hodie Scutari nominatur, corrige, quæ olim Epirum dicebatur. pag. 521. col. 2. adde. Gilnizensis; hic sub annu 1454. ad exactam regularis vitæ normæ à Mag. F. Leonardo de Vale Brixinensi, cum alijs Vng. Prov. Cōventib⁹, revocat⁹, cum à triennio non nihil audiret recidisse, de eo in optima disciplina cōtinendo, decernebat Fr. Iacob⁹ Reich, Cōventuum reformatorum ejusdem Provinciæ Vicarius Generalis.

Ibidem pag. 523. col. 27. adde. Noviciatui in Styria, solitudine, rivis, sylvis, planitie, collibus, vinetisque peramœna, tribus circiter Germanicis leucis Cilia distans. Fundarunt Comites Cilienses, multisque bonis, & divite suppellectili sacra locupletarunt. Sed eam cum omnibus facile mobilibus anno Christi 1479. mense Augusto, triginta Turcarum millia, Rege Matthia Olomutij Comitibus habente, ex insperato in Vngariam, indeque Styriam, more turbinis irruentes, utique diripuerunt; nihil, præter pharetras quasdam suas bene crassas, (quas à decennio vidi) in sui fortasse memoriam, dimittentes. Quin & Fr. VVolgangum in imminente Conventui colliculo jugularunt; cujus corpus sub dio, summis insolentissimæ siccitatis, qua Savus, & Dravus, semper & ubique navigabiles, pedibus trajici potuere, æstibus, & solis ardoribus, post triduum à recessu Turcarum repertum, suavem odoris fragrantium efflans, in peristylij proxima sacrario parte tumulo illatum fuit. Cæteros verò Relig. Fratres doctos & pios, Turcæ secum in miseram captivitatem abduxerunt; Conventus monimentis adhuc



rem gestam testantibus. Triginta hominum millia cum ingenti præda, incensa, vastataque non parva ex parte provincia, secum abduxisse, eorum temporum auctor Bonfinius scribit. Hic etiam Conventus reparationi Vng. Provinciæ fuit assignatus.

c. 7. ubi agitur de V. Deip. Rosario, si quis, (ut cum eadem Clementissima Advocata, & spei nostræ anchora firmissima finiam) modum illius recitandi nosse desiderat, habet non solum ab autoribus nostris, qui planè in re ista innumeri sunt: sed etiam apud Magnum Martinum Navarrum miscellan. 24. Ludovicum à Ponte Soc. Iesu to. 2. medit. p. 5. meditat. 38. Valerium Reginaldum ex eadem Soc. in Praxi fori Pœnit. p. 1. lib. 4. p. 2. c. 11. sect. ult. in appendice, Reverendiss. D. Davidem Cornerum, Abbatem Gottuvicensem ex Ord. S. Benedicti, virum, omni pietatis, eruditionis, prudentiæ, & beneficentiæ laude præstantem, innumquam satis commendato (ex plurimis, quos tum edidit, tum editioni paratos habet) libro, cui titulus, Promptuarium Catholici devotionis, p. 5. c. 3. Verum enim verò mos ille publicè recitandi in Ecclesijs nostris, & alijs, in quibus Rosarii Archifraternitas erecta est, usitatus, quo hortante è suggestu Concionatore, & singula mysteria pijs meditationibus contemplanda proponente, per utriusque sexus hominum choros ubique festivis diebus, alicubi etiam alternis, alicubi quotidie, magna frequentia, & devotione recitatur, incredibile est, quantopere Virg. Dei spara placeat, quot beneficia populis præstet, quot fructus in Ecclesia Catholica pariat.

*Maria Mater gratiæ,*

*Mater misericordiæ,*

*Tu nos ab hoste protege,*

*Et hora mortis suscipe.*

*Gloria tibi Domine,*

*Qui natus es de Virgine,*


*Cum Patre & S. Spiritu*

*In sempiterna secula.*

Dec. 4.

l. 5. p.

606.



# INDEX RERUM, ET PERSONARVM.

## NVMERVS SIMPLICITER.

Operis, asterisco \* notatus,

Appendicis paginam indicat..

### A.

- Abbates ex Ordine Prad. in Regno Vngaria.* 415.  
*Aethiopia quot Martyres ex Fratribus Predicatoribus enumeret.* 61.  
*Agria.* 510.  
*Alba, quot in Regno Vngaria.* 509. 510.  
*Amor proprius, venenum animam inficiens.* 484.  
*Andreas I. Rex Vngaria, Hierosolimitanus cur dictus, 28. totius Christi-  
 stiani exercitus ductor in Oriente, ibid. que praestiterit ibi, ibi-  
 dem. Quas tulerit in Vngariam Sanctorum reliquias, 29. duas  
 habuit conjuges, 29. 386. sub ipso Ordo Predicatorum Vnga-  
 riam ingreditur. 24.*  
*Andreas III. Vngaria Rex, cur Venetus dictus, 388. Parens Elisabethae  
 Sanctim. Ord. Prad. 385.*  
*Andreas Vngarus O. Prad. ad Papam pro Canonizat. B. Margarita  
 missus, 310. & 403. Archiepiscopus Antiliarensis à Clem. V.  
 creatur, ibidem.*  
*Andreas à Dyrrachio O. P. Arch. Ragusinus, 404.*  
*Andreas Vngarus O. P. Episc. Bosnensis, 409.*

Andre-



*Andreas Vngarus O. P. Antistes Sarubensis, 412.*

*Anima, quomodo in cælum recepta, qua interdum corporibus reu-  
nita, 115.*

*Antipapa, membrum diaboli, Antichristus. 485. 486.*

*Antonius ladrensis, Episcopus Modrusiensis, 411. Confessarius Regina  
Beatricis, ibidem.*

*Antoninus à Grosupro, Theologus Concilij Trid. 432. Apostolicus Com-  
miss. per Regnum Vngaria contra pravitatem hæreticam, 430.  
Orator Pij, V. ad Archiepif. Stigoniensem, ceterosque Prasules  
Vng. 500. multos annos S. Th. in Viennensi Academia professus  
433. Decanus facultatis Theolog sæpe, ibidem. Procurator Au-  
striaca Nationis moritur, ibidem.*

*Apostolici Vngarorum Reges unde dicantur, 18.*

*Archiepiscopi qui dicantur, 395.*

*Archiepiscopi, in. vel ex Regno Vngaria Ord. Prad. 403. & 404.*

*Afferficulensis Civitas, & Conventus O. P. 510.*

*B. Augustinus Vngarus Ord. Prad. 105. Professio, Studia, Episcopa-  
tus, 115. & seq. miracula ejus coram Benedicto XI. 117. ut Caro-  
lobertus, ab Vngaris Rex suscipiatur, persuadet, 118. & 478.  
transfertur ad Episcopatum Lucerinum, ubi moritur, 118. mul-  
tis magnisq. miraculis claret, qua jussu Ioannis XXII. colliguntur  
pro Canonizatione, 121. Miracula ejus a vo nostro parrata, 121.  
populorum in illum, ejusq. tumultum, & reliquias devotio, 124.  
Patria ejus. 129. 35. \* translatio corporis. 129. consultatio Urbis Lu-  
cerina de illo in Patronum deligendo, 125. Officium illius Eccle-  
siasticum, 130. & seq. Vita illius per D. Episcopum Ioannem Tom-  
cum, a pag. 1. \* & deinceps.*

*Augustinus Zagrabienfis, pro reformatione Prov. Vngaria missus Ro-  
mam, 587. & seq.*

*B.*

*Banensis Conventus. 521. 76. \**

*Bartholomæus Lapacius Ord. P. Episcopus Coronensis, missus in Vnga-  
riam a Pont. Inquisitor hæretica pravitatis, 413. 427. 494. virtus,*

- & eruditio, 1427. missus secundo in Ungariam, moritur in expeditione contra Turcas, 494. discipulus B. Ioannis Dominici, 175. 496.  
 Bartholomaeus Bononiensis O. P. Episcopus Signiensis. 410.  
 Beati, qui dicantur. 90.  
 Benedictus Ungarus, O. P. Episcopus Transsylvanicus. 409.  
 Bernardus Ghetaldus, O. P. qua scripserit, 449.  
 Blasius Constantinus Ragusinus, O. P. Episcopus Tribunensis, 40. vapulat a S. Dominico, quod habitum Ordinis dimittere cogitaret, ibidem. sub fratrū pedibus iubet se sepeliri, 411.  
 Blasius alter O. P. Episcopus etiam Tribunensis, ibidem.  
 Boetius de Transsylvania, O. P. qua scripserit, 443.  
 Bonifacius octavus, legatum misit in Ungariam Fr. Nicolaum Tarvisinum, Cardinalem Hostiensem O. P. 396. 473.  
 Bosnia ab haeresibus repurganda operam navant fratres Predicatores. 65. 464. plures ibi in perfidia obstinatos igni tradiderunt. ibidem. Tempia destructa, & malè habitata restaurant. ibidem.  
 Bosnensi Ecclesia pro edificatione Cathedralis, & defensione fidei, Fratres Pred. Quinqueecclesienses assistere, a Pont. iubentur. 466.  
 Bosnensium I. Episcopus Fr. Ioannes Teutonius, O. P. 406.  
 Bosnensibus haeticis, & schismaticis convertendis fratres Predic. mittuntur a Greg. IX. 166.  
 Bosnensis Cathedralis causa commissi Episcopo laurienti, & Priori Albeni, O. P. ab Innocentio IV. 466.  
 Bosnensibus Manichaeis convertendis operam dat Ioannes de Turre Cremata Card. O. P. 496.  
 C.  
 Canonizationis B. M. V. Ungarica tractatus, 310. & seq.  
 Canonizatos plerique non canonizati excedunt meritis, & premio essentiali, 317.  
 Capitula generalia O. P. in Ungaria cum statutis. 553. & deinceps.  
 Cardinales omnibus post Su. Pontificem Ecclesia membris excellunt, 393. alia eorum Prorogativa, ibidem, & deinceps.



- Cardinales qui in Vngaria ex O. P. ibidem.  
 Carmina in laudem B. Margarita V. 352. & seq.  
 Cassoviensis Prior, Conomissarius Pontificius in iubilæo, 497.  
 Cassoviensis Conventus, 512.  
 Castitatis in tentatione omnis mora periculosa. 96.  
 S. Catharina Senensis O. P. litera ad Ludovicum 1. Reg. Vng. ut Urbanum 6. taceatur: quod & factum, 480. & deinceps.  
 Charitatis encomia, 481. & deinceps.  
 Charitatis signa præcipua, patientia in adversis, & beneficentia in adversarios, 483.  
 Charus, sive Carolus Chakius Vng. B. Maurity germanus, O. P. 154. virginitatem illibatam ad obitum usque custodivit, ibid. vixit sanctissimè, ibidem. magna Sanctitatis opinionione moritur, ibidem. honorificè sepelitur in loco eminentiori, ibidem.  
 Chakiana familia, præclara in Vngaria, 153.  
 Clemens V. committit Inquisitoribus O. P. in Vng. extinctionem Templariorum, 477.  
 Concilij Lugdunensis decreto sacra militia contra Saracenos in Syriam comparari mandatur. 472.  
 Concilio Viennensi interfuit B. Augustinus Episcopus Zagrab. O. P. 35.\*  
 Concilij Pisani occasione schisma majores vires sumpsit. 184.  
 Concilium Constantiense Greg. 12. auctoritate confirmatur, 192. In eo magna hominum frequentia, ibidem. Generalis Prædicatorum suffragium habuit in electione Martini V. 195. viri ejusdem Ordinis ibi strenuè laboraverunt, 209. schisma, electo Martino V. extinctum est, ibidem. magna unionis pars B. Ioannes Dominici Card. Ragus. O. P. ibidem.  
 Concilium Basiliense, a principio legitimum, deinde illegitimum, 446. in eo Fr. Ioannes Ragusinus contra Hussitas eruditissimè disputavit, 447.  
 Concilio Tridentino interfuit ex Vngaris, Fr. Ioannes Colosvariensis O. P. Episcopus Chanadiensis, 411.  
 Confessarii Regum, & Principum in Vngaria, ex O. P. 472.

Collegia, & Universitates Pron. Vng. 539.

Conradus Marpurgensis, an simpliciter I. Martyr O. Prad. 63. 385. 407.  
magister S. Elisabatha Vngara, jussu Greg. 9. ejus vitam 8. li-  
bris descripsit, 385.

Consanguinitatis gradus inter Regias ex Vngarico stemmate personas  
Religiosas Ord. Prad. & Minorum, 386. & seq.

Conventus, O. P. qui primum in Vngaria fundati, 24.

Conventus omnes ad Provinciam Vng. spectantes, ad extensum à 506.

Conventus totius coronæ Vngaria, aliquando ad unam Provinciam spe-  
ctantes, in duas distributi, 592.

Corepiscopi olim, qui, 375.

Crusegnatorum vota pro subsidio Terra Sanctæ, in Vngaria, 465.

Cumani, qui. 39. seis predicare S. P. Dominicus cogitabat, 39. ad eos  
destinantur Prad. 38. 47. secundo repelluntur Predicatores, è qui-  
bus duo occisi, 40. duos illorum Principes, cum multis populis con-  
vertunt, 40. illorum, aliorumq; conversioni dantes operam,  
quam Deo accepti, divinitus ostensum, 42. Cumanis nuper  
conversis proprius Episcopus à Greg. 9. designatus, 465. hortatur  
Pont. Belam, ut eis Cathedralem erigat, & proventibus locupletet,  
ibidem. Eorum Predicatores omnes, à Tartaris pro Christo pe-  
reempti, 46. seq. in Vngariam profugi, Fratrum Prod. opera ad  
fidem convertuntur, 50. Predicatio in Cumania intermissa,  
magna conatu instaurata, 47. Cumanorum multa millia con-  
vertuntur, 48. Innocentius 4. concedit, ut fratres donent Indul-  
gentias Cumanis, 467. idem Pont. aliq; dant literas amplissi-  
mas Predicatoribus Cumanorum, & aliorum infidelium, 467.  
& deinceps, 473. Cumani à Fratribus edocti, jejunia quadra-  
gesima, & alios Ecclesiæ ritus observant, 471. Cumanis, & a-  
lijs infidelibus intra Vngariam constitutis, Fratres Prad. & Mi-  
nores, Clementis VI. jussu destinantur, 479.

## D.

Devotio Vngaria ad B. V. Deiparam. 423.

Deus



- Dens* tradit populum suum hostibus, quando Episcopi, & Principes plus nimio inbiant temporalibus, 502.
- Decendi munus*, quorum, 437.
- Doctor*, quot modis dicatur, 437. Doctorum excellentia, 436. inter eos, ceteris paribus, digniores, qui scripserunt, 438. quidam excellentissimi nihil scripserunt, 438. plurimi Doctores ex Dominicanis in *Vngaria*, 439. & deinceps.
- Dæmon*, veredarij habitus, Dominicanos, an ex ipsis mittendi essent in *Vngariam*, interrogat, 35.
- Dæmones* conqueruntur, se vel per juvenes ad Ordinem receptos confundi in *Vngaria*, 36.
- Dominicani*, cur codices, virgam, & variam habitum deferant 93. 94. plures ex ipsis Tartarorum manus effugere in *Vngaria*, 55. aliqui cum Franciscanis apud Cistercienses ope divina saluati, 55. *Dominicani*, & *Franciscani*, diebus 50. ducentamillia hominum ad fidem convertunt in confinibus *Vngaria*, 480.
- S. Dominici O. Prad.* fundatoris imago de *Suriano*, insigniter miraculosa, 72.
- S. Dominicus*, novem mortuos suscitavit in *Vngaria*, 75. seq. innumera alia miracula fecit ibidem, è quibus aliqua recensentur, 79. seq. cur tot fecerit miracula, 86. magna populorum devotio ad *S. Dominicum* in *Vngaria*, 86. *Dominicus Gravina*, 392. \* 69.
- E.
- Ecclesia unitas*, capitis unitatem exposcit, 193.
- Elisabetha*, *Andrea* 2. Regis *Vngarie* F. Sanctitas, 19. 25 2. amita *B. Margarita O. P.* 388. magistrum, & directorum spiritualium habuit *Fr. Conradum Marpurgensem Inquisitorem*, & *Martyrem O. Prad.* 385.
- Elisabetha*, filia *Stephani V. O. P.* 383. sanctimonia, & humilitatis exemplar, ibidem. quid monasterio à Patre obtinuerit, ibidem. quo anno vixerit, 384. ubi sepulta, ibidem.
- Elisabetha*, filia *Andreae I. II. O. P.* 384. 385. virtutibus, & miraculis clara, ibidem. tanquam Angelus reliquis Sororibus admira-

*bilis, ibidem. quo anno mortua, 385.*

*S. Emericus, S. Stephani I. Regis Ungaria, filius, 18.*

*Episcopi qui dicantur, 394.*

*Episcopi Ord. P. ad Ungariam attinentes, 405. & deinceps.*

*Episcopus primus in Ordine Prædicatorum, quis fuerit, 506.*

*Episcopus primus Bosnensis, quis, 405.*

*Eustachius O. P. laudatus, & Abbas postulatus à M. Corvino, 415.*

*F.*

*Franciscani, u. Dominicani, S. Margarita.*

*Fundationes Ecclesiarum, & piorum locorum, olim innumerabiles in Ungaria, 22.*

*G.*

*Gentilis ex O. Minorum Card. Legatus in Ungariam B. Augustinum Zagrabiensem Episc. sibi coadiutorem assumit in præcipuo legationis negotio, 118. 23. \* seq. Fr. Benedictum Ungarum O. P. Episcopum facit in Transsylvania, 419. ad instant. am B. Augustini Ordinis S. Pauli I. Eremita auctoritate Apostolica confirmat, 32. \**

*Georgius Lippai Episc. Vesprimiensis, & Regni Hung. Cancellarius, 317.*

*S. Gerardus Episcopus Chanadiensis, 20.*

*Gerardus, Prior, & Confessarius Maria Regina Ungaria, 107. post mortem apparens Regina, prædicit ei pacem inter Reges Belam, & Stephanum, ibidem, & 105.*

*Gratia Dei neglecta, non facile redit, 164.*

*Gregorius 9. Sum. Pont. commissiones multe pro gravibus rebus factæ Fratribus Prædicatoribus, in Ungaria, 465. 466.*

*Gregorius X. pro processu vite, & miraculorum B. Margarita Commissarios designat in Ungaria, 311. committit Provinciali Ungaria O. P. indictionem belli contra Saracenos, 472.*

*Greg. XII. Cardinales creat B. Iohannem Dominici, aliosq. 181. seq. mittit illum Legatum suum ad Sigismundum Regem Romanorum, & Ungaria. 187. mittit illum ad Concilium Constantiense, quod approbat, 190. 192. laudatur, 187.*

*Gregorius Nagyfalvi Episcopus Uaciensis, 533.*

*Hæc-*



## H.

*Heresis Illyricanas regiones defordans*, 65. *Fraticellorum*, 426. *Hungariam inficiens tempore Concilij Constantiensis*, 198. *anima simplicis*, 407.

*Heretici in Bosnia, & Dalmatia, per Fratres Pr. conversi*, 464.

*Hereticorum pœna legibus Hungaricis lata*, 423.

*Hereticus in Ungaria singularis, per Theologum Ord. Prad. ad Fidem quomodo perductus*, 491. & seq.

*Heretici, qui habendi*, 461. *quantum oderint S. Inquisitionis Officium*, 421. 422.

*B. Helena Ungara, Virgo Sanctim. O. P. 212. vita ad miraculum stupenda, ibidem. B. Margarita magistra, ibidem, & 214. Figmata à Christo recipit*, 212. 217.

*Herbordus, n. Riboldus*, 408.

*Historia Sacra, & Ecclesiastica utilitas*, 1. & seq.

*Homines magis dulcedine, quam severitate duci*, 170.

*Honores, & voluptates, non quarenda in monasterijs*, 259.

*Honorius 3. Pont. dat literas B. Paulo, & Socijs pro Ungaria*, 463. *eius jussu Fratres Prad. Bosnenses, & Dalmatas convertunt*, 464.

*Hospitibus Fratres Prad. in Ungaria recipientibus, qua Deus miraculose contulerit*, 37.

*Hungari bello inclyti*, 16. *litteris addicti, ibid. hospitales*, 22. *in fide Orthodoxa propaganda ardentes*, 22. 423. *Imperatores dederunt Imperio Rom.* 16. 528. *viros Sanctissimos Ecclesia*, 17. seq.

*Hungaria denominatio, situs, ambitus, ubertas*, 13. & seq. *in ea rivus, in quem ferrum immissum, vertitur in cuprum*, 15. *eius Patrona B. V. Deipara*, 22. 609. *Regnum Apostolicum, & quare*, 18.

## I.

*Iacobus Ragusinus O. P. Episcopus Tribunensis*, 413.

*Iacobus de Clavaro O. P. hareticum singularem in Ungaria convertit*, 490.

*Iacobus Nemethi S. I.* 59. 68. 220. 340. 379.

- Imperatores Pannonici*, 16. 528.  
*Incineratio corporis*, non minoris Sanctitatis indicium, 330.  
*Indulgentias* 20. 30. & 40. dierum, Fratribus Pred. Cumanis largiri concessum, 467.  
*Indulgentia* 140. dierum visitantibus corpus B. Virg. Marg. 341.  
*Ingenio* qui plus valere videbantur, sæpè evadunt obtusi, & e contra, 164.  
*Inimici hominis* verè, ac propriè, mundus, caro, dæmon, 482.  
*Innocentijs* 4. Su. P. Commissiones multa pro gravibus rebus Predicatoribus in Regno Ungaria facta, 466. seq.  
*Inquisitionis* S. Officium, cur, quando, à quo, quibus suggerentibus institutum, 417. & seq. quale munus, 417. quàm invisum hereticis, 421. 422. adhuc florens, & vicens in Catholica Ecclesia, 420. vixit in Ungaria, 423. & seq. quando primum in eam inductum, 423. perduravit, quamdiu Regnum integrum stetit, 429. in Dalmatia adhuc perseverat, 450.  
*Inquisitionis Sancta* per Ungariam Commissarius Apostolicus, Fr. Antoninus à Grosupto, 430.  
*Inquisitor primus* absolutè, quis fuerit, 418.  
*Inquisitores per Orbem* à Pontificibus destinati, 421. & 422.  
*Inquisitores simpliciter primi*, qui in Ungaria fuerint, incertum, 424.  
*Inquisitores inter primos* Ungarie, qui recenscantur, 424.  
*Inquisitores quidam* in Ungaria, quorum nominatim extat memoria, 427. 428.  
*Inquisitorum egregia gesta* in Ungaria, 424. & seq.  
*Inquisitores speciales* in Ungaria, 427. 478.  
*Ioannes Ungarus* O. P. Inquisitor, Episcopus, & Martyr, 406. 407. qua de causa, & quomodo interfectus, ibidem. quo anno Christi, 407.  
*Ioannis* 22. Sum. Pont. commissiones varia pro Fratribus Predicat. in Ungaria, 478. 479.  
*B. Ioannis Teutonici*, Provincialis, & Episcopi in Ungaria, patria, profectus, & status religiosus, 91. & seq. S. P. Dominici manibus monachum induit, 92. fructus predicationum ejus, 93. miraculis



splendet ibidem, & seq. zelus, & castitas, 95. Provincialis Ungaria, 97. Episcopus Bosnensis, ibid. qualis in Episcopatu, ibid. num primus Episcopus ex Ordine, 405. num primus Bosnensium, 406. renunciato Episcopatu, invitatus Ordinis Praefecturas subit, 98. gesta in Generalatu, 99. seq. pie moritur Argentina, 103. miraculis claret etiam post mortem, ibid, seq. literis Regum Ungariae commendatus post mortem, 103. seq. translatio corporis ejus, 103.

Ioannes Dominicus O. P. Legatus Pontificius in Dalmatiam, 479.

Ioannes Dominici Florentinus, Archiepiscopus, & Cardinalis Ragusinus, 156. parentes ejus, & educatio, ibidem. studia, & exercitia pueritiae, & adolescentiae, 157. habitum Ordinis, non sine aliquorum contradictione, induit, 160. & seq. profectus & vita austeritas, 166. profectus in studiis, 168. in concionando insignis, 169. 176. seq. qualis in Ordinis praefecturis; ad quas invitatus promotus, 171. S. Theologiae magisterium delatum ex humilitate recusat, 172. religiosa observantia primus in Italia reparator, 173. commendatur à S. Vincentio Ferrario, 175. missus à Rep. Florentina legatus ad Greg. 12. Sum. Pon. ab eo ceterum Angelus exceptus, Archiepiscopus Ragusinus, nolens, ac deinde etiam Cardinalis creatur., 181. legatus ad Sigismundum Regem Ungariae pro Ecclesiae necessitatibus, 187. urget Gregorium, ut Pontificatui resignet, 185. iterum legatus ad Sigismundum, agit de modo unionis, 188. 490. concedit ad Concilium Constantiense cum Gregorii mandatis, & literis opportunis, 191. & seq. ibi propositis primum communibus Gregorii literis, ac deinde opportune secretiora continentibus, reus Ecclesiae prudentissimè conficit, 193. Cardinalatui renunciat, eo restituitur, & Concilii praesidentia honoratur, 194. quanta ejus auctoritas, ibidem, & seq. multa apud Sigismundum Regem Rom. 1961. finito Concilio, postulatus à Sigismundo in Ungariam Legatus cum eo venit propter haereses, 197. 490. remedio frustra tentato, Buda sanctissimè decedit ex vita, 201. sepelitur apud Paulinianos, 204.

205. miraculis illustratur, 201. laudes S. Antonini, & aliorum de ipso, 205. & seq. ingenij solertia, omnes scientias perse didicit, 205. 208. Ecclesia S. ornamentum, 209. magna causa unionis Ecclesie, 207. 209. maledicta, & injurias, ingenti animo pertulit, 209.

Ioannes Stoicus, à Ragusio, O. P. ex Prov. Vng. Magister in Philosophia, & Doctrina Sacra valde eminens, 445. pramittitur à Iuliano Cardinali ad auspicandum Concilium Basileense, quod & facit, 446. 494. per octiduum in Concilio, Hussitas, quoad necessitatem communionis sub utraq. specie, confutavit, 447. 494. legatus Constantinopolim ad Imperatorem Græcorum, 402. Episcopus Argensis, 410. Patriarcha, 402. Cardinalis factus à Concilio, sed non inscriptus catalogo Cardinalium Ordinis, ibidem. scripta ejus, 448.

Ioannes à Dyrrachio O. P. Episcopus Tribunensis, 409.

Ioannes Dalmata, Scriptor O. P. 449.

Ioannes Claudiopolitanus, O. P. 411. in jure Canonico, & Theologia Doctro egregius, 440. factus Episcopus Chanadiensis à Pio IV. ibidem. interfuit Concilio Tridentino, in quo & mortuus est, 499.

Iustitiam in proprium filium administrare Regi gloriosissimum, 448.

## L.

S. Ladislaus Ungarus, & Ungaria Rex, 19.

S. Laurianus Ungarus, Archiep. & Martyr, 17.

Laurium Civitas, in qua B. Paulus Ungarus predicavit, 33.

Lauriense Cœnobium, pro lauriense, vel laurinense, 33.

Leonardus Ragusinus, Scriptor O. P. 499.

Leonardus de Valle, reformatior Provincia Ungaria, 589.

Lingua impeditioris homines, Dei Legati, 185.

Loca, sive Vicariatus Provincia Ungaria, 540.

Lutherani, & fautores eorum, quibus poenis plectantur secundum leges Ungaria, 423.



cepto \* 62. nam ad martyrium opus sit, ut quis expresse moriatur, quod fidem negare, vel Deum offendere nolit, dum ad id cogitur. \* 64.

*Matthæus Escandelinus Vngarus Budensis, insignis sanctitate, martyrio, miraculis, apud Sinas, 20.*

*Matthias Corvinus, Rex Vngarie, literis faver, & studiosis. 453. cepit scientiarum Academiam Buda apud Pradicatores, ibidem. sollicitat canonizationem B. Margarite, 380. promovet ad Episcopatum Modrusensem Fr. Antonium Iadrensem O. P. 452. rogat Pontificem, ut preficiat Abbatia Toponcka Fr. Eustachium O. P. 45. laudatus funebri concione à P. Ranzano O. Pred. ibid.*

*Matutinas ad preces nocte media etiam in hospitij extra Conventus, Ord. P. religiosi in Vngaria consurgebant, 34. 148.*

*E. Mauritius Chak Vngarus O. P. ex stirpe regia, 143. Ortum ejus B. V. Maria prænunciat, ibidem. puerulus pietati deditus, aras ex- truit, hymnos decantat, catechistam agit, 144. ex audita à quodam religioso O. P. S. Alexij vita, Ordinem ingredi deliberat, 144. matrimonium jnit invitus; sed biennio post cum Coniuge Religionem intrat, multaq; à Socero, & affinibus patitur, 145. Ordini redditus, Bononiam mittitur, 145. maximis virtutibus in omni austeritate, & humilitate claret, 146. miraculis fulget adhuc vivens, 148. januis clausis, nocte media, ex hospitio intrat Ecclesiam cum Socio, 148. 151. 533 moritur laurini, 149. mortuus aspectandi Sacramenti Corporis, & Sanguinis Christi gratia, oculos reseat, 150. corporis ejus suaveolentia mirabilis, 150. appareret post mortem, & gloriam suam revelat, ibidem. complura facit miracula, 150. notantur quedam circa narrationem prænunciata ab eo mortis Regi Vngarie, 151. & seq. sacri ejus corporis reliquia, sive incendi, sive Turcarum vastatione perierunt, 154.*

*Michael Italus Murianensis O. P. Archiepiscopus Spalatenfis, 404.*

*Miracula, non fiunt nisi à Deo ut causa principali, 276. cur fiant, ibidem. cur ab hæreticis rideantur, 84. hæretici ea habere neque-*

nnt, ibidem. tentarunt facere, sed ex vivis mortuos fecere: quæ  
est nota hereticorum, 85. quid ea præstent in Ecclesia. ibidem.  
Miracula, S. P. Dominici in Vngaria, 72. seq. B. Joannis Episcopi Bos-  
nensis, 94. 95. 102. seq. B. Augustini, 117. seq. \* 41. B. Mauri-  
tij, 148. B. Io. Dominici, 201. B. Helena, 113. B. Margarita,  
276. seq. fusè. Rosarij Deipara Virginis, 565. seq. facta hospitibus  
Fratrurn P. P. in Vngaria, 37.  
Monasteria Sororum O. P. in Hungaria fusè à 541. & deinceps.  
Moses, cur vitam S. Iobi conscripserit, 3. 4.  
Munera varia, FF. Præd. pro bono Ecclesiæ, & Regni Vngariæ commissæ,  
toto libro 4. 3. partis, à 463 ad 502.

## N.

N. Vngarus, juvenis O. P. Sanctissimus, 112. infans mortuus, S. Domi-  
nici arbitrio suscitatus, ibidem. mira de gloria celestis, Deipara,  
Angelis. S. P. Dominico, Jesusq. Ordine narravit, 113. ad celestia  
semper intentus, ibidem.  
N. Cumanus, O. P. ex Ducibus Cumanis ortus, 110. sub septennium  
mactatus à Demone, vitæ restitutus, 110. baptizatus, & in Ord.  
Præd. in habitu seculari educatus, punitur gravissima egritudine,  
quod tunicam veterem sine licentia dederit lotrici, 111. visio  
illius, ibidem. post receptum habitum Ord. & Sacerdotium, mul-  
tos Cumanos ad fidem convertit, ibid. à Thoma Cantipratano  
valde laudatus, 110. 111..  
Nicolaus 4. Su. Pont. bullam dat amplissimam, Fr. Præd. apud Hun-  
garos, & Cumanos, 473.  
Nicolaus Hungarus, O. P. Inquisitor, Episcopus, & Martyr, 64. 407.  
cur, & quomodo occisus, 424. quo anno, 407.  
Nicolaus Italus Tarvisinus, Mag. O. P. & Cardinalis Hostiensis, Lega-  
tus delat. in Vng. & quomobrem, 396. 403. 474. \* 23. quæ ibi  
fecerit, sup. quid Vienna apud Predicatores, 397. post Bonifa-  
cium 8. fit Pontifex ibidem. creat B. Augustinum Vngarum.  
Episcopum Zagrabiensem, à cuius osculo manus chiragra sanatur.  
117. \* 6. quanta sanctitatis, & doctrina, 398. scripta ejus, ibidem.

Nico-



Nicolaus Sezzenſis, O. P. Archiep. Zarenſis, 404.

Nicolaus de Ovis, Italus Forocorneliensis, O. P. Archiep. Ragusiſſus,  
404.

Nicolaus Mirabilis, Vngarus Coloſvariensis O. P. S. T. D. & Profeſſor,  
totius Regni Vng. S. Officij Inquiſitor, & Apoſtolicus Predicator,  
428. 429. ſcripta illius, 456.

Nicolaus Eſtheraſy de Galantha, Palatinus Princeps, cum alijs Regni  
Hungaria Magnatibus commendatus, 21.

Nicoſlaus Dux Boſnia, opera fratrum Pred. hereſim ejurat, 464. ſidem  
probanti, filius apud fratres obſes, reſtituitur, ibid.

Nuncy Apoſtolici O. P. in Hungaria, 44.

O.

Orare bene quomodo poſſimus, 259.

Ordines Religioſi in Hungaria olim plurimi, 22. nunc qui, 20.

Ordo Predicatorum, quando primum in Provincias diſtributus, 24. 564.  
quo anno, & ſub quo Rege Vngariam ingreſſus 25. 27. ejus excel-  
lentia, 113. 114. Provincia ejus 504. Conventus, Collegia, Loca,  
Adonaſteria, quot, & qua, in Vngaria, 506. ſeq. ſuſe.

P.

Paci componenda inter Belam parentem, & Stephanum filium, Reges  
Vng. Provincialis O. P. jubetur dare operam a Pontifice, qua tan-  
dem ſecuta eſt, 472.

Papa, Chriſtus in terris, 485. 487.

Parentes ſeniculos, quod linqueret in ſeculo, obſurganti quid reſponde-  
rit B. Ioannes Dominici, 161.

Patriarcha, quis dicatur, 395. quis ex Provincia O. P. Vng. 402.

S. Pauli I. Eremita Ordo, quando, a quo, quo tempore inſtitutus, 475.  
ſeq. quorum favore promotus, 476. confirmatus \* 32. quum flo-  
ruit in Vngaria, 475. 493. habitus, privilegia, 477.

B. Paulus Hungarus O. P. Magiſter, & profeſſor Iuris Canonici in Bo-  
nonienſi Academia, recipitur in Ordinem a S. Dominico 31. mit-  
titur ab eo ipſo anno cum quatuor Socys ad fundandum Ordinem,  
in Vngariam, 31. in conſinibus Dalmatie predicans, tres ado-

leſcen-

lescentes scholasticos ad Ordinem suscipit, 32. P. Provincialis & fundator Provincia Ungaria, 30. seq. cum septem alijs fratribus Ungariam ingreditur, 36. primos Conventus, laurini, & Vespri-  
my adificat, 38. vir potens opere, & sermone, 32. Dux verbi ap-  
pellatus ibidem, mittit fratres ad confinia Ungaria, subinde ad  
Cumapos, 38. rogat superiores pro auxiliaribus copijs, 42. ma-  
gnis laboribus per 19. vel 20. annos in varijs regionibus exantla-  
tis, cum 90. fratribus martyrio laureatus, evolat ad Caelum, 41.  
49. mors ejus nequit referri in annum 1221. vel 1222. 43. laudes  
ejus, 46.

Paulus O. P. Prior in Dalmatia, martyr, 64.

Paulus Hungarus O. P. Episcopus, 407.

Paulus Ligur Moneliensis, O. P. Episcopus Chiensis, & Nuncius Apo-  
stolicus in Hungaria, 413. 456. 457. pietas, eruditio, scripta, 456.  
497. moritur Buda, ibidem.

Peregrinantium Societas O. P. unde originem duxerit, 577. quando, &  
a quo, uni Vicario generali subjecta, 578. quot Conventus habuerit  
578. qua bona pepererit, 579. quas mundi partes peragraret, 577.  
gratia & favores Pontificum, 579. 580. labefactata per Turcas,  
583. restituta, ibidem. habitus peregrinantium, 581. duratio  
ibidem.

Perfectio Patrum antiquorum, in quo sita, 109. 259.

Petrus Ungarus O. P. Episcopus Boshensis, 409.

Petrus Ranzanus, O. P. Episcopus Lucerinus, 414. 415. 454. erudi-  
tione, & eloquentia praeclarus, ibidem triennium in Ungaria le-  
gatus Regis Neapolis, 497. scribit ad Matthiam de rebus Un-  
garicis, 456. scribit multa alia, ibidem. orationem habet in fu-  
neri Matthiae, 415.

Petrus Riger Germanus, O. P. 449. doctor egregius, 450. confutat  
per dies multos Hebraeos publice, ibid. Regens, & caput studij o-  
mnium scientiarum, Buda a Matthia Rege erecti, constituitur.  
451. scripta illius, 451. 453.

Petrus de Herrera, O. P. Primarius Salimanticensis, & Episcopus,

Magi-



rum  
fri-  
ap-  
e ad  
ma-  
alla-  
q. l.  
udes  
  
Apo-  
456.  
  
ls, &  
uerit  
577.  
cas,  
atio,  
  
ndia-  
a le-  
Vn-  
nfn-  
  
ut at  
dy a-  
isur,  
  
opus,  
ia-

















Biblioteka Jagiellońska



star0030453



